

**NATIONAL ASSEMBLY OF  
SEYCHELLES**

*Thursday 4<sup>th</sup> March, 2021*

*The Assembly met at 9am*

*National Anthem*

*Moment of Reflection*

*Mr Speaker in the Chair*

**MR SPEAKER**

Mersi. Bonzour tou dimoun. Bonzour tou Manm e bonzour nou lodyans. Nou ava komans avek Prezantasyon Dokiman. Madanm Deputy.

**MADAM DEPUTY CLERK**

Mersi Mr Speaker. Bonzour tou Manm Onorab e tou dimoun a lekout. Prezantasyon Papye i *comme swivi*;

*National Tender Board  
Annual Report 2019*

*S.I. 15 of 2021, Al Salam  
Bank Seychelles Ltd. Debt  
Guarantee Order, 2021*

*S.I. 16 of 2021 Bank of Baroda  
Debt Guarantee Order, 2021*

*S.I. 17 of 2021, Bank of Ceylon  
Debt Guarantee Order, 2021*

*S.I. 18 of 2021 Mauritius  
Commercial Bank (Seychelles)  
Ltd. Debt Guarantee Order,  
2021*

*S.I. 19 of 2021 Seychelles  
Commercial Bank Ltd. Debt  
Guarantee Order, 2021*

*S.I. 20 of 2021, Seychelles  
International Mercantile  
Banking Corporation Ltd.  
(Trading as Nouvobanq) Debt  
Guarantee Order, 2021*

Mersi Mr Speaker.

**MR SPEAKER**

Mersi. Madanm Deputy. Nou annan *First Reading*, 2 *Public Bills*. Madanm Deputy.

**MADAM DEPUTY CLERK**

Premye *Bill* i;

*The International Trusts  
(Amendment) Bill, 2021.*

*This Act may be cited as  
the International Trusts  
(Amendment) Act 2021.*

*Prevention of Terrorism  
(Amendment) Bill 2021.*

*This Act may be cited as  
the Prevention of Terrorism  
(Amendment) Act 2021. Mersi.*

**MR SPEAKER**

Mersi madam Deputy. Nou ava pas lo *Committee Stage*, pou kontinyasyon lo *Appropriation Bill* e nou ava apel bann envite, bann partisipan ki la silvouple.

Bann *Leaders* ava rapel ki dan *ABC* nou ti tonm dakor ki zot pou regard avek zot *Caucus*, pwen ki zot santi i esansyel pou leve lo komansman sa bann

deba sa bann kestyon. E mon espere la i en lokazyon kot nou kapab met li an pratik si zot in pare, si zot in kapab fer sa legzersis.

Akoz mon realize ki mannyer ou letan i *tight* lo sa bann *budget heads*. Ozordi nou pe pran Bidze *Anti-Corruption Commission*, ki lo paz 123 ziska 127 pour en total 15milyon R740mil.

E mon annan plezir pou *welcome* avek nou Minis Naadir Hassan, Minis pour Finans, Plan Ekonomik e Komers. E ankor enn fwa PS Damien Thesee dan Departman Finans e Mrs Irene Crosee Kontroler Zeneral.

E avek nou koman reprezantan *Anti-Corruption Commission* nou annan Mrs May De Silva - *Chief Executive Officer* e Mrs Claudia Mathiot *Finance Assistant*.

Minis ou ki pou fer Prezantasyon sa Bidze? Yes, *please* Minis ou ava fer ou lentrodiksyon.

## **ANTI-CORRUPTION COMMISSION**

### **MINISTER NAADIR HASSAN**

Mersi Mr Speaker. Bonzour tou ban Manm Onorab. Bonzour tou dimoun ki pe ekoute.

ACCS i mandate anba Lalwa Anti Koripsyon 2016 pou li *investigate, detect e prevent corruption practices*. Parmi son manda i osi pou konsilte, korpere e kordinen avek bann lezot antite pour delivre dan son manda.

I osi annan en manda pou li edik, e fer *awareness* parmi piblik lo sa *issue of koripsyon*. Son Bidze 2021 si nou get total Bidze, i 15milyon R740mil. E 10.456milyon i pour *wages and salaries* konpare avek *Revised Budget 2020* ki R9.962milyon.

E sa i reflekte sa ki ti ganny anonse lo eliminasyon *Board ACCS* ki ti pe kout R1.8milyon. E *funds* in ganny *allocated* pour bann nouvo *vacancy*, ki enkli *Investigation Clerk, Prevention Enforcement, Principal Counsel, Communication Officer, Intelligence Officer,* e *Investigations Officer*.

So sa i eksplik sa *increase in from revised 2020*, me osi *the fact* ki i pour *Board*. *Funds* in ganny *allocated for 3 mwan selman*, avek antisipasyon pou *remove sa Board*.

Lo kote ‘*goods and services*,’ Bidze pour 2021 i 5.284 konpare avek 6.137milyon an 2020 *revised*. E sa i reflekte en rediksyon dan *rent* valer R479mil, wi pou *rent*.

Me selman i osi *include* en laliny pou bann *additional* lekipman, ki pou bezwen pou nouvo *staff*. E sa i tonm an lavalè R479 *thousand*. Mersi Mr Speaker.

### **MR SPEAKER**

Mersi Minis. Nou annan ziska 10.30 pou sa *head*. Bann Manm i kapab komanse, mon ava komans avèk Onorab Woodcock.

### **HON WAVEL WOODCOCK**

Mersi Mr Speaker. Bonzour Minis, *Chairman Anti-Corruption Commission* ek ou delegasyon, tou Manm e tou dimoun a lekout. Mr Speaker mon keston kot i konsèrn '*current challenges*.' Anba '*current challenges*' i annan 3 pwen ki ACCS in fer sorti ki konsèrn Resours Imen, i annan enn '*slow progress with investigation due to freeze on recruitment*.'

Dezyenm, '*lack of prosecution unit as per the 2019 amendment to the Anti-Corruption Act*./

Trwazyenm. *delays with cases due to persistent lack of in house experts specialist, in financial and information technology forensic services*.'

Tou le trwa sa bann konsèrn sa bann *challenges* i annan pou fer avèk Resours

Imen, bann spesyalis, en prosekisyon *unit, unit* avèk bann lezot travayer ki ou bezwen.

Eski avèk sa Bidze 15.74milyon ki *Anti-Corruption Commission* in gannnen i pou ase pou ou *recruit* sa bann travayer ki ou bezwen, sa bann spesyalis ki ou bezwen pou ou deservi sa manda ki ou *commission* in gannnen? Mersi.

### **MR SPEAKER**

Mersi Onorab. Minis, *CEO* zot a zis sinyal mon lekel antre zot ki pou pran keston. Zis lev lanmen silvouple, ler zot pare. Wi.

### **CEO ACCS MAY DE SILVA**

Bonzour Chair. Bonzour tou bann Onorab. Wi i en keston ki nou pe vwar i deza i en problem akoz sa bann eksper ki'n apros nou. Nou annan deza detrwa kandida ki'n vin devan e saler ki zot pe demande i bokou plis ki i dan nou Bidze.

Nou pe komans sa konversasyon avèk Minister Finans, mon'n fini *raise* sa *issue* avèk Minis. E probableman ler zot reviz nou Bidze nou ava vwar ki mannyer nou kapab bouz devan lo sa bann *post* spesyalis, sa bann saler ki zot pe demande. Mersi.

**MR SPEAKER**

Mersi *CEO*. Onorab Samynadin.

**HON KELLY SAMYNADIN**

Bonzour Minis avek ou delegasyon. Bonzour tou dimoun a lekout. Mon premye kestasyon i baze lo zot bann ‘*current challenges*’ kot zot in konfirman ki i annan bann febles dan *Anti-Corruption Act*, ki ankor bezwen ganny adrese.

Eski zot kapab konfirm avek sa Lasanble lekel sa bann febles? E si i annan provizyon dan sa Bidze ki pou permet adres sa ban tel febles?

Mon dezyenm kestasyon i trouve lo paz 182, latab 4 ‘*performance measures for programs, point number 1*. Pou lannen 2020 i annan 10 Antite Gouvernman ek sekter piblik kot programm prevansyon in ganny fer.

Eski i posib pou konnen lekel sa bann antite? Si a okenn pwen zot in apersevwar okenn *act* koripsyon parmi sa bann antite e dan ki form? Mersi.

**MR SPEAKER**

*CEO* wi. Pa bliye sinyal mwan letan ou pou reponn *please*? Mersi *CEO*.

**CEO ACCS MAY DE SILVA**

Mersi. Wi sa bann *challenges* ki nou vwar la i reel dan nou *Act*. Ler ou pe enplimant sa bann *Act* la, sa *Act*, la ki ou pou vwar bann *issues*.

Ou annan *principle of legality*. Si ou napa sa pinisyon, si ou annan sa krim e sa *Act* li i pa pe kouver sa krim ki nou, nou pe vwar i annan en *issue*.

So i annan detrwa defi dan sa bann bout Lalwa kot nou bezwen regarde. Sa legzersis in ganny komanse 2020. Biro *Attorney General* ti'n ganny *EU funding* pour detrwa konsiltan e zot konsiltan mon aprann in drafte sa Lalwa. Mon krwar zot in fer en *initial* konsiltasyon. Me selman mon mazine akoz Lalwa blansisaz larzan in pran priorite lannen pase.

Sa Lalwa pa ankor al pour konsiltasyon. Selman i enportan ki kantmenm nou annan en Lalwa par egzanp si ou lir sa Lalwa paz 1 ziska dernyen seksyon, dernyen seksyon. Ou pou vwar poudir i annan bann *issues* kot bann envestigater pe vwar, kot ler i pe idantifye son bann lofans.

Nou'n gannyen pouvwar pou nou regard bann ka anba *Penal Code*, selman Seksyon 10 avek 38. Be i pa, nou *still* annan bann defi dan sa *Act*.

Alors sa i en legzersis ki nou bezwen asiz ek *AG's Office* nou ava regard sa *draft*, epi nou ban investigater sirtou nou ti ava kontan zot donn zot *input*, en fason ki zot kapab eksplik byen sa bann defi ki i annan.

Lo kote ou dezyenm kestyon ti sa bann 10 antite. Mon kapab anvoy lalis pou ou. Me selman ki nou fer nou targete, nou regarde kote ban konplent i ete dan bann sekter i partou.

Epi nou, nou ale nou fer bann sesyon avek zot. Me selman nou problem pou nou kontinyen sa louvraz aköz bann restriksyon *COVID*, nou pa kapab fer bann *workshops*.

Selman ki nou'n fer, nou *Unit* Prevansyon in devlop en program ki bann *staff* dan sekter piblik i kapab fer *online*. E nou'n teste avek nou *staff internally in house*.

La nou pe re aziste detrwa bout, apre nou ava *rollout* sa premye *basic program* pou zot, *prevention program* apre *hopefully* nou ava kontinyen avek nou bann lezot program dan *workshops* dan le fitir.

### **MR SPEAKER**

Mersi *CEO*. Onorab Gill.

### **HON CHURCHILL GILL**

Mersi Mr Chair. Bonzour tou dimoun lo *panel*, bonzour tou Manm e tou dimoun ki pe kout nou. Mon premye kestyon se donner sa bann lenformasyon ki ou kite kot ou, ou ti ganny en *funding* avek *EU* pour *strengthen cyber security system*.

Eski ou kapab dir nou konbyen sa *funding* ti ete, e ki ou'n kapab fer avek sa *funding* an term *cyber security*?

Mon dezyenm kestyon, i annan en *MOU* ki ou'n sinyen avek regilater apre sipervizer. Eski ou kapab dir nou kwa ki *entail* ladan silvouple? Mersi.

### **MR SPEAKER**

Mersi Onorab. *CEO*.

### **CEO ACCS MAY DE SILVA**

Bonzour Onorab. Wi si zot konnen *EU* son *funding* i pa donn ou sa larzan li, i *technical aid*. In anvoy son eksper *cyber security* in vini, in fer en *assessment* lo nou *cyber security systems*.

E i pe travay avek, in travay avek nou *IT Manager* ki li osi i pe fer son *Masters* ki pe ganny *funded* par *ANHRD* dan *cyber security*. I pe fini la i pe fer son *thesis* e avek led sa konsiltan, zot in nobou donn li en plan pou li kapab swiv e



pour li kapab *monitor* pou ACCS.

Lo kote *MOU* avek regilater, sa i en laranzman ki nou pe fer ek tou bann Manm lo Komite Blansisaz Larzan. E i en laranzman ki nou kapab *share* lenformasyon ki nou annan en *contact point*.

E ki si i annan bann lenformasyon ki nou bezwen, ki in dir zot fer li dan en dele letan, akoz dan en labsans *MOU* ou vwar poudir annandler i annan de kantite dele dan ganny lenformasyon.

E parey mon pe dir pou le moman la nou'n siny *MOU* avek 3, nou annan enn *SRC* semenn prosenn apre nou pe kontinyen sa legzersis pou nou tou *MOU over the next few months*.

### **MR SPEAKER**

Wi Onorab Gill ou kapab ...

### **HON CHURCHILL GILL**

Si ou kapab dir nou si sa bann *MOU* ki ou'n fini sinyen, e zot rezon det akoz ou'n sinyen si i pe marse? Mersi.

### **MR SPEAKER**

Mersi. *CEO*.

### **CEO ACCS MAY DE SILVA**

Wi, nou vwar poudir ler ou annan, sa sistenm i marse akoz

ou kapab, zot in donn zot garanti dan sa *MOU*.

E nou, nou vwar poudir nou deza annan en bon lantant avek sa bann lenstityon regilater sirtou. E ki nou pa ankor met an pratik, akoz i depan, i lo en *case-by-case basis*. Me selman sa i ava ed nou bouz lo en pe keksoz pli vit.

### **MR SPEAKER**

Mersi *CEO*. Onorab Andre.

### **HON CLIFFORD ANDRE**

Mersi Mr Chair. Mr Chair letan mon pe get bann '*major achievements*,' *CEO* mon vwar ki mazorite keksoz ki ti en *issue* si oule in ganny adrese. E ACCS in vin an loperasyon depi 2016 e ou konnen pep Seselwa i demande. Sa komisyon i vin get koripsyon? Oubyen i vin si oule demann nou toultan pou amann en Lalwa ankor, amann en Lalwa ankor, re rod ankor, re rod ankor?

Avek tou respe mon pe dir sa mon akoz alegasyon koripsyon oubyen koripsyon i reel Sesel. E napa aksyon ki ganny pran. Toultan sa aksyon i ganny blanmen lo en keksoz *ok*?

Ankor la bomaten nou tann ou *CEO* i dir i annan ankor, sa Lalwa i bezwen ganny aranze. Donk konmsi, ki

kantite larzan i pou pran, i pou kout pep Seselwa pou li war *at least* enn, lala enn i dir 50milyon. *At least* nou ti ava war 50 milyon pe retournen. Ou konpran? Konmsi en keksoz i ganny fer dan laspe koripsyon.

Ou Bidze in desann me selman i annan plis investigater akoz ou *Board* in nepli la. Mon annefe mon ti dir dan mon repons poudir mon krwar ki i devret annan en *Board*, akoz mon pa *believe* ki en dimoun i kapab siperviz koripsyon lo li tousel. Me selman sa in ganny fer mon aksepte.

Mon ti a kontan konnen Minis avek *CEO*, si Sesel oubyen konbyen larzan i pou kout Seselwa, pou nou war en ka koripsyon ganny anmennen dan Lakour Sesel?

Kekfwa mon ki pou defann sa dimoun mon pa konnen. Me selman *at least* i a ganny anmennen dan Lakour Sesel. Mersi.

### **MR SPEAKER**

Mersi Onorab. *CEO*.

### **CEO ACCS MAY DE SILVA**

Onorab mersi pou ou kestyon. Mon krwar tou dimoun pe esper bann ka Anti-Koripsyon, lekspektasyon i o lo sa lenstitisyon.

Be mon oule konmsi sa persepsyon ki depi 2016 nou'n an egzistans, nou met sa an konteks, *ok?* 2016, 5 Komisyoner ti ganny apwente, an Out 2016, Lalwa ti ganny *assented*, an Avril 2016. 5 Konmisyoner i ganny apwente Out 2016, en *CEO* i ganny apwente Novanm 2016. Zanvyé, afen Zanvyé 2017 sa *CEO* i kite.

Fevriye 2017 nou annan nou 2 travayer ki ganny apwente. En *Communications Officer* avek en resepsyonnis. Mon *take over* Anti-Koripsyon mon ganny apwente le 16 Mars 2017, so annou regard son konteks prezan, *ok?*

2017 nou annan nou 3 investigater, mon pe travay avek sa Bidze ki mon gannyen mon *ok*, so nou *recruit* 3 investigater. Mon met mon Bidze pou mwan ganny plis lo investigater, parey nou konnen i en *ceiling*, nou ganny nou 4 investigater 2018.

2019 nou ganny nou 8 investigater *ok*, la sa lannen nou annan 10. E ki nou pe fer nou'n pran sa striktir la ki nou annan en pe investigater ki nou kapab met an 3 group, ki zot kapab travay par group.

Si enn i malad ladan sa *case* i kontinyen, so nou annan

en pti pe plis la, nou pe bezwen ranforsi sa 3 tim.

Nou annan depi Oktob lannen pase, nou pe fer *case conference* avek prosekiter, lo nou bann *cases*. An se moman i pe travay lo sarz 3 *case*. I annan ankor 2 *case* ki in donn nou son lopinyon legal e *hopefully* sa bann *case* i ava ariv Lakour. Me selman i annan en fason ki nou fer sa travay.

E mwan mon'n toultan dir i annan en dele letan, me selman annou fer sa keksoz byen. Nou'n ganny pouvwar, mon pou donn en legzanp. Nou'n ganny pouvwar Lapolis, nou'n ganny *policing powers*. Nou pa ankor ganny sermante koman *Police Officers*. Sa i en keksoz ki *outstanding*.

So i annan detrwa keksoz ki nou bezwen ganny fer. I annan bann dele. Alors apresye, nou bezwen fer keksoz byen akoz nou demen ler sa 3, 4 *case* i tonbe, i pou tonm lo nou, lo nou lenstitisyon.

Nou annan nou en group bann zenn investigater, 23an, 24an, 26an, bann zenn investigater profesyonnel zot pe travay dir. En annandler i demoralizan ler latak lo ACCS ki oli *case*, oli *case*? Olye apresye ki s bann investigater zot pe fer zot *training* dan koripsyon.

Akoz avan sa lenstitisyon ti ganny etabli ti napa *case* koripsyon ki ti ganny anmennen kot Lapolis; napa eksper koripsyon, ti napa personn ki ti pe travay dan *case* koripsyon.

So nou bezwen apresye ki an menm tan ki olye ki mon ti kapab *setup* pou 2an, *train* zot pou 2an pare komans fer zot fer envestigasyon.

Nou'n desid lo en stratezi ki zot *train* an menm tan ki zot pe *investigate* bann *cases*. So larzan i ptigin, *I mean* parey ou vwar nou pa'n gannye *increase* sa lannen, nou'n ganny en *decrease*, nou'n ganny 15milyon.

Me selman nou'n vwar en fason, Minister Finans in vwar en fason ki mannyer nou pou kapab *fund* sa bann ekstra travayer, pou nou kapab bouz devan.

Bann *cases* pe vini zot pa trakase. E mwan mon pe dir ot poudir nou kot sa staz la prezan kot sa bann *case* i ava arive Ankour. Mersi.

### **MR SPEAKER**

Mersi. Silvouple mon tann en konversasyon ki pe kontinyen. Mon pa *mind* si en dimoun i fer en komanter avek son kanmarad. Me selman pa les konversasyon trennen silvouple



akoz i deranz mwan. Mersi.  
Nou ava al lo Onorab Mondon.

### **HON TERENCE MONDON**

Mersi Mr Chairman. Bonzour Minis, *CEO* avek ou delegasyon. Mon premye kestyon i al en pti pe dan laliny Onorab Andre.

Se dan larepons Bidze Minis Finans ki la i avek nou ozordi, ti anvoy en mesaz for lo son larepons Bidze anliny avek larzan an plis ki i pe mete dan Komisyon e restriktirasyon. Setadir in retir *Board*, e i pou donn zot tou sa lotonomi pou delivre.

Mon premye kestyon, ki garanti ki ou pe donn nou Lasanble, ki avek sa sipor bidzeter ek sa restriktirasyon ki nou pou kapab, ki pou kapab delivre lo sa nivo ki Minis li menm i ekspekte e nou Lasanble i ekspekte?

Mon pa pe koz Lasanble an zeneral mon pe koz nou ki pe donn sa Bidze an zeneral nou ekspekte gannyen avek sa sipor an plis?

E Minis aprezan lefe ki sa re lorganizasyon in retir *Board*, ki fason zot pe reorganize ki pou annan sa sipervizyon ki neser pou fer sir ki Komisyon i osi annan en *oversight* lo nivo Egzekitiv, lo koripsyon li menm pou fer sa bann travay ki zot bezwen ganny fer?

Mon lot kestyon Mr Chairman, e mon vwar ki zot met lanfaz lo *IT*, mon vwar ki an 2002 nou'n ganny 200mil pou *IT equipment*, nou'n ganny 160mil pou en *software*. E provizyon pou 2021 zot pe ganny 481mil pour *IT equipment* ankor e 385 pou bann *software*.

Si ou kapab don nou en pe detay, akoz ou bezwen sa bann lekipman? E ki kalite *software* ki zot pe mete? Mon konnen ki zot fer referans avek en *case management system* si sa pe, sa larzan pou ganny servi pou sa dan sa Bidze?

E mon lot pti kestyon Mr Speaker, e zisteman i dir bann ka ki'n soumi kot AG's si ou kapab dir nou ki kantite ka ki'n pare ki pe ganny soumet kot AG an se moman? Mersi.

### **MR SPEAKER**

Mersi Onorab. Minis, wi.

### **MINISTER NAADIR HASSAN**

Mersi Mr Speaker. Mon a pran sa kestyon dan *governance mechanism* ki nou pe diskite, apre *CEO* a pran lezot kestyon.

Lo kote en gouvènanans mon krwar bi se, mwan ki manner mon pe regard keksoz se ki manner nou kapab fer plis me avek mwens larzan.

So pa akoz ou pe donn mwens larzan ou pa pe kapab fer plis, ki mannyer ou kapab servi sa larzan pli efektifman. E i dan sa laliny kot sa *Board* ki ti pe ganny 1.8milyon pe ganny sorti.

Me dan *mechanism* ki kapab *achieve* menm lobzektif, me nou pa bezwen depans sa kantite larzan. E sa larzan li i kapab re ganny *allocate* avek *area* ki bezwen plis resours.

Ou konnen s i en *issue* ki nou ankor pe diskite, ki son *governance mechanism*, me selman koman en legzanp annou get striktir governans *FIU*. *FIU* son governans i annan sa *National AML/CFT Committee*, ok?

E *National AML/CFT Committee* i annan tou *stake holders* lo la ki kapab donn governans. E i en striktir ki pa ganny peye, me i fer en louvraz governans.

So i dan sa laliny ki nou pe get ki mannyer nou kapab met sa striktir governans an plas lo *similar lines* ki parey governans *FIU* i ete. E i *achieve the same objective*, me dan en fason ki ou pe bezwen depans en kantite larzan.

So ler sa desizyon i ganny pran, nou vin Lasanble avek sa *proposal* dan lamannman Lalwa me i pou reflekte sa bann

prensip ki mon'n mansyonnen. Mersi.

### **MR SPEAKER**

Mersi Minis. *CEO*.

### **CEO ACCS MAY DE SILVA**

Wi, Onorab ou dir pou pe regard garanti ki sa Lasanble pe rode, mon apresye. Be nou, nou bann *staff* zot, zot politisyen, nou, nou bann profesyonnel.

Nou, nou bezwen travay *according to* bann prosedir ki nou annan. E parey mon pe dir poudir, e mon krwar nou bezwen donn lankourazman sa bann travayer *ACCS*, akoz zot ganny en kantite kritik negativ.

Mon konnen dimoun i kritike akoz zot pa war keksoz, i fasil pou kritike. Me selman zot pe travay e mwan mon pe donn ou sa garanti, mon pe donn Lasanble sa garanti ki sa bann zenn profesyonnel pe travay, zot bezwen sa lankourazman.

E zot bezwen sa bann zouti, e sa tim *EU* ki vini i pe donn zot *mentoring*. *Unfortunately* dernyen *EU Consultant* ti bezwen kite an Mars lannen pase e zot in donn en pe, fer en pe travay *online*.

Me *hopefully* la apre Mars zot ava retournen akoz i annan en *addendum* ki'n ganny sinyen, zot ava kontinyen zot

travay avek sa tim. So mwan, mon pe demann en lapel ki sa bann zenn Seselwa ki pe travay avek ACCS, zot ganny sa lankourazman sorti kot nou politisyen avek piblik osi.

Lo kote *IT*, parey ou'n mansyonnen wi, apre ki *EU* in vini vin eksplik nou lo bann sistenm *IT* ki nou pe servi, nou sistenm i endepandan avek *DICT*. Akoz nou, nou lenstitisyon ki endepandan e nou sistenm osi i devret endepandan avek Gouvernman.

So i en, son *server* i *independent* i pa en *server* Gouvernman. Apre nou bann *software* ki nou pe servi i pou protez nou bann lekipman aköz nou pe *hopefully* get sa sistenm *paperless* e menm sa kantite larzan ki la i pou siport sa *software* ki *EU* pe donn nou.

Dan sa *addendum* la *EU* pe donn nou en *case management system*. Ler mwan mon ti fer mon rapor pou gard bann *challenges* ek bann keksoz ki nou'n *achieve*, sa diskisyon avek *EU* pou donn nou sa *case management system* pa ti ankor arive.

Me la nou'n *find out* poudir zot pe donn nou, e sa bann sistenm ki la i pou asiste sa sistenm sa *case management system*. E sa *case management*

*system* i kout (150milyon,) 150mil *sorry* €150mil.

So pou nou *that's a great achievement* ki zot pe rekonnèt sa bann louvraz ki nou pe fer, e ki sa bann konsiltan in fer zot rapor e ki *EU* pe siport nou lo la. So sa *IT system* i pou siport sa striktir ki la.

E mon kapab dir osi sa semenn *British High* in kontakte nou, in dir nou poudir zot pare pou zot ranforsi sa sistenm ler *Declaration of Assets* avek *Ethics Commission* i *merge*. En fason ki nou ava kapab regard en sistenm elektronik. Nou ava tir sa bann zafer *paper forms* ki zot kapab asiste e azout li *as an adorn* lo nou *CMS system*.

Mersi. Mon krwar mon reponn ou bann kestyon.

### **MR SPEAKER**

Ti annan en kestyon lo lakantite ka ki ou pe dil avek madanm *CEO*.

### **CEO ACCS MAY DE SILVA**

Wi, parey mon'n dir *so far* nou'n pran, nou'n fer *case conference* lo 5 ka. E mon mazine poudir 3 in preske pare aköz zot ek prosekiter pou le moman, i pe prepar son bann sarz.

So mon pa kapab donn ou en larepons definitif, be ler i a

pare nou a fer zot konnen.  
Mersi.

**MR SPEAKER**

Mersi madanm. Onorab Vidot.

**HON AUDREY VIDOT**

Mersi Mr Chair. Mr Chair mon kestyon pou ACCS, eski ACCS pe dir nou ki ankor enn fwa dan sa enn Bidze napa ase larzan e larzan i ankor en problem pou retenir travayer?

Eski ACCS pe dir nou ki zot bezwen ankor plis larzan pou kapab rod sa \$50milyon ek sa bann lezot *case* koripsyon ki deza dan zot lanmen?

Eski ACCS pe dir nou ki zot bezwen rod etranze aköz napa Seselwa, e zot napa larzan pou zot *train* Seselwa pou zot kapab rod sa \$50milyon avek sa bann *case file* koripsyon?

E finalman konbyen larzan ACCS in diskrit avek Gouvernman, pou ed zot rode kote sa \$50milyon i ete avek sa bann lezot *case* pou zot kapab anmennen pou Seselwa war vremen kantite koripsyon i annan dan nou pei? Mersi.

**MR SPEAKER**

Mersi Onorab. CEO.

**CEO ACCS MAY DE SILVA**

Bonzour Onorab. Mon ava sey reponn tou ou bann kestyon.

Nou ava al en pe vit. Lo kote Bidze, konbyen larzan nou bezwen. Ou'n vwar poudir tou sa bann antite kon vini zot dir ouswa Bidze ki zot gannyen i pa ase.

Anti-Koripsyon i travay dan en kad byen spesyalize, so nou pe diskite, nou pe vwar sa bann kalib dimoun ki nou bezwen, ki nou, nou'n mete ki tonm anba kad sekter piblik son saler i pa ase.

Prezan nou pou bezwen rod dimoun ki *either* i kalifye oubyen i kalifye i napa leksperyans. Epi zot ava ganny zot bann sipor *in house* avek bann, apre bann lezot spesyalis bann *experts* ki travay ek nou, e an se moman i avek *EU*.

Mon pa'n dir poudir nou pa pe *recruit* Seselwa, nou pa *recruit*, tou nou travayer i Seselwa. Sa bann *EU Consultants* i ganny peye par *EU*. Nou pa'n *recruit* okenn *foreigners* ki nou, nou'n depans larzan lo la.

Avek bann ka, ler nou pe dan Gouvernman ou pe demande si mon'n demann Gouvernman pou asiste nou pou *investigate* bann ka.

Nou pa'n demann lasistans pou Gouvernman ed nou, apard ki sa Bidze ki la, nou pa'n demann zot *additional funds*. Sel *additional*, parey

mon pe dir nou pe diskrit avek Minister Finans pou regarde, ki manner nou pou *accommodate* nouvo *staff* si zot in koup mon Bidze akomodasyon.

E ki manner akòz mon bezwen en pti pe plis lespas, apre nou bezwen sorti kot nou ete akòz nou pe rod en landrwa ki en pe pli abòrdab. E so nou, nou pa'n demann zot *any*, nenport larzan ekstra pou zot ed nou avek okenn ka. Mon krwar se tou.

**MR SPEAKER**

Wi, Mersi *CEO*. Wi Onorab Vidot oule en leklersisman.

**HON AUDREY VIDOT**

Yes mon ti oule zis fer resorti ki zot santi poudir zot finansman zot resòrs i en kontrent.

*But stil* zot pa'n met devan, ki manner ou pe dir mwan zot pa'n met devan pou demann ankòr pou ed zot kapab anplifye zot travay pou zot kapab *sort out* zot bann *case*?

**MR SPEAKER**

Mersi Onorab. *CEO*.

**CEO ACCS MAY DE SILVA**

Nou, nou ti'n met nou Bidze ki nou ti bezwen pou 2021, nou ti'n met nou Bidze ki nou ti bezwen pou 2020.

2020 ti koupe, nou ti annan *recruitment freeze* e nou pa ti demann sa sonm ki pe ganny aprouve la. Me nou ganny en *ceiling* nou.

So nou bezwen travay ek sa *ceiling* ki zot donn nou, nou sey negosye zot anvoy sa *ceiling* en ti pe pli o, me pa bokou. E nou konnen poudir i annan kontrent finansman.

Sanmenm sa nou, nou pe profite kot nou kapab ganny *additional grants* parey mon pe dir parey *EU* pe donn nou en *addendum* en larzan ekstra ki pou pey nou *case management system* ki pou fer nou travay pli efektivman.

La tou keksoz i *manual*, so *once* ki nou ganny sa, sa pou fer nou pli efektiv. E osi sa *additional software* ki *British High* i ava donn nou. I ava ede ler pou ariv, ler nou pou pran responsabilite *Ethics* avek *Declaration of assets*.

Sa mon pa ankòr konnen ki, kan pe arive be selman mon konnen i annan en lanons ki'n ganny fer. E ler nou ava fer diskisyon nou ava fer sir poudir nou sa ki nou, nou prefere se ki tou sa bann keksoz i ganny fer ekonomikman. Mersi.

**MR SPEAKER**

Mersi Onorab Henrie.



**HON GERVAIS HENRIE**

Mersi Mr Chair. Bonzour tou dimoun. Madanm De Silva, dabor mon oule reasir ou ki bokou bann *MNA* la anndan nou siport travay ki ou pe fer, sa ki nou petet anvî vwar se rezilta en pe parey dizon unit *FCIU*, nou tann dan Nouvel i annan bann rezilta ki pe anmennen.

So nou pe swete en keksoz koumsa, so se sa kekfwâ sa bann laliny kestyon ennler. Mr Chair mon bann kestyon premyerman, eskiz mwan si en pe repetitif. Me selman aköz mon pe rod klarite?

Ou'n koz lo *MOU*, e ou'n dir i annan, ou'n dir 3 antite. Solman mon lenformasyon ki mon konnen i annan enn avek *SLA* enn avek *FIU*, sa trwazyenm mon pa konnen.

Sa ki mon anvî demann ou lo sa premye kestyon, se ki dan kourt term, dan kour term kot Prezidan Larepublik in pronons son lekor lo *ACCS* dan *SONA*, kot Minis dan son larepons lo Bidze in pronons son lekor lo *ACCS*.

Eski dan kourt term ou lorganizasyon a pare, ava annan sa volonte pou li travay avek bann antite parey *FCIU*, *FIU* and (*NIS*) kot Mr Benedicte la, *SIS*?

Konmsi kot zot, zot annan sa bann dimoun deza ki kapab donn nou sa sipor, eski dan la mezir dan *short term* e pou bouz vitman pou apre pou antre dan en laranzman travay avek sa bann, enkli *Attorney Zeneral* pou bann *case* bouze? Sa i mon premye kestyon.

Dezyenm, mon konpran ki Linyon Eropéen e osi en konsiltan sorti Moris in deza fer en legzersis en *SWOT exercise* lo *ACCS* pour *identify* bann *gaps*.

Si sa i korek, ki mannyer sa bann keksoz ki'n ganny idantifye i reflekte dan ou dosye Bidze partikilyerman ou stratezi priyorite '*strategic priorities*' pou konble sa bann *gaps*? Sa i mon dezyenm kestyon.

Trwazyenm dan en lartik ki ti pibliye dan en *Zournal Nasyon* an Novanm 2019. I dir poudir ti annan '*75 active cases* devan *ACCS*, 'dan *Nasyon 2019*.

Donk mon ti ava apresye si par egzanp pou montre en pe pou mezir pou performans sa i ganny endike dan en latâb dan ou dokiman Bidze pou nou war poudir vreman, malgre rezilta tanzib pa ankor vini. Me i annan travay serye ki pe fer par sa zenn lekip ki ou'n dir ou annan.

Finalman Mr Speaker. Petet mwan ki'n mal konpran

en keksoz me i annan en lartik dan Zournal Nasyon ki ti pibliye an Novanm 2019 ki koz lo sa 3 *expert EU* ki'n vin Sesel pour ede avek korperasyon teknik. Zot non i ladan tou bann keksoz.

Me dan sa lartik i osi dir '*additionally The European Union – (EU) has provided a sum of R4.5million or €300 thousand to help the ACCS in its effort.* '

So mwan mon lir sa *as in* en keksoz adisyonnèl *above* sa lasistans teknik sa 3 *expert. Unless* mwan ki pe mal konpran sa, akòz mon pe get dan ou Bidze poudir be ki manner i reflekte dan son Bidze 2020? Mon pa vwar. So i annan 4 pwen la ki mon fer resorti la Mr Speaker. Mersi.

### **MR SPEAKER**

Mersi Onorab. CEO.

### **CEO ACCS MAY DE SILVA**

*Right*, pou sa bann MOU nou annan SLA e FIU, FSA. Apre nou annan 2 enternasyonal nou annan ICAC Mauritius akòz nou'n fer an kantite travay avek zot. Sa eksper Morisyen ti vini sorti kot zot, apre zot in anvoy zot dimoun legal pou ed nou.

So zot in anvoy detrwa eksper apre zot in, nou annan en laranzman avek zot ki nou bann travayer ale fer *practical*

*one week solid*, i ale i fer sa dan sa Lagreman la. Selman sa nou pey zot pasaz avek zot, akomodasyon akòz zot, zot donn tou sa *training* pou sa bann 5 zour.

Apre nou annan sa MOU avek *International Anti-Corruption Coordination Centre* ki baze dan *National Crimes Agency UK*. So nou 7, nou, nou en Associate Member osi e nou enn parmi bann 7 *Small Island States* ki zot in aprouv Associate Membership depi July lannen pase.

E zot pe donn nou en pe *technical aid*, apre en pe lentelisans kot zot pe asiste nou avek. Wi dan SONA Minis avek Prezidan, apre Minis in met sa lanfaz ki nou'n demann larzan prezan annou delivre.

Wi nou konnen nou bezwen delivre. Nou, nou ganny konsey avek bann eksper ki pe *investigate* krim finansyel. E sa i en keksoz ki nouvo, kantmenm ou pe dir mwan la dan *short term* annou travay avek SCIU, FIU, SIS, AG's Office, Police, nou fer tousala. I annan en pe defi travay avek lapolis, lapolis i travay dan *silo*.

E sa mon'n *raise* avek, mon ti *raise* sa *issue* avek Chair FPAC last year, poudir nou bezwen regard en pe ki manner nou travay an

kolaborasyon ek kanmarad. Akoz nou vwar poudir ler nou pa ganny sa lasistans ki nou bezwen, nou bezwen sa bann lezot antite ki nou *pull* nou *resources* nou travay pli efektifman.

*ESSAMLG* i dir nou la nou pe ganny *assess* lo *effectiveness*. E la nou pe antre lo *effectiveness* la, zot pe *assess* nou, nou osi nou pou ganny *assess*.

E sa bann *MOU* epi *follow through* dan sa bann *MOU*, i enportan ki ler zot vini zot pe regarde ki nou annan *MOU*. Me sa *MOU* i pa zis pe anmas lapousyer li, nou pe fer nou louvraz *according to* sa *MOU* e nou pe travay e sa *MOU* i donn nou sa *framework* pou nou travay avek tou sa bann *entities*.

Wi ou vwar *cases* sorti *FCIU*, mon kontan zot annan zot nimero, kestyon se ki konbyen in arive ki zot *case* zot in gannyen? *Ok?* I bon pou nou, mon pa pe kritike, me selman si nou tay avek keksoz mwan, mon krwar nou bezwen asize fer nou keksoz byen.

Me selman sa i *constructive criticism*, ou ava dir mwan konbyen *case* ki ariv kot prosekisyon e konbyen sa bann *case* nou'n gannyen? Sa ki

enportan pou nou, nou pe get sa gannyen.

*EU consultant* zot in, wi zot in vini zot in idantifye tou sa bann *gaps*, e se la kot nou, nou pe refer sa restriktir, nou *investigations* e zot, nou peb rod en lot, nou'n fer nou *investigations planning*.

Nou'n get nou stratezi, nou *planning* apre ki mannyer zot apros zot bann *cases*, la parey nou pe fer avek sa 3 group *within investigations team*, be ou bezwen sa bann mende pou fer sa travay koumsa.

So zot in idantifye sa bann *gaps*, *EU* in donn nou, nou *investigations procedure manual*. Zot in prepar sa, e prezan nou, nou pe adapte li ek nou travay avek nou Lalwa.

Akoz nou, nou oule serten standar ki byen o, sa louvraz *EU* i kontinyen e i son valer se 300mil, i pa vin dan nou Bidze sa, sa i al pey parla. Selman nou, nou ganny zot bann *consultants*.

E mon vwar poudir kot bann keksoz kot zot, zot in dir nou ki nou kapab met dan Bidze nou'n mete e kot nou pa'n kapab met dan Bidze nou'n demann zot si zot kapab donn nou sa lasistans e zot donner.

E kot zot pa kapab ed nou zot in *signpost* nou kot bann

lezot eksper ki'n donn zot bann letan ek sot bann *advice*. Wi an 2019 nou ti annan, ti dir dan Nasyon ti annan *75 active cases*.

Sa bann *cases* zot *fluid*, mon pa kapab, yer mon'n dir, mwan pase mon'n dir ti annan 55. Be selman nou'n frenmen sa bann *case*. Ler ou pe travay ler ou vwar zot anmase zot fer *close*, nou get nou annan nou kriter ki nou servi, apre nou fer sa bann ki nou vwar poudir napa en *case to answer* napa en *offence according to the law* ki nou pe travay avek.

Selman i pe vedir poudir nou pa pou regard sa bann *case* dan le fitir, ler nou Lalwa i ava annan amannman oubyen si i annan en pe plis lenformasyon ki nou gannyen.

Akoz ler nou ferm en *file* la napa lenformasyon. I annan n kantite *file* ki'n perdi, apre i annan papye dan *file* ler ou demande i annan *civil servants* ki tir sa bann papye dan sa *file*. E mwan mon konnen mon vwar i arive.

E nou devret en pe pli sever avek bann *civil servants* ki pe fer sa bann keksoz e ki re aranz *file*, re organize e re met *numbers* lo sa bann papye. So i annan en kantite defi, e i ou napa sa levidans.

Me mon napa levidans e mon pa konnen lekel ki'n tir sa bann papye dan *file*, mon pa konnen lekel ki'n vol sa *file*, mon pa konnen akoz sa bann *fungus* i manz zis sa bann *file* ki pe vin kot ACCS mon pa konnen sa.

Selman mwan nou bezwen travay *according to* nou Lalwa. So pour le moman nou annan nou *55 active cases* akoz zot pe bouze sorti konplent, zot vini zot al dan, zot pas dan sa bann sistenm.

Mon bezwen separ mon *complaints unit* avek mon lenvestigasyon. Sa i enn bann *advice* ki nou'n gannyen avek eksper i dir ou sa *2 unit* zot devret separe.

Si ou'n get en konplent ou pa kapab *investigate* li ou menm. Zot fer zot prop rekomandasyon i fermen oubyen i al kot envestigasyon. So mon krwar mon'n reponn tou ou kestyon.

### **MR SPEAKER**

Mersi *CEO*. Onorab Cosgrow.

### **HON WALLACE COSGROW**

Mersi. Mr Chairman, bonzour. Bonzour *panel*. Bonzour Minis bonzour *panel*. Madanm De Silva i annan en keksoz ki nou pa pe koz lo la vreman.

Me i en keksoz ki vremen, vremen en portan. Gouvernans ACCS pou sanze, ou ti pe *operate* avek bann *commissioners*. E sa ti donn ou en lendepandans dan li menm, pou ou kapab *take up* bann *issues*, e dan lizye piblik ti annan sa lendepandans kot ou kapab *take up* bann *issues* ki menm relye avek Gouvernman. *Well* prensipalman Gouvernman.

In ganny dir konmkwa ki ou pou prezan responsab direkteman avek L'Egzekitiv, eski ou krwar ki ou pou kapab delivre ou manda dan enparsyalite?

Dezyenm, dan ou *Act* i annan en definisyon pou *corrupt*. Bokou koze in ganny koze lo koripsyon dan *public service*. Eski ou Lalwa i permet ou, i *extend* ou pou get koripsyon dan *private sector*?

Akoz bokou fwa letan nou pe koz koripsyon dan *public service*, i annan posibleman en en *private sector entity* ki *collude*, par egzanp sirtou dan donn Kontra.

I annan en *private sector* petet ki *collude* avek sa *public officer* or, ou konpran ki mon pe dir - E eski ou Lalwa i *allow* ou pou *extend* dan sa zistans? Eski ou annan okenn *case* dan sa laliny?

Osi i annan *other allowances* dan ou Bidze ki apepre 1. ekek milyon, zis pour mwan ganny li byen i tonm 1.5 si mon pa tronpe, 1.5 77milyon, donn nou en pti leksplikasyon kwa sa' *other allowances*'?

Apre ou pe osi byento komans resevwar *declaration of assets* pour bann *political persons*. Nou enkli bann *Cabinet Members*, Prezidan *and all*.

Eski ACCS i annan kapasite, zot in pare pou sa nouvo *challenge* ki pe ganny met lo zot? Mersi Mr Chairman.

### **MR SPEAKER**

Mersi Onorab. Minis wi.

### **MINISTER NAADIR HASSAN**

Mersi Mr Chair. Zis mon ava adres en pwen avan mon *hand over* avek *CEO*, sa *issue* gouvernans ki mon ti'n mansyonnen pli boner.

Mon krwar i annan en *misunderstanding*, ACCS pa pou *report to* Egzekitiv dan sa *framework* gouvernans ki nou pe mazine. Me selman mon krwar i enportan ki mon eksplik en pe bann antite parey ACCS, *FIU* ki rol son *Board*.

So rol son *Board* lo kote *oversight* i vremen diferan avek en *Board* normal. Bann antite, parey *FIU*, parey ACCS son



*Oversight Board* i pirman *administrative*.

En *Board* pa sipoze pe *get involve in operational investigation matters or of the entity*. Sa i en diferans kle lo bann standar enternasyonal bokou bann antite koumsa. Ou pa sipoze annan en *Board* ki antre *in to operational investigating matters of the entity*.

So mon krwar nou pou bezwen met sa an kle, devan. So dan sa nouvo sistenm gouvrenans ki nou pe al propoze nou pou fer sir ki sa prensip i reste kle la. Me lo lezot kestryon mon a les *CEO* reponn. Mersi.

### **MR SPEAKER**

Yes, *CEO*.

### **CEO ACCS MAY DE SILVA**

Mon krwar *in addition* ki sa ki Minis in dir, lo kote *Board* R155mil par mwan i en kantite pou en antite Parey *ACCS sustain*. E ou pe regard 7 *Board Members* kan ti annan zis 14 *staff* par egzanp an 2018. I pa soutenab, e i pa soutenab kan ou annan en *Chair* ki *non-resident*.

E ki i en *Chair* ki *non-resident* plis en Kontra ki kout en kantite larzan. Sa *Chair* son Kontra i lavalier R800mil par

lannen. So mon krwar i en keksoz ki zot bezwen regarde dan Lalwa, dan gouvrenans.

Mwan mon napa *any issues in terms of* si zot pou annan en *Oversight Committee*. Me selman rol sa *Board* pa dan sa *Act*. Rol *CEO* is *very clear*. Si ou rod partou dan sa *Act* napa en rol pou sa *Board*.

So mon krwar poudir sa Lalwa i devret ganny amande, epi zot ava ganny regarde. Me sa i en keksoz ki pe ganny fer. I enn bann *gaps* ki'n ganny idantifye par bann eksper, par bann konsiltan.

Konsiltan ki ti vini sorti Moris, ki ti ganny *funded* par *Commonwealth* epi konsiltan *EU* i vini i dir ou koumsa non, en *Board* i pa devret pe antre dan *operational matters*. *Anyway* Lalwa pa dir i pe antre dan *operational matters*.

Kekfwa i annan bann pti *ambiguity*, anbigite ki dimoun prezan i regarde i dir ou be non sa i dir ou sa, me selman si ou regarde sa Lalwa i pa montre sa rol *Board*. E en *Board* i la pou don ou sa *strategic oversight*. E sa *strategic directions*. So sa kantite larzan i pa soutenab, e en *Board* osi i konnen e mwan mon'n dir zot poudir sa pa ti soutenab. I pa en keksoz ki mon'n fer deryer zot ledò e mon'n dir deryer zot ledò.

E mwan mon'n dir tou dimoun e mon'n *raise* sa *issue* ek *FPAC* an Novanm devan mon *Vice-Chair*. Akoz mon krwar zot osi zot realize poudir sa striktir i pa en striktir ki soutenab.

Lo kote koripsyon dan sekter prive wi sa i en keksoz ki Lalwa i bezwen regarde, i kouver en bout, be selman i pa ase. Akoz ler ou pou regard *the corruptor* *avek* *the corruptee*, sa bann gous ki ganny donnen dese dimoun ki annan larzan ki donn gous *ok*?

So nou bezwen fer sir poudir nou Lalwa i regard byen sa lo kote gous, donn gous, *bribery*. So sa seksyon i devret ganny regarde pli byen, pli kler. So sanmenm sa ki mon pe dir.

Ler ou annan en Lalwa, ler ou pou enplimant li, ler ou pe al *amend* li pour vwar sa lofans pou gard li kote sa *breach* i ete dan sa *case*, ou bezwen rod sa bout Lalwa, me si i pa la pou pa kapab, pou rod en pinisyon pou sa krim parey mon dir ou sa *principle of legality*.

Prezan lo kote ou'n dir mwan *1.5million* pou bann *allowances*, i *inducement* apre i annan, sorry mon annan mon pti bout papye la, *avek location inducement*. So sa *2 main* dan sa *allowance* ki ou pe dir mwan 1.5. Sa pou *staffen*, *inducement* *avek official allowance*.

*Declaration of assets, capacity of destructure*, ou regarde kan dimoun i bezwen deklar son *assets*. Ou pa bezwen pey en dimoun Zanvyè ziska Desanm en saler tou le mwan pou li fer sa deklarasyon *assets*, en *full salary*.

Mon mazine poudir petet Gouvernman pe regard dan sa lanpler, mon pa ankor ganny diskisyon lo la, zot pa ankor apros mwan pour mon donn mon *input*. Me selman sertenman si ou regard bann Antite deor, apre egzanp *Kenya* i *Anti-Corruption and Ethics Commission*.

So zot met sa bann keksoz i vin dan en antite. So dan Tannzanyen en pe pei dan Lafrik kot *declaration of assets is done electronically*. Savedir si nou annan en sistenm ki nou fer li, nou pe antre dan *digitize world*, la nou dan sa *digitize world* la.

Annou aret servi sa bann zafer papye gate vini en mwan, ou konnen *so there has to be a better system* pou nou kordinen. So mwan mon pa oule sa bann zafer *file* dan en, pou al rod en lofis zis pou met papye. *So if we can do it electronically secure*, nou ava fer li.

E nou annan en loportinite pou nou ganny sa *funding* ki parey mon pe dir

*British High* pe donn nou sa *software*, then nou ava *manage* li e nou ava regarde ki mannyer nou kapab fer li dan en fason pli efektiv e pli *secure*. Mon krwar se tou mon'n reponn tou kestyon. Mersi.

### **MR SPEAKER**

Mersi. Onorab Cosgrow, mon ti a kontan *move on*. Ou'n demann 5 kestyon selman, ale. Silvouple vitman.

### **HON WALLACE COSGROW**

Mr Chairman i pa vreman en kestyon, zis mon ti anvi *stress* lo en zafer kot konsernan sa zafer gouvènanans la, i en portan akòz ler ou pe *investigate* mazorite *anti public service*.

I enportan ki nou annan sa separasyon, sa konmsi pa zis en persepsyon. Ou bezwen kapab ganny war separe avek L'Egzekitiv, akòz sansan dimoun pou dir be demen bomaten ou pa pe anmenn 2 *case* Ankour dimoun pou dir ou an kolizyon avek L'Egzekitiv e ou pa pe anmenn *case* Ankour ekspre. So *stress* lo sa separasyon silvouple.

### **MR SPEAKER**

Mersi. Mon krwar Minis ek *CEO* i ava note. Mon, *in all fairness* pou bann dimoun ki pe espere, bann dimoun ki demann

kestyon sey limit en pe lakantite e evit diplikasyon. Mersi. Mon a pas lo Onorab Romain.

### **HON GEORGES ROMAIN**

Mersi Mr Chair. Bonzour Minis avek ou lekip. Mr Chair mon dan mon *reply* SONA Bidze mon ti fer resorti ki labi lo koripsyon fodre ganny dil avek.

E sa mon ti dir telman for, e ler mon'n tann mon koleg Onorab Andre koz avek, demann en kestyon *CEO*, *CEO* in dir donn zot ankor en pti pe plis letan.

Mon en pti pe dezapwente *CEO*, akòz mon krwar depi ler mon regarde ou dir ou'n zwenn sa Departman dan 2017 Mars i fer egzaktman 4an. So mon krwar i bokou letan 4an. Met ganny aksyon in ganny arive akòz Seselwa i anvi war aksyon.

E pour mwan avan mon vot lo sa Bidze Mr Chair. Mon ti ava kontan ganny konfirmasyon avek *CEO*, ki i kapab garanti sa Lasanble ki sa lannen i ava annan dimoun ki ava ganny arete e dil avek. Akòz parey mon dir tro bokou letan pe pase lo sa *issue* koripsyon.

Mon dezyenm kestyon Mr Speaker i trouve anba '*other use of goods and services*' kote *rental*. Mon vwar ki in amann

2milyon, en pti pe plis ki 2milyon.

E ler ou pe gete par mwan i tonm apepre R174mil, alors mon pe demann CEO egzaktman ki *building* ki zot ladan? Apre ki kantite met kare ki zot pe okipe dan sa *building*? Mersi bokou Mr Chair.

**MR SPEAKER**

Mersi. *CEO*.

**CEO ACCS MAY DE SILVA**

Pou sa *building* ki nou ladan, nou dan *City Condominiums* nou annan 127 *square metres*, nou pey R400 *per square meters*. So nou dan en proze la pou nou *move* dan en lot letablisman, e nou pe regard enn kot i pou mwens *per square meters*. E pou nou ganny plis, akoz nou pe al ganny plis *staff*. So sa ou keston lo akomodasyon.

Lo kote dezapwentman Onorab nou, nou pran konsey avek sa bann eksper koripsyon, ki vini ki dir nou, nou travay ki manner nou bezwen fer i en serten fason. Nou bann *investigations planning* nou bezwen fer li dan en serten fason.

Koripsyon i en *case*, i pa, bann *case* koripsyon i pa parey en dimoun in vol en sak, in vol en loto e nou, nou pe ale nou pe

al *investigate*. This is *financial crime*. I konpleks li. E si ou napa sa ekspertiz ki pou regard dan sa *financial forensic*, e sa, nou annan analis ki pe travay. Me selman zot bezwen ganny zot *training as well* dan sa bann louvraz *ok*?

Mwan mon pa en group enternasyonal ki bann Antite Anti Koripsyon. E zot bann ka i pran 4an, 45an, 6an, 7an. 3an *minimum* pou zot anmenn zot *case* Ankour. Nou fek war poudir Prezidan Sarkozy in ganny anmenn Ankour.

Sa *case* in pran 7an, ek en pei *La France* ki annan tou son resours. Selman in pran zot 7an *to get where they are*. So mwan mon pe dir poudir nou'n travay en kantite pou nou kapab ariv kot nou ete la, kot nou pe anmenn *cases* la ek prosekiter la ki pe prepar son bann lofans. Zot ava komans vwar bann rezilta sa lannen. *Ok*, mon kapab garanti ou sa. Mersi.

**MR SPEAKER**

Mersi *CEO*. Onorab Lemiel.

**HON SYLVANNE LEMIEL**

Mersi Mr Chair. Bonzour Minis avek ou delegasyon ek tou mon bann koleg. Mon ti ava kontan demann *CEO* pou bon fonksyonman *ACCS*, ki kantite *staff* ou krwar ou ti

merit annan, oubyen ki kantite *staff* ou bezwen pou ou bon fonksyonman? Akoz ou pe dir i manke, i manke, i manke. Ki kantite ou bezwen? E dan ki ban *post* kle?

Dezyenman, eski ou santi ki sa lasistans teknik ki *EU* in donn zot la, in vreman ede dan *capacity building* ou bann dimoun?

E ki kantite *case*, mon vwar dan enn ou ban *achievements* ou'n mete ki ou'n soumet bann *case* kot *AG*. Ki kantite *case* ki ou'n soumet kot *AG*?

Dernyerman nou'n koz lo enn ou kontrent ou'n dir ki ou napa ase lespas, napa ase lespas pou travay, napa ase lespas lo kote *interview rooms*. Ou'n dir ki ou pe rod en landrwa pou zot bouze. Eski ou'n fini idantifye sa landrwa? Si wi, kote? Eski laranzman negosyasyon pou bann *rent* i pou pli meyer marse ki kot ou ete la? Mersi.

### **MR SPEAKER**

Mersi Onorab. *CEO*.

### **CEO ACCS MAY DE SILVA**

Ou konnen ler mon ti pran mon plas. Bonzour Onorab. Ler mon ti pran mon *post* an Avril, an Mars 2017, mon ti asize mon ti fer en latab konbyen *staff* mon

pou bezwen pou mwan kapab *run* sa lorganizasyon.

2017 mon annan en *draft* ki ankor lo mon *computer*. Mon'n met 45, 45 mon ti met 45. Sa ti annan tou son bann eksper, tou bann *technical aids*, tou ban analis tou ban *forensics*, tou ban *exhibits*, tou.

Mon ti'n fer en latab. Me selman parey mon dir ou nou annan en *ceiling* lo ki kantite nou kapab demande. E mwan mon bezwen apresye poudir nou bezwen marse avan nou taye.

So i ti en nouvo antite e nou'n komans *build* sa tim, mon krwar nou pe apros lo sa limero 40 la, nou pe vini. Be selman petet sa *by*, ler nou ava ganny bann nouvo *staff*, lafen lannen petet i ava vin apepre 38 a 39 lafen lannen.

Lo kote *EU technical aid capacity building*, mon krwar mwan ma dir ou wi, sa bann kalite *mentoring* avek *training* avek *advice* ki zot donner sa, sa ban dimoun ki'n dan sa bann *field* pou 40an, 45an.

E zot in travay partou dan lemonn sa ban eksper ki *EU* i anvoye. E zot pa neserman *EU Residents* zot bann lezot eksper *across*, *globally* ki zot *apply* pou zot fer louvraz konsiltan avek *EU*.



So mon krwar sa lasistans ki zot in donn nou i kalib, i bon kalite. E zot bann eksper ki mon annan respe pou zot e mon krwar pour mon tim osi. I annan annandler kekfwa nou bezwen regard kiltir ki mannyer nou, nou travay, sa i natirel be selman nou bann profesyonnel. So nou travay byen avek zot.

Cases ek AG parey mon'n dir la i annan 5 ki nou'n pran *advice* avek, nou'n fer *case management*. So mon konnen zot pe *focus* lo 3, pour prepar sa bann lofans sa bann sarz. E mon napa plis lenformasyon, ler mon koz avek prosekiter semenn pase i pe regard bann sarz la lo 3 ka.

Selman in donn *advice* lo 2 ki nou pe *hopefully* la pe bouz devan ki nou ava vwar en pe rezilta ki pe vini dan sa mwan.

Lo kote *work space*, wi, sa i en keksoz ki ler nou'n regard bann bezwen. Nou bezwen *interview rooms*, nou bezwen *custody suits* par egzanp, Lapolis napa toultan son *custody suits*.

So sa i bann keksoz ki nou bezwen met pare. Nou'n idantifye detrwa landrwa be nou pa ankor met okenn, anvoy okenn let formel, akoz zot bezwen pas par *Accommodation Committee*.

Mon'n koz avek *PS* in eksplik prosedir. E ki *once* ki nou'n fer sa, petet zot ava regarde be selman i ava mwens ki *R400per square meters* nou pe get apepre 240, R250 dan sa *rezyon per square meters*.

*So hopefully* dan sa nouvo landrwa, nou ava ganny sa lespas pou bann profesyonnel travay. E si ler i ariv *Government House, Constitution House* oubyen bann lezot *building* pou bann lezot antite petet zot ava, nou ava diskite si nou kapab ganny en *floor* dan enn sa bann *building* ki zot pe fer. Mersi.

### **MR SPEAKER**

Mersi. Onorab William.

### **HON WAVEN WILLIAM**

Mersi Mr Chairman. Bonzour tou dimoun a lekout. Bonzour Minis avek *CEO*. *CEO* Lasanble pou bezwen al vot lo en vot 15 ekek milyon pou *ACC*. Mon anvi demann ou sa bann kestyon swivan.

Mr Chairman, mon anvi demann *CEO* sa bann kestyon swivan. I baze lo latib 4 *performance measures for program*. Mon anvi demann *CEO*, ler mon get *performance program* mon vwar ki 2019 ou'n donn *training* 10, *well* 13 antite. 2020, 10 e la ou pe target 13,

2021, mon anvi ki ou fer sa Lasanble konpran, eski zot ki swazir sa bann antite ouswa i annan en demann ki ganny fer avek zot lo en baz priyorite? Par lefe ki nou konnen poudir sa eleman koripsyon i vreman en mons ki pe ronz nou sosyete bokou.

E i annan bokou dimoun la deor ki pe travay onnet, me selman zot santi poudir bann ki dezonnnet pe *get away* e zot pe viv en lavi pli eze ki sa bann ki pe ganny mwens.

E dezyenmman mon vwar poudir anba '*Change in the world ranking transparency*' zot met poursantaz. Aktyelman ki poursantaz ouswa ki *ranking* Sesel i ete ozordi.

Finalman, letan ou pe koz '*investigation completed*', ou pe donn li an term poursantaz, sa i pa vreman donn nou en nide egzaktman lo en baz sif ki kantite. Eski ou kapab donn nou en nide konbyen *case*? *Anyway*, pou piblik Sesel la deor pou konnen konbyen *case* ki zot annan avek zot? Ki *status* sa bann *case*? Pou nou finalman konpran poudir 'be ou konnen, vwala bann *performance indicators* ki manner i ete dan en fason presi.'

Akoz manner i ete la, nou pe ganny li lo en baz presiz. So,

si zot kapab presiz en pe lo la, mersi.

### **MR SPEAKER**

Mersi Onorab. *CEO*.

### **CEO ACCS MAY DE SILVA**

Parey mon ti dir taler, lo kote priyorite pou nou delivre sa bann *workshops*, sa bann *awareness session*, nou regard kote bann konplent i vini plis, apre nou target sa bann landrwa e nou fer program avek zot. Selman in annan detrwa departman, zot in kontakte nou lenstitisyon, zot in demande si nou kapab vin fer en pe sesyon avek zot.

So, mon krwar pou apepre 80poursan, 90poursan mete. Nou, nou pe priyoritize apre i annan 20 poursan. Kekfwa mon bann poursantaz i mal, me selman si oule egzakt mon ava kapab rod sa lenformasyon avek nou *Prevention manager*, mon ava fer li anvoy pou ou.

Lo kote nou *ranking*. Lo *Corruption Perception Index* par *Transparency International*, nou, nou score 66 lo 100. So, pli o ki ou ete, pli pres ek san, konmsi ou pli byen fer. Selman nou 27yenm dan lemonn. *In terms of* nou *ranking*. E nou premye lo Lafrik '*as the least corrupt*.' E nou pa devret tro regard sa bann sif e lir tro

bokou lo la, akòz parey mwan mon'n toultan dir. Ki mannyer zot, zot pe fer zot bann kalkilasyon, li menm i pa transparans.

*Unless* ki i annan bann lezot pei Lafrik apre nou ki pli koronpi ki nou e si i koumsa i vremen sagrinan.

Lo kote bann sif, sa bann *case* la. I sa bann sif i *fluid* li, *ok?* Mwan mon kapab dir ou ler mon dir ou nou'n *investigate* 66. Savedir sa bann ka la, tou ka nou pas dan prosedir. So, nou'n *investigate*, i annan dan sa 66 ki nou'n fermen. E ki ler mon dir nou'n fermen, nou napa sa levidans, napa ase levidans oubyen nou'n fini. Ou bezwen travay, rod tou sa lenformasyon. Apre i annan kekfwa i pa tonm anba nou *remit*, me selman nou pou *refer* avek bann lezot lenstitisyon ki kekfwa sa *case* i pa tonm anba nou *embit*.

Nou annan 8 ki nou'n *refer*. Savedir nou *refer* li dan nou prevansyon. E sa bann i kot nou prevansyon pou ale pou travay avek sa bann MDAs pou dir zot regarde i annan kek *hint of corruption*, me selman nou napa ase lenformasyon. Me selman nou pou travay ek zot pou dir zot be sa ka, sa ka. La kote nou vwar bann defi.

Prezan zot, zot ava travay, zot ava met zot bann prosedir ek zot bann Polisi e sirtou lo sa bann 8 la, i bann prosedir ki absan oubyen bann *public sector workers* pa'n swiv bann prosedir. So *it's more procedures*.

Epi *as of today* mon krwar nou annan apepre 22 kot *Complains Unit*. *Complaints* li i anmas tou son lenformasyon e i fer *assessment* si sa *case* i annan en lofans, en *breach*. Prezan i fer son rekomandasyon, i anmas son lenformasyon apre i fer son rekomandasyon. Apre si nou vwar poudir i annan en *breach* nou anvoy li kot lenvestigasyon. So, *at the moment* i annan apepre 22. Me annan ler i annan ki *in between* ki'n *transit between the 2 units*. Mon krwar mon'n reponn ou kestyon.

### **MR SPEAKER**

Mersi CEO. Onorab Gabriel.

### **HON CONRAD GABRIEL**

Mersi Mr Chair. Bonzour *panel*. CEO mon ti a zis kontan konnen dan ou '*other goods and services*' ou annan ou '*other rents rate and taxes*' ki'n desann sorti 300mil in ariv 222 mil. Kwa ki egzakte man ki sa *rate and taxes* i entail?

Aprè lefe ki Prezidan in deklare ki Sesel i en kales kase, ou pa krwar ki bokou plis ou Bidze ti merit pou ledikasyon, avek lespwar ki pandan sa 5an nou a konstri en nouvo kales? Mersi.

*(laughter)*

**MR SPEAKER**

Mersi Onorab. CEO wi.

**CEO ACCS MAY DE SILVA**

Bonzour Onorab. Anba ‘*other rates, goods and service*’ i nou *disaster risk management site* e sa i *what it entails*. Aprè wi, anba prevansyon nou fer en bon pe travay. Nou tim i annan en zofisyè ki travay avek lekòl, nou fer *education programs* e sa i mars tre byen. E nou’n menm *set up* en *Youth Against Corruption group* ki *once* ki bann restriksyon i leve, nou pou vwar sa group en pe pli aktiv e sa i sa bann zenn.

E prevansyon i enportan akòz i pa nou manda sa. I *equally as important* ki lenvestigasyon e prosekisyon. So nou pa neglize sa bout nou. e ou pou vwar dan mon Bidze i annan en *enforcement officer*, li i pou baze dan sa *Unit Prevansyon*, kot i pou ale. Kot i annan *civil servants*, kot zot pe

kas prosedir, sa *enforcement officer* li i pou ale, i pou al dan bann *MBAs* pou li fer sir ki poudir i annan *enforcement*. En fason ki sa travay i separe, akòz nou Lalwa i donn nou sa manda pou nou fer sa travay prevansyon, e nou pou bezwen ranforsi sa Lalwa prevansyon osi lo kote *enforcement*. So nou Bidze i fer provizyon pou sa. Mersi.

**MR SPEAKER**

Mersi. Onorab Bistoquet.

**HON ROSIE BISTOQUET**

Mersi Mr Chair. Bonzour Mr Chair, bonzour Minis. Bonzour delegasyon ACCS. Mon ti annan detrwa kestyon me selman laplipar in sit lo la, mon pa pou *go back to it*. Selman sa ki mon kapab demande, mon’n remarke par egzanp lo zot *budget* ki zot in demande, lo kote *internet mon vwar* lannen pase zot ti demann R323mil e la in monte sorti 369mil.

Lo sa kote mon pe demande ki *access* ki annan ki *staff* i kapab travay lo zot *sites*, si zot kapab ganny *access* avek *internet*? Aprè en lot pti keksoz ankor mon’n trouve i annan pou 2019, ti annan en depann 25 mil lo *VIP services*. Mon ti a kontan konnen ki kalite servis

ki zot ti pe donnen? Mersi Mr Speaker.

**MR SPEAKER**

Mersi Onorab. *CEO*.

**CEO ACCS MAY DE SILVA**

*Ok, lo nou budget lo nou internet, wi nou servi sa package pou nou ganny good quality internet dan nou biro. E sanmenm sa ou vwar en increase akoz nou annan plis staff. Plis ou annan plis staff, plis ou package i increase. E sa zafer access to internet, nou, nou annan nou detrwa units kot i annan bann staff ki kapab travay dan lakour.*

Parski pa tou *staff* ki kapab travay dan lakour. Nou annan en distenksyon la. Ou pa kapab fer lenvestigasyon *from home*, akoz ou pou bezwen *file*. Nou pa tire *file* dan nou *premises* ditou.

So, ou pa pou kapab fer ou louvraz, me selman ou kapab fer *other work*. *Internet* par egzantp si oule fer ou bann *training, then* ou fer akse bann *sites* lo la. E nou'n vwar sa defi pandan letan ki ti annan *lockdown, well* ti annan restriksyon pou *staff* vin dan biro e nou ti bezwen donn zot en pe travay pou fer ; plito lo nou Lalwa, bann lezot travay ki zot kapab fer. Gard Polisi, prosedir

bann lezot *MBAs* ki sa i en keksoz ki zot pa'n kapab fer. I swa vin dan biro, *print* en kantite papye pou zot *read-up* lo la. Me selman nou met lanfaz lo lekel travay priyorite. Si ou pe travay lo Polisi, si ou pe travay lo legal ou kapab travay *from home using the internet*.

So nou pe regarde, be i koute pou nou kapab ganny *units*, bann *broadband units* pou nou donn *staff*, pou zot servi *from home*. Pou zot kapab travay *remotely* e sa i en defayans.

So, lo kote *VIP services* i ti'n *budgeted* pou en *High Level meeting* ki nou ti annan, me sa ti ganny kennsel. So, sa pa'n ganny servi. Mersi.

**MR SPEAKER**

Mersi. Onorab Ghislain.

**HON CHANTAL GHISLAIN**

Mersi Mr Chair. Bonzour tou dimoun. Mon bann kestyon i annan pou fer avek bann logmantasyon. Par egzantp mon pe regard dan ou '*consumables*' i annan logmantasyon. Mon pe regarde akoz lafet ki bokou bann Departman Gouvernman dan Minister, zot pe ankouraz bann dimoun pou kapab redwir en pe lo sa bann keksoz.

Zot pe menm koupe osi dan bann Bidze kot zot, par



egzanp pe dir bann travayer anmenn zot prop delo, bann keksoz koumsa. Akoz pou zot in mont sa kantite? Apre lo kote elektrisite osi, sa gran logmantasyon osi mon ti a voudre konnen pou kwa?

Lo *printing* avek *stationary*, lefet ki nou pe koz bokou *digital*. Par egzanp bann keksoz ki nou bezwen fer dan *mails and all*, and tou dimoun konmela i al lo la, akoz ki zot osi zot annan sa logmantasyon ladan?

Apre regard osi anba kot *'hire charges of vehicles.'* Mon pe regarde li osi i annan en gran logmantasyon. Mon anvi konnen ki bann veikal ki zot pe *hire* e akoz zot pe *hire vehicles* ?

Apre zi pou terminen Madanm De Silva, o kour sizyenm Lasanble ti annan bokou bann keksoz, ka koripsyon ki bann Manm ti souleve, mon pe regarde si zot pe regard dan sa bann ka osi, e eski sa bann ka osi bann ka ki zot in fini anmenn kot *AG's Office*. Mersi Mr Chair.

### **MR SPEAKER**

Mersi Onorab. CEO.

### **CEO ACCS MAY DE SILVA**

Ok, pou *consumables* ou pou vwar poudir in annan en gran logmantasyon wi. Akoz apre ki

nou ti'n retourn travay an Me apre bann restriksyon, nou ti bezwen rod bann *cleaning materials*, bann *sanitizer*. Tousala, bann bin. Nou ti annan en *SOP* ki nou ti anvoy kot Minister Lasante e sa, zot in donn nou en lalis keksoz ki nou ti bezwen rode.

Nou'n bezwen sanz tou sa ban *bin* ki kouver. I bezwen sa bann *pedal bin*, nou bezwen rod *sanitizes*, nou bezwen rod sa bann ki ou met lo miray. Nou bezwen donn sak *staff* son *sanitizer*. So sa bann keksoz ki nou, *gloves*. Tou sa bann keksoz nou'n bezwen rode. Nou'n met la e sanmenm sa ki ou'n vwar i annan en *increase* ladan.

E lo *printing*, ou pou vwar poudir nou annan - parey mon pe dir, mwan mon ti a kontan fer en kante nou sistenm *digitizes*, me selman i annan i annan keksoz ki nou pou bezwen *print*. Par egzanp si nou pe pran *file* kot en biro, nou pou bezwen *certified true copies* akoz zot bezwen zot bann kopi.

Pou nou *scan*, nou napa sa sistenm ki ou zis kapab pran papye met ladan. Nou annan en *photocopier*, me selman i pa telman sofistike pou nou kapab fer sa *high level scanning*. E sa i en keksoz ki nou pou bezwen regarde dan lefitir. I pou annan

en *high cost*. Me selman lo kote legal ou pou konpran poudir i annan en kantite keksoz ki nou pou bezwen, nou bann *working copies*, nou *file copies* nou pou bezwen papye. So, sa i en *issue* e senmen sa ou pe vwar sa *high cost*.

Pou *electricity*, sa *increase* i akoz nou ti'n ouver nou *Complains Unit* lo en diferan *site*. Nou ti pran *Laciota* kot nou bann konplent i ganny pran. Kot nou *Complaints Unit* akoz nou ti napa plas dan nou *existing building*. Nou'n bezwen, sanmenm sa ou pou vwar sa *increase* dan sa *electricity cost* pou lannen pase. Mersi.

### **MR SPEAKER**

Mersi, mon pou *extend* sa sesyon en pti git. Me selman mon a demann bann manm silvouple demann kestyon ki zot konsider i esansyel, e evit size ki'n deza ganny leve. Onorab Ghislain in mon a permet ou klarifikasyon vitman.

### **HON CHANTAL GHISLAIN**

Non Mr Speaker, i annan de kestyon i pa'n reponn. i annan de *size*, kestyon i pa'n reponn, an se ki konsern sa bann *hired vehicles* la, sa gro logmantasyon e apre bann *cases* ki'n pas isi dan Lasanble,

sizyenm Lasanble ouswa ki'n ganny koze, si i bann ka osi ki zot in depans larzan osi pou kapab *investigate* e si sa bann ka i deza kot *Attorney Zeneral*? Mersi.

### **MR SPEAKER**

Mersi. *CEO*.

### **CEO ACCS MAY DE SILVA**

*Ok*, sa bann car *hire changes*, nou ti'n demann en loto depi 2019 dan Bidze. Nou ti pou ganny en loto anba en *India Grant* ki nou ti lo sa lalis. Me sa zanmen in *materialize*. Apre nou pa ti ankor ganny nou Bidze pou nou aste nou *vehicle*, nou loto. So, nou ti bezwen servi - en *investigation officer* ti bezwen servi zot *hired vehicles*. Me selman la nou'n ganny nou 2 loto lannen pase. Zis avan ti annan sa *moratorium*. So *this is why* ou pou vwar sa *increase*.

Lo kote ka koripsyon parey mon'n eksplike. Nou *investigate* tou bann ka ki vini, nou annan lo nou *own motions*, si i annan ki pa vin anmenn en konplent, me selman nou annan dan nou Lalwa i dir nou, nou kapab *investigate* okenn ka ki vin dan nou lentansyon.

So nou *investigate*. Mon pa kapab fer komanter lo bann ki kot *AG's Office* akoz ou ava apresye poudir bann sarz pa

ankor pare. So, *once* ki sa bann lenformasyon, sa *case* i ariv Lakour i pou vin piblik. Mersi.

**MR SPEAKER**

Mersi. Onorab Aglae.

**HON EGBERT AGLAE**

Mersi Mr Chair. Bonzour Madanm De Silva avek ou lekip e Minis. Premye kestyon, swivan lanons ki Prezidan ti fer pou annan serten restriktirasyon e pou anmenn plis *investigator*, mon ti a kontan petet demann ou Madanm Silva, ou'n mansyonnen ki i annan en *special financial arrangement* pou pey *investigator*. Mon pa konnen si Minis petet to ava eksplik nou petet ki mannyer sa laranzman pe vini, kot sa larzan pe sorti li menm?

E nou konnen poudir i annan en presyon pou zot anmenn plis rezilta. Lo kot enternasyonal, petet mon ti a kontan demann nou ki bann sipor adisyonnèl? Apart ki sa bann afilyasyon ki nou, nou afilye avek, ki zot, zot plizoumwèn zot donn ou bann *guidelines*, an menm tan zot *rate* ou, get si ou pe *comply*.

Me lo kote sa *investigative power* menm la, zot pa pe ed ou lo la. E petet ki zefor ki *Anti-Corruption* pe fer pou kapab

ganny bann led enternasyonal, pou sa bann *financial crime* ki'n ganny komet. Sirtou kot i konsern si nou pou bezwen *investigator* enternasyonal menm pou ed nou pou nou kapab fer sa travay. Akoz, i annan koripsyon ki petet in *cross border* e ou pou bezwen sa bann sipor enternasyonal.

So mon ti a kontan petet konnen ki mannyer ou pe *manage* sa e ki sipor ou pe gannnen. Mersi.

**MR SPEAKER**

Mersi. CEO.

**CEO ACCS MAY DE SILVA**

Ok, lo kote sa *financial forensic* parey mon pe dir, i en pozisyon byen spesyalize e sa bann dimoun i annan zot kalifikasyon. Alors, zot pe demann ou en saler pou dir ou be *this is the going rate*. Be nou dan nou kad saler, nou pa kapab i enposib pou nou pey lo sa ki nou nou'n gannnen.

So nou bezwen fer sa diskisyon. Nou pa kapab les sa pozisyon ale. Nou bezwen regarde si i posib, pou nou pran sa zenn Seselwa ki pe demann nou sa saler, pou sa kalifikasyon ki i annan.

So mon pa kapab zis agree, peye, mon bezwen fer en kominikasyon ek Minister

Finans akoz i deza dan nou Bidze, nou annan en *ceiling* lo la. So sa diskisyon i ava kontinyen epi nou ava regarde. Si i pa posib, i pa posib. So, nou a bezwen regard lot fason pou nou anmenn en dimoun ki mwens kalifye, epi nou a bezwen donn *on the job training*.

Lo kote enternasyonal, wi nou travay avek *National Crimes Agency UK*. E sa *IACCC* La. Sa *Anti-Corruption Co-ordination Centre*, ler mon dir nou en *associate member*, dan sa *coordination centre* i annan 6 pei ki regard sa ki nou apel *Grant Anti-Corruption*.

So kot i annan koripsyon ki *cross border*. So i annan Lanmerik, i annan Langleter, i annan *New Zealand*, I annan *Australie*, i annan Sengapour apre i annan *UK itself*.

So sa 6 pei zot kontribye dan sa *International Anti-Corruption Co-ordination Centre* e zot, zot *provide* sa lasistans. Sa bann *expert assistance*, bann keksoz administrative zot kapab asiste nou e sanmenm sa nou annan sa *MOU* avek zot.

Apre i annan tou bann lezot parey *Commonwealth*. Mon krwar sa group *Commonwealth Africa, Anti-Corruption Agencies*. So ankor nou fer en kantite travay ansanm e *ICAC Mauritius* parey

mon pe dir, zot in anvoy nou zot *senior legal advisor* Desanm 2019, kot zot in donn nou en kantite sipor.

So nou kontinyelman *Commonwealth* osi i donn nou sa lasistans. So i annan sa bann pei enternasyonal ki pe donn nou sa lasistans. E parey mon pe dir, *EU* i donn ou zot *technical aid* e zot bann *advice* ki zot donn nou i bann *advice* kredib, zot dan sa *field*. Parey mon pe dir zot annan leksperyans dan pou *investigate* bann ka *financial crimes*.

So nou gannyen sa sipor. I annan, par egzanp *UNODC*, i annan *ARIN sign up*. Tou sa bann lezot *network* ki nou annan *links* avek. Mersi.

### **MR SPEAKER**

Mersi *CEO*. Onorab Pillay. Mon krwar plito mon pas ou la, akoz nou riske *run out of time*. Wi silvouple.

### **HON SEBASTIEN PILLAY**

Mersi Mr Chairman. Bon bonzour Madanm De Silva e bonzour Minis e tou koleg Onorab. Mr Chairman, mwan mon annan detrwa pti kestyon apre mon annan en pwen ki mon oule Minis i klarifye pou mwan.

Premyerman mon vwar ki anba ‘*rental*’ ou annan en ‘*ACCS housing*. ‘ Kwa ki sa ‘*ACCS housing*’ i *entail* vremen, mon vwar ki 500mil lannen pase, la in desann pou vin apepre 200 ekek mil. Ki sa *decrease* e ki nou pe peye avek sa larzan?

Apre pou Minis, mon oule fer en pwen. Minis in dir nou sa striktir governans i sipoze en meyer striktir governans. Me selman Minis ki la avek *CEO ACCS*, si ti en meyer striktir governans, menm Minis pa devret la e *CEO ACCS*, i devret kapab pe defann son Bidze san ki Minis i prezan.

Akoz ler mon’n get lezot Lalwa dan lezot pei, tou sa bann Komisyon pa averti ki zot apel en Komisyon zot annan plis ki en manm. I annan swa en *Chairman* ek 2 manm. Pou nou, nou’n al tro bokou. Petet nou’n al 5 manm. Petet ti an plis, mon pa konnen. So, mon pe vwar vremen ki mannyer sa striktir governans pou sanze. Akoz *FIU* son rol i en rol *reporting*, senpleman. Tandis ki li i annan en rol *investigasyon*, en rol *law enforcement*.

So, si i ti pou fer sa nou ti a fer parey nou ti’n fer pou *CAA* dan *Konstitisyon* e nou ti ava’n met dan *Konstitisyon*, koumsa i ti a vremen garanti son

lendepandans. So, mon ti a kontan Minis i klarifye kwa egzakteman ki i pe dir nou dan sa nouvo striktir governans, ki pou anmenn sa sanzman. Akoz nou pe *actually* vot en sanzman dans Bidze kot nou pe tir sa bann *Board fees*. Mersi Mr Chairman.

### **MR SPEAKER**

Mersi. *CEO*. Pou fer premye?

### **CEO ACCS MAY DE SILVA**

Wi, sa *rental housing* i *part of S.I. 58*, ki ti pase 2017 e sa *include housing* pou *CEO*. E sa *decrease* wi, nou’n ganny en sirkiler, ki demande pou nou negosye avek bann *landlord* e nou’n fini anvoy sa *request to landlord*, pou demande pou *decrease*. Oubyen zot a bezwen rod en landrwa pli bonmarse. Me selman sa i ganny kouver anba *S.I. 58*.

E lo kote governans mon a zis komant lo la, ki ti annan mon krwar ti annan en *submission* avan eleksyon pou *constitution changes* e mon ti’n vwar zot ti’n met *CBS* avek *ACCS* dan sa sanzman konstitisyonnel. E pou asir lendepandans sa lenstitisyon. E Lapolis i en *law enforcement*, i napa en *Board*.

So nou met nou dan sa kad *enforcement* parey Lapolis.



*So in effect* ou pa bezwen sa *oversight*. Me selman si zot oule met en *layer in terms of a consultative committee* oubyen en *oversight committee*, *then that is not an issue*. Me selman pou *slim down*, mwan mon ti'n toultan an faver *slim down version of fer oversight*, oubyen en *Select Committee*, *I don't know*. Sa i en keksoz ki nou bezwen fer en konsiltasyon lo la. Me selman parey mon dir, *the current structure is not sustainable* parey mon ti dir, ou ler mon ti vini kot *FPAC last November*, ki sa striktir i tro *top heavy*. Mersi.

### **MR SPEAKER**

Mersi. En minit Minis. Lo size si Minis i devret dan Lasanble avek ki *entity*, mon krwar nou kapab re pran koman *ABC*, repas lo sa size. Selman pour lemoman Minis i a donn nou son lopinyon. Mersi.

### **MINISTER NADDIR HASSAN**

Mersi Mr Chair. Ler mon get relasyon ki Minister Finans i annan avek ACCS, i senpleman en relasyon pou gete, en diskisyon si ACCS i annan resours, resours finansye pou *achieve* son manda. Sa i sel relasyon ki Minister Finans i annan avek ACCS.

Me spesifikman lo sa *issue* *gouvernans* ankor. Ki mon'n adres plizyer fwa depi bomaten. Ler mon regarde, *again* mon'n servi sa legzanp *FIU*. *FIU* i pa siz en *reporting entity*. *FIU* i fer lentelizans, zis en pti koreksyon. E *FIU* li son *oversight* i pirman *administrative*. E sa i anba bann manda ki i gannyen ek bann group. Okenn *Board oversight* pa sipoze antre dan *operational and investigation or intelligence matters*.

E ler ankor lo sa siz ki *gouvernans ACCS* i pou en *gouvernans* ki ankor *administrativ*, me pa en *gouvernans* ki pou antre dan rol e lenvestigasyon ki *ACCS* i fer.

So, parey mon'n dir, sa diskisyon lo ki *gouvernans* pou *look like*, i ankor an diskisyon e mon asire Lasanble osi a ganny konsilte, pou asire ki nou annan sa sistenm *gouvernans* ki aproprye pou en antite parey *ACCS*.

Me selman nou bezwen fer sir ki de keksoz kle se nou pe depans *tax payers money* dan en fason pli efektiv. E dezyenmman nou pe asire ki sa *oversight mechanism* ki pe ganny met an plas, pa enterfer dan lenvestigasyon ki *ACCS* i fer. Mersi.

**MR SPEAKER**

Mersi, nou a pas lo *LGB*. Nou a termin avek sa. Nou bezwen *move on* lo sa pwen. *Ok, wi ... ?*

**HON SEBASTIEN PILLAY**

Mersi Mr Chairman. Mr Chairman, zis pandan letan ki nou pe diskite, mon'n ganny sansan get 2 Lalwa, kot i annan en lenformasyon en Komisyon Anti-Koripsyon.

Tou lede Lalwa i prevwar en sistenm gouvrenans kot ou annan en sistenm komisyoner. Swa 3. Nou nou'n al en pe an plis, ki fer ki sa lendepandans i ganny asire *form* sa sistenm gouvrenans pou Gouvrenman.

Sa ki mon pe met devan Lasanble se ki si nou pe vot e nou siport Bidze aköz nou kontan ou pe koz lo rod sa \$50 milyon e nou pou kontinyen siport ou pou kontinyen rode pou nou konnen kot in ale. Me selman, sa ki mwan mon konsernen avek se ki ACCS pa devret rod en zouti Gouvrenman, pou fer investigasyon kan Gouvrenman i anvi, e si i annan size ki konsern Gouvrenman ki ACCS pa pou kapab *investigate* ! E se sa ki nou oule fer.

E ler ou koz lo desizyon Mr Chairman, mon krwar i enportan koman Speaker

Lasanble ou pran konsyans ki Onorab Andre, in dir malgre ki i pa dakor i bezwen aksepté. Sa desizyon pa ankor menm vin devan Lasanble, Lalwa pa ankor ganny amande devan Lasanble e lot kote latab in fini aksepté.

So mwan mon pou mwan i enportan, i relevan pou Bidze aköz nou pe tir - nou pe donn ou Bidze e nou pe tir konponan dan Bidze an relasyon avek ou fonksyonman. Mon ti oule met sa kler devan Lepep Seselwa, pou nou tou kapab konpran kote nou *stand*. E mon pou kontinyen siport ou lorganizasyon aköz mon krwar i enportan, ki nou vin afen tou sa bann alegasyon koripsyon, e nou al rode lekel ki'n fer koripsyon e lekel ki sipoze koupab pou sa bann aksyon koripsyon. Mersi Mr Chairman.

**MR SPEAKER**

Mersi. Nou a pas lo *LGB*.

**HON BERNARD GEORGES**

Mersi Mr Chairman. Mr Chair tre briyevman mon ti anvi fer zis 2 pti pwen. Anfen en pwen ek en kestyon.

Lo size eski Minis i devret la pou akonpany ACCS? Mr Speaker, mon pa vwar aköz sa kestyon i ganny demande. Nou dan *Committee Stage on the*

*Appropriation Bill*, ki Minis in anmennen e Minis i kapab reste la ziska lafen si i anvi. So, kestyon se pa eski i devret la ou non. I son plas la.

Se zis akoz nou'n adopte en pratik, akoz i annan lezot travay pou fer pou eskiz li. Me i kapab antre sorti mannyer i anvi akoz sa *Bill* i son *Bill*. *It's the Appropriation Bill* ziska ler nou fini *Committee Stage* e nou pas lo *Trwazyenm Reading*. E dan tou ka Minis i la. Alor mon kwa sa kestyon nou pa bezwen al pli lwen ki sa, i ava reponn son lekor.

Mon kestyon Mr Chair. Se lo sa size 50milyon ki Onorab *Leader* Lopozisyon fek releve ankor la. *ACCS* pe *investigate* sa e *Leader* Lopozisyon li menm li in dir nou ki li i pou fer sir ki i anmenn sa 50milyon la. Eski mon kapab demann avek *ACCS* lekel antre zot ki pou premye pou anmenn sa 50 milyon dan pei? Eski se ou *CEO ACCS* oubyen se *LOTO* koman *Chair FPAC*? Mersi.

### **MR SPEAKER**

Nou a les *CEO* reponn pou li.

### **CEO ACCS MAY DE SILVA**

Ou konnen mon pa presye mwan. Si *LOTO* i oule anmenn *case* 50milyon avan nou, *at least* sa 50milyon i ganny

anmennen devan nou. Sa ki enportan. Se ki sa ki annan lenformasyon i apros nou, sa ki annan plis, sa ki pa ankor vini mon *still* fer sa lapel. E mwan parey mon pe dir sa travay i pe ganny fer e si lezot antite i oule *investigate*, zot annan plis lenformasyon. Zot kapab anmenn sa 50milyon, *then* mon ava *welcome* sa. Mersi.

### **MR SPEAKER**

Mersi. Nou a pas lo vot silvouple. Vot lo Bidze pou *Anti-Corruption Commission* lo paz 123 ziska 127, pou en total R15milyon 740mil. Manm ki aprouve lev lanmen silvouple? *Ok*, Madanm Deputy wi. Okenn ki kont?

Mersi, vot lo Bidze pou *Anti-Corruption Commission*, paz 123 ziska 127 pou en total R15milyon 740mil in ganny aprouve an inanimite. 31 vot pour, 0 vot kont e 0 abstansyon. Mersi bokou. Avek sa nou a pran en *pause* e nou a re pran 11.15. Mersi.

***(BREAK)***

### **THE LEGISLATURE**

### **MR SPEAKER**

Nou pe pran Bidze Lasanble Nasyonal. *Legislature* lo paz 79 ziska 87 pou en Bidze

R37milyon 464mil e pou reprezant Lasanble nou annan Madanm Clerk, Mrs Tania Isaac. Mr Godfra Hermitte, *Director General Corporate Services* e Mrs Ghislaine Thelermont, *Senior Accountant*. Madanm Clerk, ou annan loner pou prezant ou Bidze.

### **THE CLERK MRS TANIA ISAAC**

Mersi Mr Chair. Bonzour a tous. Zis pou komans avek nou Bidze, zis pou mwan donn en pti revè parkour nou Bidze. An 2020 letan nou ti fer nou Bidze, Lasanble ti ganny li R43 milyon e 12mil e apre ki nou ti revize dan bann letan COVID lannen pase, i ti desann i ti ariv R39milyon 893mil. E la an 2121 nou Bidze in ariv R37milyon 464mil e sa i reprezant 6milyon an mwens ki nou ti resevwar dan nou Bidze inisyal an 2020.

Nou Bidze i an 2 program. I annan program 1 ki sa bout *Secretariat* e Ladministrasyon e sa program 2 ki li i pou bann *Members support*. E dan sa *Members support* i annan 4 *sub programs*. Dan sa 4 *sub programs* i annan lofis Speaker, Deputy Speaker, Lofis *Leader* Lopozisyon, Lofis *Government*

*Business* e apre bann *Members Support*.

E an se moman Lasanble Nasyonal son *Secretariat* nou annan nou 46 *staff* ki sorti dan diferan *units* e sa i enkli lofis *Speaker* ek *Deputy Speaker*; nou *Media Operations*, nou *Parliamentary Reporting*, nou *Accounts*, *Administrasyon*, *Housekeeping*, *Maintenance*, *Library*, *PR*, Lofis *Clerk* ek *Deputy Clerk* e osi *IT*. Sa bann departman zot anliny avek nou *revised structure* e osi nou *strategic objectives*.

E an menm tan Lasanble i konpri nou 35 Manm Lasanble avek zot bann *Constituency Clerks* e bann *staff* osi ki travay avek sa bann *Leaders*. E an tou i annan apepre 115 dimoun ki sa Bidze ki pe ganny prezante devan zot ozordi, i pe fer provizyon pou bann *support services* pou zot.

Lasanble son Bidze in desann par R3milyon 56mil dan '*goods and services*' e sa i plis lo bann depans pou *travel*, *transpor* ek bann *printing cost* ki'n koupe.

Bidze in desann osi kot '*other use of goods and services*' par R3milyon 13mil. Sa i aköz rediksyon dan lakantite komite ki Lasanble i annan e lezot bann servis komite e osi bann *extended constituency support*.

Landrwa ki'n annan en *slight* logmantasyon se dan nou '*wages and salaries*,' sa i akoz sa lannen nou'n *recruit* 5 nouvo *staff* e sa i ganny reprezante dan nou '*wages and salaries*.' Mersi Mr Speaker.

**MR SPEAKER**

Mersi Madanm Clerk. Mon a komans avek kestyon bann Manm avek Onorab Michel Roucou.

**HON MICHEL ROUCOU**

Bonzour, Mr Chair. Bonzour Madanm Clerk avek ou lekip. Bonzour tou zabitan Mont Fleuri e tou koleg Onorab. Madanm Clerk dir nou, ou'n fini eksplik nou mon premye kestyon ki mon ti pe al demann ou an term ki bann sakrifis ki zot in fer, ki nou vwar ki zot Bidze in sorti 39milyon pou desann 37milyon.

Be ou'n dir poudir se ki zot in anploy 5 *staff* si mon pa tronpe, nouvo *staff*. E mon vwar poudir dan zot '*strategic*' zot pe demande pou zot anploy ankor *staff* dan diferan departman. Dir nou konbyen *staff* sa zot pe mazine zot pou bezwen anploye dan sa bann departman? Mersi.

**MR SPEAKER**

Mersi Onorab. Madanm Clerk.

**THE CLERK MRS TANIA ISAAC**

Mersi Mr Chair. Mersi Onorab. Pou sa lannen nou'n ganny nou 5 *staff* e sa 5 *staff* zot sorti dan 2 *units*. Resers nou'n ganny nou 2 *research officer* avek en *research assistance* e apre dan nou *unit media operations* nou'n ganny nou ankor 2 *staff*. Sa i en *senior production officer* avek en *production and technical engineer* pou sa 2 *unit*. Mersi, Mr Speaker.

**MR SPEAKER**

Mersi Madanm Clerk. Onorab Gabriel.

**HON CONRAD GABRIEL**

Mersi Mr Speaker. Anba ou '*goods and services*' nou vwar en logmantasyon 800mil. Eski ou kapab zis dir nou pou ki si sa silvouple? Lo ou '*other insurance and fees*' zis kwa ki i entail sa logmantasyon silvouple? Mersi.

**MR SPEAKER**

Mersi Onorab. Madanm Clerk.

**THE CLERK MRS TANIA ISAAC**

Ok, mersi Mr Speaker. Mersi Onorab pou kestyon. Sa logmantasyon ki anba '*goods and services*' ki pou lasirans sa



i sa lasirans ki nou donn bann Manm. I en *medical insurance* ki letan zot pe *travel*. Sa lasirans in monte, in ariv (\$808) par Manm. 808mil *sorry*. R808 mil e sa i akoz *increase* dan Dolar e osi akoz i annan plis Manm osi ki nou bezwen donn zot *medical insurance*.

E sa *medical insurance* li i servi bann Manm letan zot *travel*. Si en keksoz i arive avek zot letan zot pe *travel*, then sa lasirans medikal i *take care of* zot bann *expenses*. Mersi Mr Chair.

### **MR SPEAKER**

Mersi Madanm Clerk. Onorab Mondon.

### **HON TERENCE MONDON**

Mersi Mr Chairman. Bonzour Madanm Clerk avek ou lekip. Mon premye kestyon i konsernan 'sekirite ek *enforcement*.' Mon vwar anba program 3. Lofis *Leader* Lopozisyon, sa lofis avan zot provizyon pou sekirite *enforcement* ti 26mil e aprezan in vin 350mil. E anba *SP 2* ki Lofis *Leader of Government Business* avan ti 350mil, in reste 350mil.

E pou program 1 ki administrasyon ek gouvènanans i ti 300mil aprezan zot in fer provizyon 200mil. Si i kapab

eksplik nou ki'n arive ki nou annan sa diferans ki nou pe vwar ozordi? E si rou sa rediksyon pou sorti 300 pou vin 200mil anba ladministrasyon, si i kapab eksplik nou si sa pa pou annan okenn lenpak lo nou sistenm sekirite ki nou annan aktyel?

E mon dezyenm kestyon Mr Chairman, i konsern enn zot bann *challenge*, se sa nesesite pou annan lespas pou donn bann servis parلمانter ki vremen enportan pou nou lenstitisyon. Napa okenn provizyon bidzeter dan sa laliny. Si i kapab dir nou ki bann travay ki zot annan ankour, ki pou zot kapab, la kot nou ete swa dan *immediate future* konmsi. Ki bann travay ki annan, ki bann demars ki annan pou nou kapab si ou le adres sa defi ki nou annan? Mersi Mr Chair.

### **MR SPEAKER**

Mersi Onorab. Madanm Clerk.

### **THE CLERK MRS TANIA ISAAC**

Mersi Onorab pou ou kestyon. Lo kote sekirite, an 2020 ti annan sa R26mil ki trouve anba lofis Loto. Sa i akoz *the previous Leader of the Opposition*, li i ti pe servi 2 sekirite ki ti pe *remunerate* anba son *staff* vot e

prezan sa R26mil ki la i ti a koz i ti'n deside pou li met *camera* anndan kot li, e sa R26mil ti pe *take care of* on lekipman, son *maintenance*.

Me prezan pour sa lannen lofis *LOTO* nou'n met nou sa R350mil, sa i pou *take care of* son sekirite pou li. Lefe ki nou ankor pe atann, pou nou konnen dan ki form ki son sekirite pou été, *whether* i pou al avek en *firm* oubyen si pou pran parey osi 2 dimoun, nou'n met sa 350mil ki tonm egzaktman parey pou lofis *Government Business*. En fason ki prezan si, depandan kwa, nouvo kontra ki li i fer, nou pou annan ase larzan ki'n ganny provizyonnen la pou li kapab *take care*. So sa ki i gannyen la i egzaktman parey ki *Leader of Government Business* i gannyen.

Lo ou kestyon nou *challenge*, nou lespas. Wi, sa i en gran konsern pou nou, lespas. Akoz nou bann Manm nou bezwen donn zot en kantite bann servis. E par egzanp zot vwar poudir letan *COVID* in komanse, nou bann komite i bezwen en kantite sipor e prezan i annan en kantite demann osi avek piblik pou zot vwar zot bann reprezantan ; dan ganny plis vizibilite *and all that*. Be prezan nou, nou

problenm, nou konsern se nou napa lespas pou nou met bann *staff*. E osi bann lespas kot bann Manm zot osi zot kapab fer zot travay. Sirtou dan komite.

E ou pou vwar poudir dan nou Bidze nou pa'n gannyen okenn provizyon. Me selman nou ti'n met pou nou ganny larzan pou nou *annex building*. Me sa lannen nou pa'n ganny *funding for it*. E ki nou pe fer an se moman, nou pe zis sey partisyon bann lofis ki nou deza annan. Nou pe re aranze. Me selman i en keksoz ki pa fasil pou nou fer, akoz nou dan en letan *COVID*, kot nou pe ganny demande pou nou pa ankonbre dan bann lofis.

E nou pe sey mannye lafason ki nou kapab pou fer sir ki nou pe servi en pe lespas en pe pli byen. Petet *rotate staff* e bann lezot. Antretan ki petet lannen prosenn nou kapab ganny en pe larzan. Me selman toudmenm nou pe travay, si petet avek Gouvernman pa pou posib akoz i kapab sa proze i en gro proze ki petet la avek letan *COVID*, Gouvernman pa pou oule antre ladan pou donn nou sa kantite larzan.

Nou e travay lo en proze ki nou kapab *seek donation* en pe parey ki Zidisyer in fer avek son

bann *annexe building*, nou pe mazin pou nou fer sa. Mersi Mr Chair.

**MR SPEAKER**

Wi Onorab Mondon.

**HON TERENCE MONDON**

Mr Chair, i pa'n adres sa bout 'sekirite e *renforcement*' pou ladministrasyon ki sorti 300mil pou vin 200mil.

**MR SPEAKER**

Mersi. Madanm Clerk.

**THE CLERK MRS TANIA ISAAC**

Mr Chair, mon ava les *DG* reponn sa kestyon. Mersi.

**DG GODFRA HERMITTE**

Mr Chair, mersi. Onorab mersi pou ou kestyon. Sa i reflekte akoz parey zot konnen. Avan sa annou ti annan en *firm* sekirite ki ti pe fer travay sekirite isi, e nou'n *terminate* li en pe letan pase. E prezan anba sa vot nou pe pey zis *allowance*. So, *this is why* ki i annan sa gran rediksyon. Mersi.

**MR SPEAKER**

Mersi *DG*. Onorab Uranie.

**HON ROCKY URANIE**

Mersi, Mr Chair. Bonzour panel. Mon kontan pou vwar ki

dan Bidze, koman en lenstitisyon profesyonnel nou pe donn legzanp e nou pe montre rediksyon dan nou Bidze. Me parkont nou pe koz bouz *digital*, me mon vwar kot *printing* ek *stationary* pe kontinyelman ogmante e menm prozeksyon pou lannen prosenn, lannen answit pe kontinyelman ogmante.

E mon lot kestyon se ki mon vwar tou lede lofis, Lofis *LGB* avek lofis *LOTO* ti annan en Bidze 16mil an 2020 pou *training fees*. E parkont pou sa lannen i bann lannen ki pe vini, 22/23 nou pa pe vwar naryen. Konmsi, kapab eksplik nou en pti git lo ki pe arive la *please*? Mersi Mr Chair.

**MR SPEAKER**

Mersi Onorab. Madanm Clerk.

**THE CLERK MRS TANIA ISAAC**

Mersi Mr Chair. Mersi Onorab pou ou kestyon. Pou komans avek sa enn dezyenm. Mon a reponn sa enn dezyenm apre mon ava les *DG* reponn sa lot lo *printing*.

Lo sa *training* ou pou vwar ki sa larzan ki ti pe ganny mete anba *training* kot ou pe refer avek lofis pou Lopozisyon ? Wi pou tou lede lofis wi, nou'n tire akoz nou'n transfer zot anba

ladministrasyon e prezan  
ladministrasyon ki pou  
administre *the trainings*. Mersi,  
Mr Chair.

**MR SPEAKER**

DG.

**DG GODFRA HERMITTE**

Mr Chair, pou son dezyenm  
kestyon anba '*printing and  
stationary*' nou'n sorti 162  
nou'n vin 180 ki reprezant en  
*increase of 18*. Sa i *basically* zis  
*increase in market cost*, akoz  
tou keksoz in monte. Mersi, Mr  
Chair.

**MR SPEAKER**

Mersi DG. Onorab Labonte.

**HON ANDY LABONTE**

Mersi Mr Chairman. Mr  
Chairman mon kestyon premye  
in ganny adrese par Onorab  
Mondon. Petet en dezyenm,  
pou leklersisman anba lofis  
Lopozisyon kot '*wages and  
salaries in cash* ki nou vwar in  
sorti 98mil pou vin 113mil, ki i  
menm parey avek lofis pou Biro  
Gouvernman. Petet en pti  
lesplikasyon lo la. Mersi.

**MR SPEAKER**

Mersi Onorab.

**DG GODFRA HERMITTE**

Mr Chair, mersi. Ankor sa i  
relye avek sa 2 *staff* ki ti ganny  
mansyonnen taler, ki *previous  
LOTO* ti pe servi e prezan  
sistenm in sanze e alor  
natirelman nou'n bezwen tir sa  
kou ki ale avek sa. Mersi, Mr  
Chair.

**MR SPEAKER**

Mersi. Onorab Lemiel.

**HON SYLVANNE LEMIEL**

Mersi Mr Chair. Mon kestyon  
pou Madanm Clerk. Nou vwar  
ki dan latab 2, program 2,  
'*members support*' in sorti  
R18mil pou vin R17mil. Petet  
nou ti a kontan konnen akoz sa  
*decrease*? E apre antan ki nou  
ankor pe travay avek SBC kot i  
konsern bann *feeds or* bann  
program ki i annan letan i pe  
kouver Lasanble, mon panse ki  
i ankor pe donn nou serten  
lasistans, *staff Lasanble*. Eski i  
annan okenn larzan ki nou pe  
bezwen pey SBC dan nou  
Bidze? Mersi.

**MR SPEAKER**

Mersi Onorab. Madanm Clerk.

**THE CLERK MRS TANIA  
ISAAC**

Mr Chair, mon kapab demann  
Onorab pou re *go back* sa  
premye kestyon, sa '*members  
support*' ki i pe koz lo la? Mersi.

**MR SPEAKER**

Wi. Onorab.

**HON SYLVANNE LEMIEL**

Mersi, Mr Chair. Anba latab 2 nou vwar *members support* e son sonm ti R18mil. R18, 190 *precisely*. In desann pou vin 17mil. Nou ti a kontan konnen petet akoz sa *decrease* silvouple?

**MR SPEAKER**

Ou'n ganny li Madanm Clerk. Wi.

**THE CLERK MRS TANIA ISAAC**

Mr Chair, mersi. Mersi Onorab pou ou kestyon, antretan ki nou pe rod sa lenformasyon. Pou ou kestyon lo *SBC*, Lasanble nou'n annan nou en *Unit Media Operations* e rezon akoz ki nou'n *set up* sa *unit* se akoz Lasanble i anvi ki nou annan plis lendepandans lo *the broadcasting of* nou bann program Lasanble, apre ki nou *coverage of* Lasanble son *sitting* dan *Chamber* e osi dan komite.

E prezan nou'n vwar nou sirtou la avek *COVID*, nou'n vwar nou kot nou bezwen nou osi tou annan en pti pe plis vizibilite lo bann travay ki Lasanble i fer. E nou osi vwar avek *SBC*, ki zot osi zot anvi

servi zot bann *staff* pou bann lezot servis ki zot annan. E prezan Lasanble nou nou'n deside pou nou annan nou prop dimoun. E nou ti pe ganny demann osi avek bann lezot *media houses* pou zot kapab ganny *feed from us*.

E prezan nou'n bezwen annan sa *media operations*, met bann *staff* ladan e osi azout lezot, pou ki finalman Lasanble ava annan kontrol total lo son bann *broadcasting* ki i fer.

Parey zot vwar la, nou nepli annan bann *cameras* dan *chamber*, e nou ti abitye annan bann *staff SBC* osi ki ti vini dan *Members Lounge* ki ansanm avek bann zournalis. Zot nepli vini prezan, zot reste kot *SBC*. Zot ganny zis en *feed*. E i sa, sa direksyon ki nou anvi akoz nou anvi ki finalman ki Lasanble i kapab fer son prop program, e nou kapab donn vizibilite bann Manm dan zot bann travay ki zot annan pou fer. Mersi Mr Chair.

**MR SPEAKER**

Mersi Madanm Clerk. Onorab Woodcock. *Sorry*, ou le leksplikasyon.

**DG GODFRA HERMITTE**

Mr Chair, i ti annan en dezyenm parti son kestyon. Si nou'n konpran li byen i pe koz lo



*members support* an relasyon avek sa larzan ki zot gannyen tou le mwan. E sa parey zot konnen i annan en serten desizyon ki'n ganny pran e lo rikord i pou montre poudir in desann sorti R17mil pou li vin R12mil. Vedir en rediksyon par R5mil. *Ok*, nou'n kalkil li koumsa. Selman i annan serten bann desizyon ki pe ganny pran la anmezir ki nou ale pou fer li gradyelman anmezir ki bann Manm Onorab, sirtou bann ki'n ganny elekte direkteman, zot ganny zot lofis dan biro *DA*. Vwala, Mr Chairman. *Thank you*.

**MR SPEAKER**

Mersi *DG*. Wi Onorab Woodcock.

**HON WAVEL WOODCOCK**

Mersi Mr Speaker. Mr Speaker, mon kestasyon i en pe dan laliny ki Onorab Lemiel in demande, e i baze lo '*approving initiative funded program 1, priority objectives*'. E zot *priority objective* i lir koumsa; '*To have a parliamentary broadcasting unit to be on par with other parliaments*.'

Alor mon kestasyon i ki Lasanble pe fer pou atenn sa lobzektif? E osi dan zot '*description and motivations*' zot in fer sorti ki i annan lezot

stasyon televizyon ki pe demann *live feed*, pou transmet bann deba Lasanble *live* parey TeleSesel.

Alor mon kestasyon i akoz ziska prezan Lasanble Nasyonal pa pe donn *live feed* bann lezot stasyon parey TeleSesel? Mersi bokou.

**MR SPEAKER**

Mersi Onorab. Madanm Clerk ou a pran sa.

**THE CLERK MRS TANIA ISAAC**

Mersi, Mr Chair. Mersi Onorab pou ou kestasyon. Zis parey mon'n dir dan sa kestasyon presandan. Ki nou pe fer lo kote kot nou, se ki enn ki nou'n fer se ki nou'n *increase* nou lakantite *staff* ki nou annan dan sa *Media Operations Unit*, e sa i fer Lasanble li menm li pran kontrol son *broadcasting*. Bann *live coverage*, Lasanble dan Lasanble menm e apre dan komite. E apre ki nou pe fer la, nou bann *staff* letan zot pe travay nou pe fer sir ki nou kapab *provide feed* osi bann lezot medya ki par egzanp TeleSesel, oubyen bann lezot ankor ki pou vini dan lefitir ki anvi en *feed* avek Lasanble.

E an se moman Lasanble, nou annan nou en *form of understanding* avek SBC. Lafet

ki *SBC* depi 93 ti pe travay an kolaborasyon avek Lasanble pou nou difiz nou *live coverage* lo *SBC1*, *SBC 2* mon krwar i ete konmela.

E prezan an se moman nou pe revwar sa *MOU*. Parey zot vwar, zot pou nepli la prezan e la nou pe travay lo en nouvo *MOU* ki dir ki zot pou donn nou *some form of* petet *expertise advice*, lo lafason ki nou kapab kit nou *quality*, nou bann *content* ki letan nou pe difize.

Me apard sa, Lasanble li menm li dan lefitir nou pe mazin pou nou kapab fer nou prop prodiksyon nou menm ;- en pe parey bann lezot *Parliament* i fer dan lezot pei. Mersi Mr Chair.

### **MR SPEAKER**

Wi, Onorab Woodcock ou kapab swiv.

### **HON WAVEL WOODCOCK**

Pou sa sipor ki *SBC* pe donner menm *as pe the new MOU*. Eski i amann en *fee* ki Lasanble pou bezwen pey *SBC* pou sa servis ki zot pe donn Lasanble Nasyonal?

### **MR SEPAKER**

Mersi.

### **THE CLERK MRS TANIA ISAAC**

Onorab non, napa okenn fee ki *SBC* i bezwen peye. I zis en servis, i zis en keksoz ki nou pou les zot fer. Nou *actually* bezwen *SBC*. *SBC* i bezwen difiz bann travay Lasanble. E nou koman en lenstitisyon demokratik, nou oule ki otan *media houses* ki anvi difiz bann *live coverage* Lasanble zot kapab fer li.

E nou pa pe donn okenn, pou napa okenn *fee* pour lemoman. Me selman sa sizesyon ki ou pe gete, sa nou ava diskite entern si nou krwar nou bezwen donner. Me selman pa en keksoz ki nou anvi al ladan. Nou ti a kontan ki nou ti ava fer li san bezwen en *fee*. Me selman nou ava gete anmezir ki nou ale. Mersi, Mr Chair.

### **MR SPEAKER**

Mersi, Madanm Clerk. Onorab Aglae.

### **HON EGBERT AGLAE**

Mersi Mr Chair. Petet Madanm Clerk mon pou retourn en pti pe lo sa size medya ankor. Mon konnen in annan bann diskisyon dan lepase ant *SBC* avek TeleSesel ek Lasanble. Petet vi ki ou pe travay lo en nouvo *MOU*, eski nou pou konsider a lavenir, petet tre byento kot osi, nou dan

demokrasi la, kot nou ava annan en balas difizyon Lasanble ant sa de *media house* prensipal - TeleSesel ek *SBC* ?

Dezyenmman mon ti a kontan petet demann ou, an vi ki nou dan sityasyon *COVID* la. Petet nou bann *subscription* avek nou bann *international bodies* ki nou *affiliate* avek, Eski nou pe revwar li baze lo bann priyorite avek nou bann peyman, ouswa i annan bann diskisyon ki ankor pe ganny fer lo sa size? Mersi.

### **MR SPEAKER**

Mersi Onorab. Madanm Clerk.

### **THE CLERK MRS TANIA ISAAC**

Mersi, Mr Chair. Lo kote media, se sa ki nou pe travay lo la. *Actually* nou *staff PR* ansanm avek nou *media operations*, nou pe travay lo en Polisi ki pou fer sir ki tou bann *media houses* dan lefitir parey mon'n dir, zot pou kapab ganny sa privez ki balanse egal pou tou, pou zot kapab difiz Lasanble lo zot bann *channels* televizyon.

E parey mon'n dir, sa i en keksoz ki nou Lasanble nou anvi. Nou pa anvi ki pou annan zis enn ki pou annan sa *monopoly*. Nou ti a kontan ki tou medya ti ava ganny sans pou li fer sa. Akoz koman en

lenstitisyon ki pe promot demokrasi, e nou anvi ki tou dimoun i ganny sa sans pou vwar Lasanble. E fason pou nou fer sa se fer ki Lasanble i *available* lo bann diferan *media platform* ki enkli sa bann *media houses*.

Aprè i annan lot kestyon lo zafer *subscription*. Pour lemoman nou *subscription* nou'n kapab - *Foreign Affairs* in kapab pey pou *CPA* avek *IPU*. *Me as and when* ki nou ganny bann ki nouvo pou sa lannen nou vwar ki zot pe komans peye. So, nou pe mazine ki *by June* nou ava azour avek nou bann peyman, pou nou *meet* nou bann demann enternasyonal. Mersi Mr Chair.

### **MR SPEAKER**

Mersi. Onorab William ou ti'n lev lanmen ou? Wi.

### **HON WAVEN WILLIAM**

Mersi, Mr Chair. Mr Chair, mon ti a kontan demann Madanm Clerk anba '*strategic priorities*' 2021 ziska 2023. Mon vwar i annan en *shopping list* la e mon remarke ki anba sa *shopping list*, i annan en bann proze ki mon konsider koman enportan, sirtou pou konfort e lasante bann Manm. E an dizan sa, mon konnen poudir nou annan serten lakor ouswa lagreman

avek serten bann Pei Zanmi. Mon anvi demande si sa bann lakor i ankor vivan, ouswa i bezwen ganny renouvle ? Akoz mon konnen poudir bann pei zanmi zot toultan pare pou donn sipor Sesel.

E eski nou pe mazin fye lo Gouvernman pou demann larzan pou fer sa bann proze ? Ouswa nou pe mazin osi rod bann *Grants* avek bann Pei Zanmi, akoz i annan ki parey mon dir zot toultan pare. Me fodre nou, nou ale, nou fer sa bann demann e annou pa espere akoz i annan bann lezot antite ki prefer bann demann, zot pe gannyen.

Eski Lasanble Nasyonal i ava pare, pou fer sa bann demann? Akoz parey mon dir i annan ki vremen priyorite, ki enportan. Mersi. Petet osi si zot ti kapab dir nou parmi sa *shopping list*, lekel pe konsider enplimante sa lannen, lannen prosenn? Mersi.

**MR SPEAKER**

Mersi Onorab. Madanm Clerk.

**THE CLERK MRS TANIA ISAAC**

Mersi, Mr Chair. Mersi Onorab pou ou kestyon. Pou nou bann demann ki nou annan parey mon ti'n dir avan, nou annan sa kontrent lespas e nou annan

sa *annexe building* ki nou'n dir nou ti ava kontan annan. E nou pe travay lo en proze ki nou anvi *submit* avek *donors*.

E Lasanble nou annan en bon korperasyon avek nou bann partner enternasyonal, e apre lo kote bann pei vwazen ki ti a kontan pou zot ed nou. E nou pe travay lo nou *project proposal* pou sa *annex* sirtou. Pou nou kapab ganny sipor avek le de, ki sirtou ki'n ed nou avek nou fotovoltaik ; - sa *Indian High Commission* apre osi *La Chine* ki tanzantan zot fer Lasanble bann donasyon.

Nou pe sey nou mye pou nou kapab tap dan sa de Pei Zanmi, pou nou kapab realiz en pe nou bann proze ki nou pa'n resevwar larzan dan nou Bidze. E nou pe vwar poudir dan sa dernyen 2/3an nou pa pe resevwar. So prezan nou pe mazin pou nou al dan sa enn direksyon.

Lot kestyon, *remind* mwan.

**MR SPEAKER**

Wi, ti annan en lot pwen. Wi, Onorab.

**HON WAVEN WILLIAM**

Mr Chair, mon ti pe demann zot lo baz priyorite. Par egzanp dan sizyenm Lasanble ti annan propozisyon pou sanz sa bann

sez e an menm tan bann *spot light* ki mon kapab dir, si par egzant nou ti pe travay parey bann Parlman deor, ankor dan 5an, 10an ti pou annan serten nou ozordi ti pou endikape ouswa *blind*.

So mon pe demande konmsi si. Sirtou sa 2 keksoz sa i vreman, mon vwar li pou lasante i enportan akoz sa lalimyer e bann sez ki ti sipoze ganny sanze. Mon pe mazine kan ki zot pe mazin fer sa. Mersi.

### **MR SPEAKER**

Mersi Onorab. Madanm Clerck.

### **THE CLERK MRS TANIA ISAAC**

Mersi Onorab pou ou kestyon. Lo tou sa lalis ki la, i bann keksoz ki nou ti'n demann larzan pou plizyer lannen me selman ki nou pa'n gannyen. Si ou pou demann mwan lekel ki pli priyorite ladan, mon pou dir ou poudir tousala. Tou sa lalis ki la i bann keksoz ki nou'n vwar i ase priyorite. Me selman '*upgrading and modernization on the Chamber*' sa i enn ki nou ti ava kontan pou travay lo la. Akoz nou ti ava kontan revwar lafason ki bann Manm i asize.

Sa i sirtou enportan la dan sa bann letan *COVID*, kot nou vwar tou lazournen nou bezwen

met latab dan milye, nou bezwen vwar *extra funds* pou nou fer latab. Pou nou rod *extra chairs*.

E nou ti ava kontan petet lafason ki zot asize i aranze. E apre bann lekipman osi nou ti rakontan i ganny arzante dan *Chamber*, parey bann *microphones*. Ki tousala in vye, mon krwar dernyen ki ti aste ti an 2011. E tousala nou ti ava kontan, annan bann nouvo *microphones* ki ganny servi. Pa zis isi dan *Chamber* me osi dan *Committee Room 3* nou ti ava kontan ansanm.

Nou *lightning* osi i vin en problem parey zot vwar anler, i annan lalimyer ki dan milye ki pa pe marse. Nou ti ava kontan ki tousala i ganny aranze. Zis dan bor.

E si ti napa sa bann *flash lights* ki nou pe vwar la, petet i ti pou en pti pe difisil pou nou vwar byen lekleraz letan nou pe *broadcast live* lo *YouTube* avek *SBC* osi. E apre en lot keksoz ki nou ti pe mazine letan nou pe aranz *Charber* osi, dan nou *Standing Orders* nou'n mete pou nou annan sa *electronic voting system*.

Sa i ede ki letan nou pe konte osi nou kapab, Manm i kapab zis pez en bouton. '*Yes,*' '*no,*' '*abstain*' e ler ozt vini osi dan plas pou al rode lekel ki la,



nou ti ava kontan ki sa *electronic voting system* osi, ler ou antre ou konnen ou la e Speaker, i kapab zis lo son latab annan. Kot laba i gete, i konte konbyen dimoun ki annan ki'n vot wi oubyen non.

Me tousala nou pa'n gannyen dan nou Bidze. Me selman la lo kote sa *electronic voting system* i pou *against* nou *Standing Oder*, akoz i annan piblik ki anvi konnen si son Manm ti vote pou tel Bidze, si son Manm ti vote pou tel Mosyon. Me selman pou le moman nou pa pou kapab fer li ziska ler ki nou parey, nou pe met dan sa proze oubyen dan lefitir nou ava ganny *funding* pou sa. Mersi.

### **MR SPEAKER**

Mersi Madanm Clerk. Onorab Vidot.

### **HON AUDREY VIDOT**

Mersi Mr Chair. Mr Chair, mon ti oule zis demann avek Mr Hermitte, pli boner letan in reponn keston lo referans konsernan logmantasyon dan *stationaries* i ti pe dir ki pri lo marse kekfwa ki petet in fer zot revwar.

Mon ti pe regarde nou lo kote Lasanble, nou konnen nou annan bokou dokiman ki nou servi pou fer referans avek e

pou travay avek, lo nou travay Lasanble. Eski bann ki dan sizyenm Lasanble ti ganny koz lo la pou bann Manm ki nouvo ki ante dan setyenm pou benefisyè? Eski nou espekte dan sa Bidze atraver sa vot zot pe pran konsiderasyon? Par egzamp mon pe koz lo nou nouvo *Standing Orders* ki ti dir pou *allocate* avek sak Manm letan in fini prepare. E i annan lezot dokiman ankor ki espekte swiv. Mon ti oule konnen si sa zot in pran an kont ladan. Mersi.

### **MR SPEAKER**

Mersi. DG.

### **DG GODFRA HERMITTE**

Mr Chair, Mersi. Mersi Onorab. Wi, zisteman pou reponn sa dernyen bout. Nou'n pran an kont sa e nou konfidan poudir larzan ki la nou pou kapab fer li. E sa 180mil i klerman, i annan logmantasyon lo *market*. Nou'n vwar bann *trend* dan le pase e nou bezwen aziste li en pti git pou fer li monte. E parkont osi ansanm avek sa i annan sa program S4S. I annan sa program kot nou pe minimize bann papyè osi. Tousala i annan lenpak.

I annan keksoz ki monte, i annan keksoz ki desann e nou,

nou bezwen tir en laliny ki nou krwar i pou *sufficient fund* pou nou kapab *make it through the year 2021*. E Onorab mon asir ou wi, ou pou ganny tou sa ki ou bezwen. Mersi, Mr Chair.

**MR SPEAKER**

Mersi *DG*. Onorab Arissol.

**HON SANDY ARISSOL**

Mersi, Mr Speaker. Bonzour Madanm Clerk avek ou delegasyon. Bonzour tou bann Manm Lasanble, tou dimoun ki a lekout. Mr Speaker, mon ti a kontan premyerman letan nou pe koz lo Lasanble Nasyonal, profite pou felisit Madanm Clerk avek ou bann *staff*. Mon ti a kontan dir ou pouri nou apresye travay ki zot pe fer e sirtou lafason ki zot in lyez avek nou pandan letan *COVID*. Lafason ki zot in sey reorganiz nou, re striktir nou. Sey re anmenn nou, re organiz nou konmsi pou nou asire ki nou reste sen e sof. Nou ti a kontan dir ou mersi pou sa.

**(APPLAUSE)**

**HON SANDY ARRISOL**

Menm en pe, menm parfwa mon bann Manm in en pe mirmire letan nou'n vin dan milye salon. Me selman ti napa swa parey ou

ti pe dir, pou nou kapab fer nou travay.

Dezyenmman mon ti a kontan dir osi poudir mwan mon kontan ki mon form par en lenstitisyon, ki nou osi nou'n nobou kapab fer nou bout avek pei. Letan Gouvernman in vin devan in dir poudir nou dan en sityasyon e la mon'n tande poudir nou Bidze in desann konsiderableman. E depi lannen pase Lasanble pe fer son bout, mon krwar sa i enportan pou medya avek dimoun ki pe ekoute deor. Depi lannen pase nou'n fer nou bout e la mon kontan pou dir ki nou en lenstitisyon ki nou osi nou'n tann sa leokri ki Minis Finans in fer, pou ki nou Bide in kapab desann, pou nou kapab soulaz lezot e pou nou ed pei fonksyonnen.

Alors mon annan 2 kestyon;- mon kestyon ki mon ti a kontan demande, parey nou'n demann avek tou bann lenstitisyon ki pe vin la, eski sa koupir dan Bidze, sa i pou fer ki Lasanble *still* i pou kapab delivre nou travay ki annan pou delivre. En pti pe dan laliny ki Onorab Vidot in demande an relasyon ek bann lekipman ki nou pou bezwen pou travay. Bann dokiman nesaser - eski sa koupir *still* i pou ed nou kontiny

sa travay ki nou pe fer koman en lenstitisyon enportan ?

Mon dezyenm kestyon an relasyon avek pano soler. Nou ti met pano nou koman en antite e nou annan zoli pano, Lakour napa, eski sa pano letan nou'n met li in ed nou en pe an relasyon avek nou kou sirtou elektrisite, pou ki sa osi i ede pou nou redwir en pe depans lo ou lenstitisyon koman Lasanble Nasyonal? Mersi bokou Mr Speaker.

**MR SPEAKER**

Mersi Onorab. Madanm Clerk.

**THE CLERK MRS TANIA ISAAC**

Mersi Mr Chair. Mersi Onorab pou ou kestyon. Wi, sa Bidze ki nou'n gannyen i pou ed nou pou kapab delivre aköz letan nou'n revwar nou Bidze nou'n fer sir poudir sa voyaz ler nou'n get li, nou'n get li pou nou anmenn en pe plis *efficiency*, dan lafason ki nou donn bann servis bann Manm. E nou asire poudir nou pou annan ase larzan e pou annan en pe plis *staff* osi pou nou kapab delivre lo bann servis ki bann Manm ti pe demann nou pou enn de lannen. So, sa lannen nou pou kapab donn en pti pe plis.

E lo kot fotovoltai, wi nou'n mete. Mon krwar i fer

2an la depi ler nou annan, e sa in redwir par 50poursan nou elektrisite. E zot pou vwar poudir dan nou Bidze, nou Bidze pa tro bokou letan i vin lo kot elektrik. Zisteman aköz nou ti met sa, nou ti antre dan sa proze avek *PUC*. Mersi Mr Chair.

**MR SPEAKER**

Mersi Madanm Clerk. Onorab Gill.

**HON CHURCHILL GILL**

Mersi Mr Chair. Bonzour tou dimoun lo panel. Mon kestyon se anba '*maintenance and repairs*' i annan en vot pou *office building*. 2020 ti 667mil, 2021 in monte in ariv 765mil. Eski i annan kontra mazer ki nou'n *outsource* pou fer *maintenance* isi kot Lasanble?

Si wi, eski in swiv prosedir *procurement*? E si wi, lekel kontrakter ki'n ganny sa kontra e konbyen i ete? Mersi

**MR SPEAKER**

Mersi Onorab. Madanm Clerk.

**THE CLERK MRS TANIA ISAAC**

Mersi Onorab pou ou kestyon. Wi i annan logmantasyon R74mil lo nou '*maintenance and repairs*', e sa i relye aköz i annan sa *high maintenance cost*

ki vin avek nou *building*. E sa i vin aköz Lasanble i trouve dan en landrwa kot i annan bokou salen, e nou bezwen *constantly* nou pe fer *maintenance* nou *building*. E pour lemoman mon kapab dir enn sa *building* ki son *maintenance* i ase azour, konpare avek enn de lezot landrwa ki en pti pe pli resan.

E sa i larzan ki nou'n mete la ki'n sorti 677mil pou vin 765mil, sa i pou nou kapab *cater* bann proze ki nou annan, e nou pe kalkil osi i kapab annan logmantasyon dan pri bann materyo. Sirtou la avek *COVID*, avek Dolar ki pe monte e bann materyo ki pe vin dan pei i kapab en pti pe pli ser.

E an se moman nou napa okenn kontra avek okenn dimoun, pou mentenans nou *building*. E letan i annan okenn travay ki pou fer nou sivre bann prosedir *procurement* pou nou kapab fer *maintenance* nou *building*. Mersi, Mr Chair.

### **MR SPEAKER**

Mersi, Madanm Clerk. Onorab Cosgrow.

### **HON WALLACE COSGROW**

Mersi. Madanm Clerk, mon pe get '*strategic priorities*' sa enn dernyen konsernan '*to be a leading institution in the environment sustainability in*

*Seychelles*'. Mon ti a kontan ou dir Lasanble, manm piblik ki pe ekoute an zeneral. Nou konnen i annan en kante dimoun Sesel ki enterese dan bann zafer *environmental sustainability*. E mwan mon enn dimoun ki'n pas dan Minister Lanvironnman. Mon kontan dir mon en konverti, konmsi mon'n ganny enpresyonnen par travay ki bann dimoun i fer laba.

Ki zistans nou ete avek nou plan pou nou vin sa *leading institution* an term *environmental sustainability*? Mon konnen, ou'n koz en pti pe lo pano soler, mon vwar deor i annan bann water *harvesting tank*. Mon konnen ti annan en program avek *S4S*. Ki lezot keksoz ankor ki nou annan konmsi pou fer nou lenstitisyon vin sa lenstitisyon kot dimoun i pran legzanp lo nou?

Zis pou azoute osi Madanm Clerk, mon krwar ou ti'n *omit* osi pou nonm Departman Lenerzi avek Gouvernman Endyen konsernan fotovoltaik. Zis en pti an pasan. Mersi bokou.

### **MR SPEAKER**

Mersi. Madanm Clerk.

### **THE CLERK TANIA ISAAC**

Mersi, Mr Chair. Mersi Onorab. Wi, wi Departman Lenerzi wi ti

*involve* dan sa proze fotovoltaik e Minis osi tou ti *involve* ladan.

(laughter)

**THE CLERK MRS TANIA ISAAC**

Minis pou Lanvironnman ti *involve* ladan. Wi, Lasanble wi, 2an pase nou ti antre dan en program *sustainability;-environment and sustainability* avek S4S akoz nou ti vwar ki nou ti pe servi en kantite papye e bann lezot keksoz ki ti *harmful to the environment*. E nou, nou ti anvi vin en lenstitisyon, kot nou pe zwe nou par nou osi pou nou vin *sustainable* lo kote lanvironnman.

E apart parey ou'n dir nou, fotovoltaik, *water harvesting* ki nou'n fer, nou osi *move*, preski twa kar *e-parliament* e parey zot osi la mon pe la, sakenn i annan son laptop devan li. Sa i enn bann fason ki nou'n fer li. Nou servi zot *laptop*. Tou lenformasyon ki zot gannyen i *e-copy*. E nou osi annan en platform kot tou zot bann dokiman i ganny mete lo la, e letan zot bezwen en lenformasyon nou *retrieve from* sa, lo nou platform pou fer zot gannyen.

Aprè nou servi *less papye*. Zot vwar dan nou Bidze ki napa bokou larzan ki nou'n mete pou *printing*. E zot pou vwar osi par egzant otour *building*, sirtou dan bann *toilet*. Sa nou pe met, ki nou servi *hand dryer* dan plas nou servi bann papye ki apre zis nou met dan *bin*.

Aprè nou fer *composting* osi. Nou bann papye ki reste, nou fer *composting* avek. Par egzant zot pou vwar deryer nou annan nou en *shed* kot nou annan nou prop fler ki nou met dan nou zarden otour *building*. So nou servi sa bann papye ki nou *turn into compost* e sa i ganny servi otour *building*.

E nou bann transpor, nou bann transpor osi nou fer sir poudir letan nou pe aste nou bann transpor nou aste bann *hybrid*, ki nou pa pe fer bann depans, bokou depans lo *fuel*.

Aprè nou annan en stratezi, nou apel li *EPIC*, ki diferan departman i annan en rol pou zwe. Kot nou annan diferan *Policy* ki ed nou pou nou kapab konserv lenerzi, konserv delo, konserv elektrisite. E nou *PR* an se moman pe zwe en gran rol ladan kot li i sansibiliz dimoun an deor lo *environment sustainability* an zeneral. E toulezour i anvoy en pti zafer lo *Facebook* e menm *internally*, kot nou sansibiliz bann *staff*



pou fer sir poudir tou dimoun i *Environmentally conscious*.

So mon ti ava profite pou mwan remersi *S4S* pou zot *partnership* kontinyel ki zot annan avek Lasanble Nasyonal. Mersi Mr Chair.

**MR SPEAKER**

Mersi. Onorab Ghislain.

**HON CHANTAL GHISLAIN**

Mersi Mr Chair. Mr Chair, mon premye kestyon i annan pou fer, mon pou adres *PS* Finans. Zis pou donn mwan en pti leklersisman lo sa zafer '*cleaning expenses*' la. Mon'n vwar partou, tou bann antite ki'n vini i annan sa. Spesifikman, eski i pe koz lo bann dimoun ki netway biro, ouswa i bann keksoz ki nou aste pou fer netwayaz avek Sa i en kestyon.

Prezan lo '*consumables*', mon pe demann sa aköz kot nou Lasanble mon vwar tou lede, depi '*cleaning expenses*' ek *consumables* nou'n kit li sa nivo ase ba. Kekfwa i annan en pti varyan ladan. *And* aköz dernyen antite ki ti sort la, ler mon ti demann li lo sa zafer *consumables* ki'n double, son rezon sete i bezwen aste bann *sanitizers*, bann lezot keksoz ki annan pou fer avek lasante aköz sa.

Pou nou lefet ki li in desann, i pa'n desann, me in reste ba, eski nou pou nou nou'n ganny kado nou bann keksoz, ouswa nou'n bezwen aste? Aköz bann lezot antite Gouvernman zot osi pou zot, kote zot in aste. Zis pou mwan kapab vwar sa varyans. Aköz mon pe vwar en tandans kot tou sa bann antite ki'n vini, sirtou bann *statutory bodies* la, zot tou zot bann *consumables* in double *and* pou nou Lasanble mon'n vwar kekfwa i zis en pti, en R10mil sa ki'n monte. Mersi.

**MR SPEAKER**

Mersi Onorab. *PS* Finans, konmsi Onorab ti'n - Wi *DG*, ou ki pou pran oubyen Madanm Clerk?

**PS DAMIEN THESEE**

Mersi Mr Chair. Mon ti prefere Lasanble i pran aköz li ki pou konn son klasifikasyon. Mersi.

**MR SPEAKER**

Mersi. Wi. *DG*.

**DG GODFRA HERMITTE**

Mr Chair, mersi. Onorab, mersi pou ou kestyon. I annan zis en *slight increase* ladan ki nou'n met R1000 si mon pe *refer to the correct figures* la. An vi ki annan serten osi, serten pti *increase in cost in the market*.

Me selman ler nou'n get nou *trend* sirtou dan sa dernyen 4an ki mwan mon'n la personnelman, mon'n vwar poudir nou larzan ki nou met i toultan adekwat.

Menm la dan letan *COVID*, wi i annan serten landrwa ki nou'n bezwen fer en pti pe plis pou met bann *sanitizer and whatnot*. Me selman la nou'n preski enstal tou sa bann keksoz, so pou sa lannen nou pou napa gran zafer pou nou sa. *Zis maintenance*. E sa larzan ki la i pou sifizaman pou nou fer sa. Mersi, Mr Chairman. Mersi Onorab.

**MR SPEAKER**

Me *DG*, si mon pa tronpe mon krwar i ti pe demann ou pou klasifye *cleaning expenses*, ki oule dir par sa? Eski i korek Onorab? Egzakteman.

**HON CHANTAL GHISLAIN**

Wi, wi.

**MR SPEAKER**

Ki si sa *cleaning expenses*, si bann netwayaz deor oubyen bann lekipman ki anndan, bann materyo ki anndan.

**DG GODFRA HERMITTE**

Mr Chair, sa i plito bann prodwi ki nou aste pou nou netway avek. *Thank you*.

**MR SPEAKER**

Wi Onorab.

**HON CHANTAL GHISLAIN**

Mersi, Mr Speaker. Akoz mon ti'n demann sa pou *PS* Finans pou klasifye, pou verifye. Akoz tou bann antite ki'n vini i annan sa laliny kot *cleaning expenses*. E mon kontan ki Lasanble nou'n port legzanp, nou'n koupe. Menm si i pa'n koupe si i annan en pti *slide*.

Me selman en ti pti poursantaz ki'n ogmante. Tandis ki tou bann lezot antite zot in vini, pou zot sa i double. E rezon ki zot ti donn mwan dernyen antite ki'n vini, se ki zot in bezwen aste tou sa bann *sanitizers and* bann lezot. Sanmenm sa ki mon ti anvi demande, eski Lasanble li pou li, i ti ganny kado? Kote ki ti aste ki pou li in ganny bonmarse, ki lezot pa pe kapab vwar ki bonmarse, ki zot bezwen double zot Bidze pou zot kapab al aste sa?

**MR SPEAKER**

Mersi. Leksik ki kapab reponn sa.

**DG GODFRA HERMITTE**

Mr Chair, zis pou mwan met en pti bout ankor lo la. Ou konnen dan nou evolisyon Lasanble, nou la aktyelman annan en *purchasing officer*, ki avan ti ganny fer pa madanm *accountant*. So, li i al lo *market* i al get kote i ganny pli bon pri e i get sa bann keksoz osi an relasyon avek nou *Green Purchasing Policy* ki nou met sa.

So anfen mon pa kapab konpar mwan avek bann lezot lorganizasyon, me selman sakenn i get son zafer dan son prop sikonstans. Me nou, nou vwar poudir sa kontrol ki nou'n mete, sirtou avek sa *purchasing officer*, avek nou *store* - i fer osi nou *store officer*, I donn nou sa lavantaz. E nou kapab servi nou bann keksoz bokou pli byen. Bann materyo ki nou aste. Vwala rezon. Senp. Mersi.

**MR SPEAKER**

Annou le *PS* pran sa bout apre ou ava re pran Onorab. *PS*.

**PS DAMIEN THESEE**

Mersi, Mr Chair. Mon krwar mon apresye le pwen Onorab ki pe sey fer. E nou'n deza fer sorti sirkiler lannen apse pou bann Minister revwar zot bann depans ki zot pe fer, pou zot asire ki zot pa pe depans bokou.

Akoz nou'n deza dir, par egzanp *sanitizer*, bann Minister pa sipoze pe aste *sanitizer* pou *staff*, eksepte si ou bann *staff* i lo *front line*. Savedir resepsyon, ou bann sekirite, ou bann *common areas* ki pe al dan ou bann *Board room*, dan bann *corridor*, keksoz koumsa. *Staff* i sipoze anmenn son prop *sanitizer*. Akoz i bezwen pran son prop prekosyon li menm. I al dan bis, i al dan laboutik, se li osi.

So sa bann mezir nou pou ranforsi lo la nou. Me selman i annan serten landrwa parkont ki nou bezwen fer bann lazitasyon mazer. I annan ki depan *extend*. Parey Lasanble li i pa en antite ki ganny bokou viziter, oubyen son fonksyon i pa lo *sites*, oubyen son fonksyon i pa bezwen aste materyo pou li kapab prodwir parey zot.

So i tou depan natir. Me selman mon krwar nou apresye le pwen e nou pou fer resorti sa bann pwen ek bann Minister pou zot *control* zot bann depans. Mersi.

**MR SPEAKER**

Wi, Onorab Ghislain.

**HON CHANTAL GHISLAIN**

Mersi. Mon apresye ki ou pe donn mwan en pe letan pou mwan eklersi sa.

**MR SPEAKER**

Wi, dernyen pwen.

**HON CHANTAL GHISLAIN**

Lefet ki se nou ki vot Bidze pou tou lezot antite, kekfwa mon ti a voudre demann Mr Hermitte ki kote ki Lasanble li i aste son bann prodwi ki bonmarse, pou ki letan bann lezot antite i vini, kekfwa bann ki'n pase in pase in ale, nou pa'n vwar. Me selman mon'n remark sa - ki nou kapab konsey zot osi pou zot al aste menm landrwa, ki zot osi ava koupe parey Lasanble Nasyonal pe ganny koupe. Mersi Mr Chair.

**MR SPEAKER**

DG ou kapab adres sa.

**DG GODFRA HERMITTE**

Mr Speaker, anfen *purchasing officer* petet ti kapab donn en pe pli detay lo la, me mon konnen nou get partou. Partou kot i vann bann diferan prodwi nou ale, nou gete, nou get bann kotasyon e apre byensir nou pran sa enn ki nou krwar i pli bon.

So, petet ki mon kapab konsey bann lezot landrwa ki kekfwa pou zot in monte, se ki

zot osi zot fer en pe plis marse, fer en pe plis gete. Dan konpetisyon ozordi i annan negosyasyon, en keksoz osi ki nou fer osi byen. E apre kontrol. Kontrol. Mon krwar PS Thesee in dir serten keksoz la ki enportan ki lezot departman i pran an konsiderasyon.

Mon krwar si ou met ou kontrol, ou vey byen, ou tyek byen ou bann keksoz. So i ava donn ou en pe plis dirabilite sa ki ou annan baze lo ou larzan ki *available*. Mersi, Mr Chair.

**MR SPEAKER**

Mersi DG avek sa bon konsey fotespere ki nou kapab *move on*. Onorab Pillay.

**HON SEBASTIEN PILLAY**

Mersi, Mr Chairman. Mr Chairman, i enportan avan mon komanse. Sa i en keksoz ki bezwen ganny dir ki, Lasanble in vwar en revolisyon depi ler Lasanble ti dan *National Library* ziska ler in ariv isi, e mwan mon'n ganny sa privez pou asiz dan sa *building*. E mon konnen lezot Manm in asize depi laba lot kote. E nou tou nou'n vwar ki mannyer sa evolisyon sa standar ki Lasanble in etabli, e pour sa mon oule remerci tou sa bann dimoun ki'n *chair* sa. *From* Speaker MacGregor, Speaker

Patrick Herminie ki ti la ek sa *building*. Speaker Nicholas Prea, Speaker Patrick Pillay, byensir ozordi Mr Chairman ou menm ki Speaker.

E mon krwar sa levolisyon pou kontinyen aköz le de lofis dan Lasanble i *engage* dan ed Lasanble, pou fer lekonomi, pou fer bann fason pou amelyor keksoz.

*Ceci dit* Mr Speaker, enn bann kontrent ki nou pe rankontre avek Lasanble ozordi, se ki lefet ki avek *COVID*, nou'n vwar difikilte pou nou fer serten travay ki enportan dan lize piblik. E la mon pou koz prensipalman par egzanp pou *FPAC* e mon konnen *Vice Chairman FPAC* ki sorti lo kote *LDS*, se bann lezot Manm pou siport mwan, ki malgre nou anvi fer plis, nou pa pe kapab fer li.

Mon konnen i annan en difikilte dan konfigerasyon keksoz, me eski Lasanble me mazin lo fason pou nou kapab *tackle* sa sityasyon, kot bann komite ki annan bann travay neser pou fer paret *FPAC*, nou a kapab fer sa bann travay e langazman ki Lasanble pe donn nou pou nou kapab rod fason pou kouver nou bann *meeting* san ki nou bezwen *involve* en kantite *input from* an deor pou nou kapab difiz li.

Sa pou mwan i mon santi i en *issue*. E avek *COVID* in montre nou ki mannyer nou annan en lacking dan sa sekter. Mersi Mr Chairman.

### **MR SPEAKER**

Mersi Onorab Pillay. Madanm Clerk, ou ti a kontan donn en lopinyon lo la.

### **THE CLERK MRS TANIA ISAAC**

Mr Chair. Mersi *LOTO* pou ou kestyon. Sa osi i en gran konsern pou nou, lefet ki nou santi nou annan en pti pe, pa dan nou kontrol avek sa sityasyon *COVID* e nou osi nou pe sey rod bann fason, ki mannyer nou kapab fer bann Manm fer zot travay. E *public hearing* i enn ki tre enportan sirtou la dan sa moman kot nou ete ki nou bann Manm i bezwen *scrutinize* bann resours lafason ki pe ganny depanse. E bann Polisi osi, bann program. Nou osi nou pe vwar.

Ki nou pe fer an se moman se nou pe sey re aranz nou bann *Committee Rooms* ki nou annan. Nou pe sey re aranz li dan fason ki i ava annan en pti pe pli lespas, pou ki bann Manm i kapab bouze. E parey ou'n dir nou pe mazin petet nou kapab osi kontrol lafason,



kontrol la kantite bann dimoun ki vini.

Petet ler nou pe fer *public hearing* dan plas ki zot vin ankonbre, nou les enn par enn vini. E mon pa konnen si petet osi nou kapab vwar sa lapse kot nou servi bann *online platforms*, ki nou kapab *conduct* nou *hearing* avek zot, avek sa bann diferan antite.

Lo kote kot nou Sekretarya nou pe vwar tou ban opsyon ki nou kapab annan. I annan bann lezot lespas parey *Speaker's Conference Room*. Sa osi nou pe servi li plis e nou *Members Lounge* ki nou annan li osi nou pe sey fason pou nou *turn* li dan en *public hearing room*, pou nou kapab donn sa servis nou bann Manm.

E prezan si nou vwar keksoz i vin en pli difisil, nou pou bezwen al an deor Lasanble e vwar bann lezot *venues* ki annan pou nou kapab, pou ki bann Manm i kapab fer sa enn fonksyon, sa bout *public hearing*. Mersi, Mr Chair.

### **MR SPEAKER**

Yes, Onorab Pillay.

### **HON SEBASTIEN PILLAY**

Mersi, Mr Chairman. Mr Chairman, mon dernyen pwen i en pwen ki mon konnen Madanm Clerk i konnen mon'n

deza souleve avek Sekretarya. I konsern sa *insurance* ki mwan mon santi poudir nou bezwen rod en fason pou nou fer en lekonomi la. *Whilst* ki i neserer ki nou annan sa, mon'n vwar lezot antite pe gannnen. Fodre note daryer ki dan Bidze Lasanble, napa *rental for housing*, napa en kantite keksoz ki annan dan lezot Bidze, dan lezot landrwa. Me sa enn mon santi poudir nou bezwen kapab sey rod en fason pou kapab fer en lekonomi *from* sa vot, ki petet i ava permet nou pou nou *realign* serten finansman pou nou kapab servi dan lezot *area*.

E en pti pwen final, enn bann keksoz ki bann Manm i bezwen ganny akse avek se bann Lalwa e pou zot kapab refer lo travay ki zot pe fer, sirtou travay Lezislasyon. Mon konnen nou pe kree sa *digital platform* e mon konnen Biro *Attorney General* lo pou li annan son *index* tou sa bann Lalwa. Eski Lasanble i kapab osi angaz li letan i pe fer sa *dashboard*, lo *digital platform* pou ki sa bann Lalwa son versyon ki pe vin ganny amande e son versyon ki la i *readily accessible to Members* lo sa *laptop* parey mon krwar Parlman Kenya i fer ki lo latab i annan en. Dan Parlman laba i annan en *iPad*, en *tablet*

e dan sa *tablet* i annan tou sa bann eleman.

Petet sa i ava en keksoz ki ava anmenn en lot nivo evolisyon dan travay ki Lezislasyon i fer. Mersi, Mr Chairman.

**MR SPEAKER**

Mersi. Madanm Clerk.

**THE CLERK MRS TANIA ISAAC**

Mersi, Mr Chair. Mersi Onorab pou ou kestyon. Pou sa lasirans, sa i parey mon'n dir, i sa lasirans ki letan zot *travel*. Sirtou ki vin *beneficial* pou zot, se sa bout medikal, si en keksoz i arive avek zot. *Then* zot kouver anba la. Me nou konnen poudir nou dan en letan *COVID* e petet parey nou vwar la, bann *travel* in redwir en kantite. So nou kapab vwar avek zot bann Manm, si zot santi poudir petet nou kapab revwar sa lasirans e nou kapab donn zot, zis ler bann ki pe *travel* zot, zot gannyen e lezot ki pa neserman bezwen, *then* nou ava koupe. *Then* dan sa fason nou ava fer lekonomi avek sa vot pou *insurance*.

Lo kote *access to laws* nou annan nou en *software* ki nou pe travay lo la *inside* dan Lasanble *internally*. I apel *ALFRESCO* e lo la nou deza

annan tou nou bann Lalwa ki depi avan 1993. Nou pe pran tousala nou pe *scan*, nou pe met lo sa platform, ki i pou annan sa platform ki bann Manm prezan i kapab *access* tou sa bann Lalwa, an menm tan sa bann revizyon ki pe ganny fer dan sa bann diferan Lalwa. Tousala i pou kapab ganny *access* lo la.

E nou pe osi travay avek lofis Speaker osi, ki akoz li osi son vizyon i parey sa ki nou pe mazine, parey nou ti'n komans travay lo la. Pou ki tou bann Manm i ava ganny *access* avek sa bann resours lo zot *laptop*. E sa an se moman i an kour e nou pe *hope* ki *by* ankor detrwa mwan nou avan fini fer li. Mersi, Mr Chair.

**MR SPEAKER**

Mersi. E nou a termin avek *LGB*.

**HON BERNARD GEORGES**

Mersi, Mr Chair. Mr Chair, mon ti anvizis rezwenn premye parol mon koleg Onorab *Leader* Lopozisyon ozordi, pou remersye direksyon nou Lasanble anba ou avek ou bann predeser e sirtou anba Madanm Clerk ki'n devoue son letan pandan sa detrwa dernyen moman, ki nou'n dan sa Lasanble.

Mr Speaker, mon krwar nou pa kapab mank sa loportinite pou nou dir ki manner nou Lasanble, nou lenstitisyon in vin en *benchmark* pou nou pei e mon krwar nou devret gard li koman sa *benchmark*. I en lazwa pou vin travay dan sa Lasanble. E *building* i ganny byen *maintain*, zarden deor i ganny byen *maintain*. Tou keksoz i marse malgre tou bann defayans ki nou kapab annan e bann mankman. Tou keksoz i mars a pwen.

*Staff* i konpetan e akeyan a tou nivo. E mon krwar ki i ti ava en mankman bomaten si nou pa rekonnèt sa. Akoz parmi bokou lenstitisyon ki nou frekante koman Manm Lasanble, ler nou vin isi nou konnen ki i en Lasanble ki pe mars oubyen i en lenstitisyon ki pe mars a perfeksyon. E mon krwar ki nou devret rekonnèt sa e nou devret *give thanks* e plas nou remersiman ek nou lazwa la kot i fodre.

E alor avek ou permisyon Mr Chair e Madanm Clerk, mwan mon ti ava anvoy en lapel laba deor avek tou bann dimoun pou zot fer 3 keksoz. *Listen, learn and copy*. Akoz nou, nou en *benchmark* ki zot kapab swiv. Mersi bokou

**(APPLAUSE)**

**MR SPEAKER**

Mersi bokou *LGB*. Madanm Clerk ou pa bezwen en dernyen parol.

**THE CLERK MRS TANIA ISAAC**

Mr Chair, mersi. Mon ti ava zis kontan pou remersi Onorab pou son mo lankourazman e Lasanble nou Sekretarya nou vizyon se fer sir ki nou bann Manm, nou donn zot sa bann servis ki zot bezwen, pou fer sir poudir zot pe akonplir zot manda ki zot annan. E sa *to legislate*, pou annan *oversight* e osi zot rol reprezantasyon lo zot bann *constituency*. Se sa ki nou anvi fer e Sekretarya nou, nou toultan get bann *best practice* ki annan lo kote rezyonal, lo kote enternasyonal, pou fer sir poudir toultan nou pe bouz devan dan lafason ki nou donn nou bann servis.

E pour lemoman zis pou dir, lo kote Sesel me lo kot enternasyonal osi Sesel menm si nou en pti Sekretarya, menm si nou en pti Lasanble nou pa pe fer mal ditou. Nou pa pe mal fer ditou sa *front* osi. Mersi, Mr Chair.

**MR SPEAKER**

Mersi Madanm Clerk. Avek sa nou a pas lo vote pou Lasanble, *Legislature* ki lo paz 79 a 87 pou en Bidze R37milyon 464mil. Manm ki aprouve lev lanmen silvouple? Madanm Clerk ou *ok*, Madanm Deputy. *Yes*, okenn ki kont?

Wi Madanm Deputy. *Vot* pour *Legislature* paz 79 ziska 87 pou Bidze R37milyon 464mil in ganny 32 vot pour, 0 vot kont e 0 *abstain*. Alors i mon plezir pou dir Bidze in aprouve. Mersi bokou.

Nou a pran poz la e nou a re zwenn 2er apre midi. Mersi

***(BREAK)***

## **DEPARTMENT YOUTH AND SPORTS**

### **MR SPEAKER**

Bonn apre midi tou dimoun. Nou pe pran Bidze Departman *Youth and Sports* lo paz 221 ziska 225 pou en Bidze R7milyon 706 mil. E dan lasal avek nou, nou annan Mr Marie-Celine Zialor, Minis pou Lazenés, *Sports* ek Zafer Lafanmir. E *PS* Thesee byensir, Ms Irene Croisee, *Comptroller General*. E osi Mr Fabien Palmyre, *Principal Secretary* dan *Departman Youth and Sports* e Ms Gyra Nibourette,

*Senior Human Resources and Budget* dan sa menm departman.

Nou'n met 45 minit pou sa *entity*, alors nou bezwen fer sir nou bouz ase vit. Annou sey swiv *best practice* silvouple, pa sey demann tou kestyon en sel dimoun, e annou *avoid* repet kestyon ki'n ganny demande. E panel mon envit zot pou reste direk lo tou bann repons. Mersi.

*Oh* en pti leklersisman osi, departman i reponn lo Polisi, responsab pou Polisi e i annan serten Konsey ki responsab pou enplimantasyon operasyon. *Right PS?* E alors nou tant pou diriz bann kestyon pou departman lo Polisi plito ki, ki pe fer avek en laplenn, bann keksoz koumsa. *Ok?* Minis mon a envit ou pou fer ou lentrodiksyon.

### **MINISTER MARIE-CELINE ZIALOR**

Mersi Mr Chair. Bonn apre midi tou dimoun. Mon krwar Mr Chair in preski fini fer nou lentrodiksyon. Mersi bokou. Pou sa Bidze R7.7 milyon nou pe demann Lasanble pou aprouve pou Departman Lazenés avek Spor i en rediksyon apepre 1milyon konpare avek Bidze lannen pase. E napa okenn gran

restriktirasyon mazer dan sa departman. Apart ki son *focus* ki i pe fer en pti revolisyon. Dan plas *focus* lo zis sa 2 antite, sa 2 lazans ouswa sa 2 Konsey ki tonm anba ziridiksyon Departman *Sports*;- savedir NSC avek SNYC. Departman i pou pe regard lo nivo Nasyonal. Pe regard lentere bann zenn, lepanouisman bann zenn apre devlopman *sport* dan pei. E lo en nivo parey Mr Chair in dir, lo kote Polisi pou ekrir Polisi, pou *monitor*, pou regard lenplimantasyon, pou evalye bann Polisi. Vwala, mersi bokou Mr Chair.

### **MR SPEAKER**

Mersi Minis. Nou ava prezan ouver lasal pou kestyon. Bann Manm ki oule entervenir. Onorab William ou'n pare? Wi.

### **HON WAVEN WILLIAM**

Mersi, Mr Chairman. Bonn apre midi Minis avek ou lekip. Mon anv demann Minis par lefe ki mon vwar ki Bidze in ganny redwir par anviron en R1milyon. Par lefe ki Prezidan in met lanfaz lo en Gouvernman efikas, mon ti kontan ki Minis i eksplik nou Lasanble, ki bann re organizasyon ki nou pou vwar e avek sa Bidze ki'n ganny redwir, ki pou fer ki vreman sa

legzizans pou lefikasite i ganny vreman vwar dan son lenplimantasyon? Mersi.

### **MR SPEAKER**

Mersi Onorab. Minis.

### **MINISTER MARIE-CELINE ZIALOR**

Mersi, Mr Chair. Mersi Onorab pou kestyon. Brefman reorganizasyon se ki departman i fer son travay Polisi parey sipoz fer dan plas i pe bezwen evalye, *monitor* performans osi sa 2 antite ki tonm direkteman anba li. E ki lo en nivo nasyonal regard lafason nou pe travay, pou travay en pti pe pli *smart* anba Polisi sa ki *RBM* ki Gouvernman pe, ki ti deza la oparavan nou pe kontinyen lo la, enplimante. *Results-Based Management*.

Regard en pe lenpak ki bann Polisi i pe annan, akoz nou ti pe regard kekfwa zis lo kote aktivite ki pe ganny fer, nou pa ti pe mezir lenpak. Regard en pe lenpak ki pe annan lo kote lazenes. Lenpak ki pe annan lo kote sport e travay plis kolaborasyon avek bann lezot Minister. Avek bann lezot departman.

Mon krwar sa i en bout ki mon krwar kekfwa manke *PS Palmyre*, akoz i ti deza pe komans fer. I ava eksplik en pti



pe plis tou. Me selman i pa ti pe ganny fer konmsi avek efikasite. Selman mon ti ava kontan Mr Chair si *PS* Palmyre i ganny sans elabor en pti git. Mersi.

**MR SPEAKER**

Mersi, wi *PS*.

**PS FABIEN PALMYRE**

Mersi, Mr Chair. Mersi Minis. Minis in eksplike, zis mon ava azout sa pti bout kot ler nou pe dir nou pe regard bann *issues* ki afekte lazennes lo nivo Nasyonal, i vedir travay avek tou bann *NBAs*. Bann departman, bann lazans. I en keksoz ki parey Minis i dir oparavan nou ti pe fer. Me ler mon'n ganny dyalog ek Minis mon'n kontan poudir ki la nou pou ganny sipor pli apiye, akoz i pou koz ek son bann koleg Minis.

Akoz ki arive, se ki nou annan en *forum*, nou zwenn avek bann *PS*, bann *CEO*. E la bann keksoz ki tous zenn, ki zenn i fer nou konnen zot oule vwar rezilta ladan. Par egzanp si nou pe koz lasante, si nou pe koz later, si nou pe koz lakaz. Si nou pe koz biznes, lanplwa, nou ale, mwan mon ale mon zwenn ek sa bann *PS* ek sa bann dimoun dan sa bann departman, e mon dir zot, 'be

mon konnen ou annan ou bann Polisi, me selman ou bezwen met latansyon spesyal lo sa kous lazennes.' *Ok?* Alors se sa mon krwar ki Minis pe montre lo la. Mersi.

**MR SPEAKER**

Mersi *PS*. Onorab Lemiel.

**HON SYLVANNE LEMIEL**

Mersi Mr Chair. Bon apre midi Minis avek ou delegasyon. Mon okouran i annan bokou sanzman ki'n arive dan sa Minister, e mon konnen petet ou Minis ou pe responsab plizoumwenn lo kote bann Polisi letan ou la kot nou dan Lasanble. Mon ti a kontan konnen avek sa bann sanzman ki'n arive la, ki nouvo Polisi pou lazennes? Kwa ki zot pe mete an plis akoz mon konn dan lepase zot ti annan bann travayer lazennes lo nivo distrik, sa in ganny retire.

Me parkont avek sa Bidze ki ou pe gannyen, mon ti a kontan konnen kwa an plis petet ki zot pe anmenn pou met dan sa nouvo Polisi Lazennes e osi *sport*. Ki nouvo Polisi *Sports* prezan ki zot, zot pe mazin vin avek? E eski sa Bidze ki zot pou pe gannyen pandan sa lannen i pou sifi pou zot fer bann travay ki annan pou zot fer? Mersi.

**MR SPEAKER**

Mersi Onorab. Mini.

**MINISTER MARIE-CELINE ZIALOR**

Mersi, Mr Chair. Mersi Onorab pou ou kestyon. Mon pou reponn en bout apre *PS Palmyre* mon pou envit li pou reponn en lot bout. Mr Chair, vitman lo kot lenplimantasyon, i annan Konsey Nasyonal pou Lazenés ki pe vini. Mon krwar nou a pran sa kestyon si ou permet Mr Chair, letan zot vini lo kote lenplimantasyon. Akoz sa i programm.

Lo kote Polisi, i deza annan Polisi. I pa nouvo, *Sport* avek Lazenés ki mon ava envit *PS Palmyre* pou fer komantr lo la. Mersi.

**MR SPEAKER**

*Ok, PS.*

**PS FABIEN PALMYRE**

Mersi Mr Chair. Mersi *Minister*. Mon krwar i parey in ganny dir, Polisi pa'n sanze. Polisi Lazenés ti *approve* an 2018. I ti komans ganny enplimante 2019 e mon krwar sa ki ou pe demande plis lafason ki ganny enplimante loperasyon. Alors parey Minis i dir ou, sa i pou pli apropiye pou *CEO SNYC* ek Minis taler pas lo la.

Polisi pa sanze. Ki i fer, Polisi *Sports* annefe in ganny *approved by Cabinet*, i zis domaz avek *COVID* ki nou pa ankor kapab - son lenplimantasyon konmsi pou vremen pou dir mon vwar. Me selman tou lede Polisi nou ti fer gran legzersis kot nou ti ganny pwennvi bann *stakeholder ok?* E bann keksoz ki ti sorti, bann keksoz ki zot ti dir pa pe mars tro byen, bann keksoz ki ti byen pou mentenir. Bann ki pa'n mars tro byen pou aranze. I la dan Polisi.

Me selman sa ki nou bezwen fer se *operationalize* sa Polisi. Kre bann striktir, kre bann *frameworks*, kree bann Lalwa pou nou kapab vwar son lenpak. Ki mwan personnelman mon krwar pou tre pozitiv. Mersi.

**MR SPEAKER**

Mersi *PS*. Onorab Labonte.

**HON ANDY LABONTE**

*Yes*, bonn apre midi, Mr Chair. Bonn apre midi Minis avek ou delegasyon. Annefe mon pou tre bref akoz kestyon in ganny demande plizumwen par Onorab Lemiel. Me selman petet Minis, parey ou'n dir poudir in plizumwen kontan lo Polisi, ki in annan en logmantasyon sorti 2.8milyon

pou vin 3.5milyon, ki nou vreman apresye. Me selman lo kote stratezi, menm mon'n tann PS Palmyre dir poudir zot in *involve stakeholders*. Me mon pe get lo kote lazenes li menm eski zot in *involve lazenes*, pou gete vreman ki lazenes ti a kontan vwar, ki petet parey ler nou pe gete poudir i annan sa sport le 29 Zen, ki konmela i fer le 18?

Ler sa bann manrmay i fini, ou a krwar poudir napa okenn lankadremman ki anmas sa bann manrmay. Petet dan Bidze i annan okenn landrwa ki zot in mete pou enplimant *sport* en pe plis dan, lo kote lekol ki kapab fer manrmay en pe pli enterese dan *sport* an zeneral? Mersi.

### **MR SPEAKER**

Mersi Onorab. Minis oubyen PS. Silvouple zis sinyal mwan, lev lanmen. Mersi PS.

### **PS FABIEN PALMYRE**

Mersi Mr Chair. Onorab ou keston mon krwar i byen pertinan. E zis pou elabor lo la pou konpran Polisi ki'n ekrir, ki ti aprouve 2020 i fer provizyon pou tou sa bann keksoz. Me selman Polisi parey mon krwar nou tou nou konnen i en dokiman li, apre nou bezwen enplimant li. E parey mon

krwar i annan sa *saying* ki dir '*the devil is in the details*' la kot NSC apre pa bliye nou bann *partner*.

Sirtou ler ou'n non atletik par egzantp le 29 Zen, enn nou partner kle i Minister Ledikasyon. Alors se sa ki Minis pe dir ki departman prezan la, nou pou ale pou nou al travay avek par egzantp dan sa ka PE avek Minister Ledikasyon pou dir 'regarde, nou pou bezwen travay ansanm.' Akoz si en manrmay par egzantp i tay anba 15an, i *still* ankor pe lekol, apre ler i mont lo lot kategori. I pou bezwen annan sa partenarya kot Minister Ledikasyon avek NSC nou travay pros ansanm. E pa bliye i annan bann lasosyasyon.

En pti keksoz ki bann dimoun i ankor ganny difikilte konpran, se *sport*. Gouvernman i la pou siport *sport*. Me nou pa kapab tro antre ladan, i bann lasosyasyon. Mon krwar la ki en lot travay ki annan pou fer, se pou *strengthen* bann lasosyasyon, devlop zot kapasite pou fer sa devlopman. Mersi Mr Chair.

### **MR SPEAKER**

Mersi. Wi silvouple, ale.

**HON ANDY LABONTE**

En pti leklersisman direk. Kwa ki pe fer mwan demann sa *PS*, akoz lo ou manda i spesifye, *ok*. *I dir 'the Youth and Sport Departman is mandated to empower our youth, to participate actively in the realization of their aspiration and in international development and to promote sport, leisure and recreational culture for health improvement in the wellbeing of our people.'*

So, i direk. Se sa ki nou pe dir. Vi ki *sport* i zot manda, so i osi zot responsabilite pou fer sir ki zot met presyon lo lezot Departman Minister pou fer sir ki zenn i vremen *involve* dan *sport*. Ki zot fer sa vin koman zot kiltir si oule. Mersi.

**MR SPEAKER**

Mersi. *PS* oule adrese.

**PS FABIEN PALMYRE**

Wi, mon krwar si ou pou'n ekout byen ki Minis in dir, se zisteman - Ou konnen plan i la li, ki manner ou enplimant li efektifman. Alors se sa ki Minis pe dir ki nou pou al travay en pe plis nasyonalmann. Vedir avek mon bann *partner* e osi mon krwar nou pou bezwen. Regard sa, si par egzannp nou vwar dan Minister, enn nou *partner* Minister, i annan en

defayans ki pe anpe keksoz arive, sa i pa nou sa. Me selman ou pou konpran pou dir kekfwa ni mwan, ni Minis nou napa pouvwar lo sa Minister. Alors i pou vin dyalog, kominikasyon, travay ansanm, pou sa Minister konpran poudir i bezwen fer sa bout.

Lazenes i en keksoz ki mon krwar nou abitye dir, *cross-cutting*. Nou menm nou, nou Minister an partisipasyon, korperasyon e komitman tou bann *partner* ki enkli bann *MDAs*, bann lezot lasosyasyon, nou pa pou kapab fer li.

Me selman mon krwar dapre manda sa ki nou pe dir se ki dan nou manda nou ki *oversee*. E la mon krwar sa bout enportan ki nou *monitor*, ki nou evalye. Ler nou *monitor*, nou evalye ki ou fer avek sa ki ou anmas sa lenformasyon.

E la ankor kot mon byen kontan ler mon'n koz avek Minis, in motiv mwan, ki'n dir sa bann keksoz ki'n nou'n vwar la, fodre nou arete koze, fodre nou ale nou fer keksoz avek. Mersi.

**MR SPEAKER**

Mersi. Minis.

**MINISTER MARIE-CELINE ZIALOR**

Mersi Mr Chair. Zis pou petet fer en pti pe pli kler pou Lasanble, par donn en legzanp. Legzanp i ede. *PS Palmyre* pou zwenn avek *Economic Planning* dan Minis Finans, akoz plan ekonomik pei pou sa prosen 5an, nou anvi konnen ki lazenes, ki rol i pou zwe, ki son epanouisman. Fer krwar par egzantp nou deside poudir *sports tourism* pou enn parmi bann sekter lekonomi ki pe vini.

Nou, nou pou bezwen konnen dan departman pou nou kapab fer bann Polisi, regarde ki mannyer pou annan bann stratezi pou kapab ede ki prezan sa lazenes i kapab annan en partisipasyon apre. Lazenes i bann fitir *leaders* dan pei, zot bann fitir enplimantater dan pei, e nou bezwen annan sa bann lenformasyon, travay ansanm fer keksoz dan en fason stratezik lo kote departman. Mersi Mr Chair.

### **MR SPEAKER**

Mersi Minis. Onorab Uranie.

### **HON ROCKY URANIE**

Mersi Mr Chair. *Welcome panel*. Minis mon vwar ki i annan en gran koupir dan *basic pay*. Eski i annan okenn dimoun ki'n bezwen perdi zot travay? Si wi, konbyen e apre osi mon pe get '*office ren't* in

desann par 900mil ki en rediksyon bokou plis ki 25 pousan ki Prezidan ti dir. Annefe i 39.3pousan.

Eski annan okenn *building* ki zot in aret *rent*? Si wi, lekel sa bann *building*? Mersi.

### **MR SPEAKER**

Mersi Onorab. Minis

### **MINISTER MARIE-CELINE ZIALOR**

Mersi, Mr Chair. Mersi Onorab pou ou kestyon. Mon ti ava demann Ms Nibourette ki *Senior HR Officer* pou pran sa bout lo kote '*office rent*' apre lo kote rediksyon dan sa Bidze pou saler. Apre si i annan okenn keksoz mon ava azoute. Mersi Mr Chair.

### **MR SPEAKER**

Ms Nibourette.

### **SENIOR HR OFFICER GYRA NIBOURETTE**

Mersi, Mr Chair. Mersi Onorab pou ou kestyon. Kot *Youth and Sports Department* napa okenn dimoun ki pe perdi lanplwa. Si ou pe vwar i annan rediksyon dan saler i zis aproposyonman larzan ki mannyer ti mete. Letan nou ti'n fini ganny Bidze nou'n re aziste li, e la letan ou



pou trouve tou kot i ete i sipoze dapre zot *code*.

*Regarding rent. Rent* nou'n al negosye. Nou pe negosye *regarding* sa 25 poursan rediksyon. Apre anler kot *Ocean Gate House Annex* nou ti annan sa bout ki par lao nou *main* ladministrasyon ki nou ti pe pey sa *rent* la pou nou Minister ki ti la avan. Be vi ki *Local Government in take over*, sanmenm sa ki ou pou vwar sa rediksyon dan sa *rent* dan nou Bidze. Mersi.

**MR SPEAKER**

Wi Onorab Uranie.

**HON ROCKY URANIE**

En pti leklersisman Mr Chairman. Ms Nibourette in dir zot pe negosye pou zot ganny 25 poursan rediksyon prezan, oubyen ti'n deza ...? Akoz ler mon gete, in deza plis ki 25 poursan rediksyon dan *rent* la. I 39.3 poursan.

**MR SPEAKER**

Ms Nibourette.

**SENIOR HR OFFICER GYRA NIBOURETTE**

Onorab parey mon'n dir, plis sa koupir i sa bout *building* ki ti par lao ki tou dimoun ti asosye li avek *Local Government*. Kot Sekretarya Minister *Local*

*Government* ti ete lontan. *Youth and Sports Department* son Minister avan i ti la anler.

Letan Minis Larue ti la, Minis Alexander ti la. Prezan zot in ale, pandan sa bann letan nou ti annan zofisye la anler. Be *Local Government* in bezwen sa lespas, nou'n donn zot. Sanmenm sa ou pou vwar en gran rediksyon ladan.

**MR SPEAKER**

Mersi. Onorab Michel Roucou.

**HON MICHEL ROUCOU**

Mersi Mr Chair. Bonn apre midi Minis, *PS* avek ou koleg. Minis dir nou se ki mon vwar anba zot *strategic* zot in met en *review the NSC Act*. Ou kapab eksplik nou en pti pe lo la silvouple. Mersi.

**MR SPEAKER**

Mersi. Minis.

**MINISTER MARIE-CELINE ZIALOR**

Mersi, Mr Chair. Mon a demann *PS* Palmyre pou eksplik en pti pe lo la.

**MR SPEAKER**

*PS*.

**PS FABIEN PALMYRE**

Mersi Mr Chair. *Minister*. Onorab i zis in ariv son ler akoz

parey pandan sa letan ki mwan mon'n *PS* nou'n *revise* 2 Polisi e nou'n osi fini konplet *revision SNYC Act*, ki son *Bill* byento i ava vin pase la.

E prezan in ariv ler pou *NSC Act*. Akoz *NSC Act* i annefe en vye *Act*, in ler konmsi pou anmenn li azour. Parey ou pou vwar i an bann devlopman ki arive, ki nou bezwen fer sir nou protez nou bann atlet. Nou bezwen protez nou bann madanm ki atlet. Bann *compliance*.

Parey ou pou vwar, parey mon'n dir Gouvernman pa antre dan loperasyon *sport*. Me selman byensir nou pou bezwen annan serten *guideline* pou. Mon a donn en senp legzanp. Fer parey la ler nou nonm nou tim, en Tim Nasyonal. Nou bezwen fer sir mannyer nou apel li. Pou ki demen i pa vin en keksoz ki nou anbarase.

Oubyen ler nou anvoy en lekip pou reprezant pei i pa pou kapab ganny en defet 50-0. *Ok?* Nou pou bezwen fer sir ki avan nou annan en tim nasyonal ki ale, sa lasosyasyon ki annefe li ki mannyer sa tim. I bezwen fer sir par egzanp ki i pe ankadre byen bann zwer. I pe fer sir ki ler sa tim i ale, i reprezant nou pei a nou maksimonm kapasite. Mersi.

### **MR SPEAKER**

Mersi. Onorab Cosgrow.

### **HON WALLACE COSGROW**

Mersi Mr Chair. Bonn apre midi panel. Kestyon pou Minis. Minis nou konnen sa nouvo *Youth and Sport Policy* in ganny travay lo la diran, mon pe mazine 2020 e 2020 ti en administrasyon ansyen. Eski ou koman nouvo Minis dan nouvo ladministrasyon e petet nouvo *Cabinet*, zot in annan nouvo gran laliny Polisi ki zot in fer antre dan sa dokiman? Ouswa sa dokiman i reste *as is* parey ti ganny devlope pandan bann letan ansyen ladministrasyon? Si wi, dir nou ki bann gran laliny ki zot in mete.

Apré ki mannyer zot anvizaze *monitor* lenplimantasyon sa Polisi? Petet *PS* Palmye i kapab dir nou. Apré dernyen i annan en *Sports Trust Fund* ki ti ganny etabli. Eski sa *Trust Fund* in asiste okenn lekip, dimoun? Si wi, eski i pou kontinyen sa *Trust Fund*. Akoz nou konnen poudir par egzanp la *SCR*, *well* prosedir pou napa. So, eski sa *Trust Fund* pou asiste bann tim ouswa bann lezot endividyel? Mersi.

### **MR SPEAKER**

Mersi. Minis.

**MINISTER MARIE-CELINE ZIALOR**

Mersi Mr, Chair. Mersi Onorab pou ou 3 kestyon. Premye kestyon mon ava pran. Lo kote bann sanzman. Nou pa'n sanz okenn naryen dan Polisi, ni *Sports* ni dan Polis Lazenes ki'n devlope. E sa Polisi, sirtou Polisi *Sport* i nouvo i fek ganny fer e letan nou'n regarde, Polisi i en keksoz ki vivan, ou bezwen travay avek, enplimante, regarde.

En kantite keksoz krwar mon parey *PS* Palmyre in dir dan lenplimantasyon. Nou annan bann zoli Polisi Sesel avek ladministrasyon depi avan. Bann zoli Polisi. E nou bezwen fer sir selman regard lenplimantasyon ki pou vin avek bann antite ki pou vin apre avek zot Bidze pou enplimante.

Nou pa'n sanze. Sel keksoz avek *PS* ki nou'n diskite se ki pou anmenn li lo en nivo pli Nasyonal. Pa kit sa Polisi lo nivo zis *SNYC* avek *NSC*. Anmenn li parey mon pe dir. Kot *Economic Planning*, kot partou kot Lasante. Kot tou bann larestan departman, akoz lazenes i partou. Lazenes i enpakte partou, i nou fitir. Zis

met li lo sa nivo Nasyonal an plis.

Mon pou demann *PS* pou pran sa bout kot ki mannyer nou pou *monitor* lenplimantasyon apre Ms Nibourette i a reponn part sa kestyon *Trust Fund* ki mannyer in ganny *disburse*. Mwan mon ava reponn sa lot bout si i pou kontinyen. Mersi.

**MR SPEAKER**

Mersi. *PS*.

**PS FABIEN PALMYRE**

Mersi Mr, Chair. Onorab lo kote *monitoring* lenplimantasyon Polisi, i ankor i lye ek sa ki nou'n dir, ki nou travay pros avek nou bann *partner*. Mon a donn ou en senp legzanp. Dizon par egzanz lasante. En keksoz ki nou'n vwar ler nou ti pe, pa ni bezwen fer resers. Mon krwar i vizib se nou bann zenn i annan sa problemn obesite. Alors nou bezwen travay etrwatman avek lasante ek Minister Ledikasyon. *Ok?*

E alors prezan nou pou bezwen koz ek zot akoz sak bann departman, bann Minister zot annan zot bann *monitoring officers*. Ki nou bezwen, se kordin sa bann lenformasyon, akoz i annan en kantite lenformasyon kekfw

selman nou pa pe zwenn ek kanmarad. Par egzanp la nou bezwen koz avek Minister Ledikasyon pou regarde, akoz zot fer bann *test* avek manmay sak fwa term i komanse, ki relye avek sa ki mon'n dir ou. Zot *fitness level*, zot obeseite, zot pwa, zot grander *and so on*.

Nou bezwen lyez avek Minister Lasante osi ki bann keksoz ki zot pe fer. Mon krwar nou tou nou konn *Nutrition Polisi*. Savedir prezan nou ler nou pe *monitor*, si nou vwar tel landrwa pa pe tro mars, i bezwen sanz taktik, i bezwen sanz stratezi, la kot i pou en enportan ki mon pe asize *PS Ledikasyon*, *PS Lasante* avek *PS konsernen*. Poudir regarde, kantmenm nou pe fer sa i pa pe marse. Nou bezwen asize, regarde ki lot solisyon, ki lot keksoz nou bezwen fer. *Ok*, sa i lo kote *monitoring* lenplimantasyon.

Lo kote sa de antite, mon krwar taler ler zot vini ou pou aprann kekfw serten nouvo keksoz kot zot pou fer plis *self-monitoring* pou zot *adjust* zot lekor. *Ok?* Mersi.

### **MR SPEAKER**

Ms Nibourette.

### **SENIOR HR OFFICER GYRA NIBOURETTE**

Mersi Mr Chair. Mersi Onorab. *Regarding Sports Trust Fund*. I ti ganny lanse Septanm lannen pase. E pandan sa letan nou ti fer nou legzersis parey sa lagreman i dir. Nou ti *advertise* kot nou ti ganny nou 40 group ki ti *apply*. Dan sa 40 group nou ti fer le neserer pou nou kapab fer *training* avek sa bann groupman, pou zot kapab ranpli zot form laplikasyon ladan 27 ti ganny aprouve, 9 ti ganny rezete e 4 ti annan pou fer avek foutbol. So, nou pe refer zot avek Federasyon Foutbol pou nou pa *duplicate*. Pran larzan ki nou ti kapab pe donn en lot landrwa pou nou kapab asiste zot.

An total, nou'n depans nou apepre R225mil. Malerezman pandan sa bann letan, sa bann landrwa letan zot in rod zot bann *invoice* pou zot ganny zot bann materyo. Letan *COVID* ti'n vreman for e en bon pe keksoz pa'n ganny sanz kapab antre dan pei. En bon pe keksoz nou pa'n kapab aste.

Nou pa ankor kapab *disburse* akoz sityasyon *COVID* menm kot nou bezwen fer, annan sa groupman ansanm. Me selman tou lekipman i la, tou bann groupman pou ganny zot lekipman dek ki Minister Lasante i dir i kapab *ok* pou nou zwenn ansanm.

Pou 2021 dan Bidze Gouvernman in donn nou ankor R400mil kot nou pou kapab ankor asiste sa bann group zenn pou *sport*. Mersi Onorab.

**MR SPEAKER**

Mersi Ms Niboorette. Onorab Samynadin.

**HON KELLY SAMYNADIN**

Mersi, Mr Chair. Bonn apre midi Minis avek ou delegasyon. Mon premye kestyon i baze lo lazenes. Vi ki pou nepli annan prezans *youth workers* dan distrik, mon ti a kontan konnen *once* ki tou keksoz i *go back to normal*, ki mannyer bann aktivite dan distrik pou ganny organize vi ki se zot ki ti responsab pou fer sa? Apre mon dezyenm kestyon lo sports. Minister larepons ou'n koz lo posibilite pou Sesel vin en destinasyon *sporting tourism*. Lekel ki pou responsab pou drafte en tel Polisi e pouse pou sa ganny materyalize silvouple? Mersi.

**MR SPEAKER**

Mersi Onorab. *Panel*, Minis wi.

**MINISTER MARIE-CELINE ZIALOR**

Mersi, Mr Chair. Mersi Onorab pou ou 2 kestyon. Premye

kestyon si ou pa *mind* avek permisyon Mr Chair nou ava pran li letan nou pran Konsey Nasyonal pou Lazenes. I en kestyon loperasyon.

Dezyenm, nou'n deza pe fer bann diskisyon pou kestyon *sports tourism* an kolaborasyon avek Departman *Foreign Affairs*, i pou an kolaborasyon sa. Mersi, Mr Chair.

**MR SPEAKER**

Wi, nou kontinyen. Mersi. Kot mon'n arive. Mon pou fer en pti lapliferans la pou 2 Manm ki mon krwar 2 fwa mon'n sot zot. Onorab Loze.

**MR SPEAKER**

Onorab Loze.

**HON JOHAN LOZE**

Mersi Mr Speaker. Bonn apre midi Minis avek ou delegasyon. Bonn apre midi tou dimoun a lekout. Minis mon krwar ou konnen kot mon pou vini. I pa ni pou konplike, ni long.

Minis *digital economy* fas avek zenn, kreasyon larises *through earning of hard currency*. En Polisi kot en zenn ouswa preferableman en santenn zenn i kapab asiz kot zot lakaz avek en *computer*. *Earn hard currency, become a business unto themselves*.



Anrisir zot lekor, zot fanmir e pei.

Ou'n deza mansyonn mwan an prive ki ou pe antre ladan avek *private sector partnership*. So, si ou annan larzan pou Polisi, si ou annan larzan pou lenplimantasyon dan ou Bidze *Minister*. E en pti pe lo la dan sa direksyon. Mersi Mr Speaker.

**MR SPEAKER**

Mersi Onorab. Minis.

**MINISTER MARIE-CELINE ZIALOR**

Mersi, Mr Chair. Mersi Onorab. Tre bon kestyon, mon kontan sa kestyon. Definitivman e sa i en kolaborasyon. I en travay kolaborasyon ant plis ki 5 diferan Minister ki'n deza komanse, pou nobou kapab fer sa e *PS Palmyre* byento i pou antre an konsiltasyon avek departman kot Finans, *Economic Planning*, pou kapab travay lo ki mannyer nou enplimant sa bann program. E anmezir ki nou ganny detay, anmezir ki nou travay lo la, nou ava kapab vin devan avek pou nou kapab eksplike e ankouraz nou bann zenn pou zot kapab. E mon konnen sa osi i en keksoz ki kot Departman Finans zot pe pous en kantite

pou nou kapab fer sa. Mersi, Mr Chair.

**MR SPEAKER**

Mersi Minis. Onorab Loizeau.

**HON NORBERT LOIZEAU**

Mersi Mr Speaker. Bonzour *panel*. Minis. Mr Speaker, mon anvi demann *panel*, vi ki lo kote *Sport* Polisi nou annan milyon dan lepase. Zanmen zot in deza kapab, mannyer mon kapab dir sa - arive enplimant okenn dan sa bann Polisi. Alors mon anvi demann Minis, vi ki ou dan nouvo Gouvernman la, konbyen letan ki zot pe mazine pou ki sa nouvo Polisi ki mon'n tann *PS* koz lo la - konbyen letan i pou pran zot pou zot enplimant sa Polisi?

E eski dan sa Polisi zot in osi revwar fason ki lo kote *High Level*. Mannyer *High Level* i antre ladan? Akoz i annan en pe dimoun *high level* pe ganny difikilte pou zot ariv lo sa zafer *High Level* pou zot kapab ganny en finansman.

Aprè Minis, mon anvi demande vi ki nou dan letan *COVID* la. Sa bann manrmay, sa bann zenn ki lo *High Level*. Si zot pou kontinyen ganny *taken care of* dan sa moman vi ki zot lo *High Level*, zot pou kontinyen ganny zot pti *allowance*. si ou kapab, si i dan

en lot *head* ou a dir mwan.  
Mersi.

**MR SPEAKER**

Mersi Onorab. Minis.

**MINISTER MARIE-CELINE ZIALOR**

Mersi, Mr Chair. Tre brefman. Tou le 3 kestyon i en kestyon lenplimantasyon ki mon ti ava swete Mr Chair, pran li letan NSC i prezant son Bidze aköz tousala i lo lenplimantasyon sa Polisi, lenplimantasyon *High Level*.

Selman vitman mon kapab dir Mr Chair, *High Level* i kontinyen. Sa bann dimoun pou ganny peye definitivman. Ti'n ariv en *issue* aköz ou konnen Zanvyé. Letan mwan Zanvyé sirtou mwan Zanvyé i annan sa pti retar avek Gouvernman aköz ler ki kont i ouver. Me selman i kontinyen. Mersi.

**MR SPEAKER**

Mersi. Onorab Bistoquet.

**HON ROSIE BISTOQUET**

Mersi, Mr Speaker. Bonn apre midi Minis avek ou delegasyon. Annefe Minis laplipar bann madanm i byen kontan nou'n ganny en Minis madanm dan sa nouvo Gouvernman. Vi ki Lendi i nou lafet e bann zenn osi

zot tre apresye. Mon kestyon letan mon regard ou *pre-program 2*, 'anba *policy development and monitoring and evaluation support*.' Mon vwar ou'n ganny 3.5milyon. Mwan dan mon lespri mon pe *wonder* si ou krwar sa i ase avek sa nouvo vizyon ki ou pe anmennen dan departman?

E aköz mon pe dir sa. Se aköz mon pe regarde dan enn ou *challenges*, mon krwar i annan preski *very little* dan sa, anba ou *challenge*. Me selman zis sa fraz li menm li i en gro fraz.

Ou annan *issues* dan 'monitoring and overseeing effective implementation of the Policy.' *The department itself*. E mon konnen poudir zot annan en Polisi. *En National Youth Policy* ki ti devlope an 2018, 2023. Letan mon pe regard sa i annan *very beautiful core values, beautiful strategic priorities*. Me selman mon pa vwar - mon pa konnen si zot ti'n deza devlop en *strategic framework*. *Either sort term or long term*.

Si zot in deza annan en *MNE plan* ki pou zot kapab *monitor* sa bann aktivite? Me selman pour lemoman sa ki mon ti a kontan konnen, avek konbyen Polisi ankor ki mon krwar in fini demande? Ki bann

defi, *at least* de defi spesifik dan enplimantasyon sa Polisi, dan kordinasyon, dan administrasyon, dan resours imen, sirtou dan *management*? Mersi bokou.

**MR SPEAKER**

Mersi Onorab. Minis.

**MINISTER MARIE-CELINE ZIALOR**

Mersi, Mr Chair, mersi Onorab pou ou kestyon. Lo bann defi, apre konsernan Bidze avek bann defi, ki kalite defi en pti pe plis mon a les PS Palmyre reponn. Tan ki mon annan laparol mon a pran sa bout lo kote *framework*.

Ankor mon krwar sa i en kestyon pou SNYC letan zot vini pou nou kapab koz lo zot stratezi. Zot vizyon, *framework* pou kapab. Sa bann zoli parol pou fer li dan aksyon. Mersi Onorab, mon a demann PS Palmyre pou pran sa premye kestyon silvouple.

**MR SPEAKER**

Yes PS.

**PS FABIEN PALMYRE**

Mersi, Mr Chair. Mersi Minis. Onorab departman annefe son louvraz se annefe fer sa bann zoli plan. Zoli parol. Pou fer sa bann zoli plan, zoli parol vin

aksyon sa i sa bann antite. Sanmenm ki Minis nek pe dir taler i a reponn, taler i a reponn ler bann CEO i vini.

Apre lot louvraz departman selman se pou, *monitor* ki sa bann antite pe fer parey Minis in dir, nou anvi gete prezan ki nou bann *partner* pe fer. Ki bann Minister, departman, lezot partner pe fer. Ok? Prezan nou bezwen konpran sa bann *challenges* dan konteks. Nou'n ekrir sa *challenge* dan konteks Bidze. Ler nou ekrir sa dokiman la i demann nou ki keksoz nou'n fer. Be sa i bezwen relye avek Bidze ki nou'n gannyen.

Sa *challenge*, senpleman letan nou'n dir pou *monitor* la, par egzanp nou ti annan en problenm transpor, nou ti annan zis en loto e prezan ler pou al *monitor* par egzanp si detrwa sa, nou'n gannyen nou loto. Ok?

Ler nou ti ekri sa bann keksoz, pa ti annakor ganny loto selman mon byen kontan pou dir ler nou'n al bann *meeting*, nou'n ganny enformen poudir nou pe ganny en transpor. Lot rezon akoz nou ekrir sa *challenge* se parey mon ti eksplike en pe pli boner, ou bezwen syantifik dan ou lapros. Anmas lenformasyon ki vedir ou fer *survey*, kestyonner ou

*interview* dimoun. Savedir ou bezwen *human resource for that*.

Savedir nou'n koze ek Minis, ki pou enplimant vizyon parey pe dir, nou pou bezwen kekfwa *require* ankor enn or de dimoun. Akoz nou pou bezwen apre analiz sa bann lenformasyon, *process* zot. Vin avek bann rekomandasyon ki pou fer en lenpak. Savedir ler nou'n ekrir sa *challenge* la, pou fer li senp, ti nou anvi en transpor. Nou anvi enn ou de dimoun pou fer sa travay. Apre ler nou ganny sa bann keksoz nou pas avek nou bann antite pou zot enplimante. Mersi.

**MR SPEAKER**

Mersi PS. Onorab Vidot.

**HON AUDREY VIDOT**

Mersi Mr Chairman. Mr Chairman. Minis ek PS in fer resorti byen kler dan zot bann repons ki nouvo ladministrasyon pe servi bann zoli Polis Gouvernman kales kase. Alors eski sa Bidze zot in fer provizyon pou servi tou bann sours medya pou donn plis lenformasyon lo bann zenn; ki nouvo program ladministrasyon la ki nouvo, pou anmenn pou kapab edik nou bann zenn. Ki zot plan?

Byensir zot ava donn plis detay zot bann lezot plan avek

SNYC. Me *at least* omwen donn en gran lir, en ledikasyon ki zot bann program ki zot annan, anvizaze fer ki byensir pou tou tou nou bann 26 distrik baze lo zot bezwen ki nou bann zenn ava benefisyé, espesyalman dan sa moman difisil ki nou dan letan COVID? Mersi.

**MR SPEAKER**

Mersi Onorab. Minis.

**MINISTER MARIE-CELINE ZIALOR**

Mersi, Mr Chair. Mersi Onorab pou ou kestyon. Definitivman nou annan en plan kominikasyon. Annefe dan restriktirasyon avek Sekretarya Minis nou ape met en seksyon zis pou kominikasyon. Nou rekonnèt sa i en defi lo kote kominikasyon. E nou, nou pe fer aranz anndan avan ler nou ale nou al dir. Akoz annan osi nou bezwen regard en pti git protokol. Re organiz kominikasyon, re organiz striktir.

E anmezir nou pe komanse la avek bann program medya i annan en *communication plan* ki pe definir ki anmezir nou'n pare avek bann keksoz ki nou asire, nou garanti, nou komans fer.

Me selman i annan osi bann lezot kominikasyon

enformel, ki vremen enportan li osi, ki pe arive, ki nou apel *behind the scenes*. Ki pa tou keksoz ki ou bezwen annan de ler devan medya. Kot nou pe angaze en kantite avek - Sirtou akoz nou pe fer, nou stratezi. Fer sa ki nou apel *participatory management*. Fer ki Lepep Seselwa i partisip dan bann diferan konponan ki pou fer avek lazenes avek *sports*. Bann antite prive. Nou pe ganny en kantite *meeting* avek bann antite prive, ki'n pare pou vin devan pou donn en koudmen. Pou nou kapab enplimant sa bann Polisi. Mersi Mr Chair.

### **MR SPEAKER**

Mersi. Onorab Monthy

### **HON PHILIP MONTHY**

Mersi Mr Chair. Bonn apre midi Minis avek ou delegasyon. Premye kestyon Minis, anba ou '*major achievements*' pou 2019-2020 mon vwar zot in '*provide support to 27 projects in 2020 using funds from the Sports Trust Funds.*'

Zis donn nou en pti bref leksplikasyon kwa sa bann proze zis pou mwan ganny en nide kwa, e apre mon dezyenm kestyon, pli boner *PS* in koz lo diskisyon aktiv ki annan ant zot avek bann lezot *PS*, *ok?* Mon kestyon se ki mon pa konnen si

i form par dan zot Polisi osi pou *sport* pou bann zenn. Sak distrik i annan son spesifisite ki kapab promot serten *sports*, serten aktivite lwazir pou zenn, *ok*. Legzanp parey mon kont distrik Cascade nou en distrik, kantmenm zot fer riye zot dir en distrik ki annan labou, isi laba. Nou en distrik ki kontan delo sale.

*Ok*, nou'n prodwi en bon pe nazer. Manrmay i kontan delo sale e i annan serten bout later ki ideal pou ou etabli serten *sport* notik, lanmer. *Ok*. Ki nou vwar, nou vwar sa bann bout i ganny pran par bann biznes. Napa naryen pou zenn. *Ok?* I annan bann zoli bout later ki nou ti kapab devlop bann water sports centre. Entrodwi zenn avek *wind surfing* e i annan en konpetisyon anyel *sailing*, Cascade *slipway* ki ganny organize, la dan en sa bann zanmirant.

Donk, dan zot bann Polisi, eski zot pe prevwar ler zot diskrit parey avek Minister Later, pou ki bann fasilite, bann bout later ki ideal pou devlop serten aktivite pou zenn, i ganny met a laporte zenn. Nou pa mazin zis biznes, zis en kote. Me ki zenn osi. Akoz zenn i ganny inyore, napa naryen pou zot. Mersi Minis.



**MR SPEAKER**

Mersi Onorab. Minis.

**MINISTER MARIE-CELINE ZIALOR**

Mersi, Mr Chair. Mersi Onorab pou ou kestasyon. Mon a pran sa enn dezyenm apre PS i aprann sa kestasyon proze, donn detay. Definitivman mon mazine dan Polisi akse ek en lenfrastriktir sportif i enportan. Sa selman son lenplimantasyon lenfrastriktir NSC, in travay lo en plan stratezik ki letan zot ava vini avek zot Bidze, zot ava kapab petet si ou anvi plis detay. Pou donn plis detay, regarde lo la bann diferan distrik. Pou desantralize i annan en plan desantralizasyon, i annan en *master plan* ki mwan mon personnelman mon'n asize avek sa tim kot NCS pou nou kapab travay lo la dan sa bann letan ki nou en pe travay.

Me mon a demann Mr Chair, PS pou pran sa kestasyon lo proze. Mersi.

**MR SPEAKER**

PS.

**PS FABIEN PALMYRE**

*Thank you*, Mr Chair. Nou ti ganny. Parey nou'n ganny dir, nou ti ganny nou 40 group ki ti

fer aplikasyon pou sa fon e nou ti *approve* 27. E nou ti fer sa an servan bann kriter ki ti'n ganny ekrire. Par egzantp nou pe dir si ou atase avek en klib ki deza lasosyasyon pe ganny asiste avek NSC ou pa gannyen. Nou ti oule bann manrmay dan kominote gannyen

E osi nou ti anvi en pe *inclusive*. Nou ti regard byen bann dimoun ki travay avek dizon bann atlet en be dezabilite, bann keksoz koumsa. E parey taler Ms Gyra in dir. I zis domaz ki *by the time* laplikasyon in vini, nou'n *process*, nou'n *approve*, nou'n komans sey aste sa bann keksoz, ki avek problenm COVID, lekonomi sa bann keksoz in al vitman. Ler nou ti'n ganny laprouvasyon ek finans pou aste, sa keksoz in fini.

Akoz ki nou fer, nou ti'n met en kontrol osi. Nou pa ti oule donn larzan sa bann dimoun, nou ti fer zot al rod zot *proforma invoice*, anmenn kot nou epi zis nou kontakte sa laboutik, nou fer finans peye. Akoz pou anpes sa bann problenm dan lepase. E alors tou sa ki zot in demann nou, *volleyball, handball, basketball*, menm bann *keep fit*.

Mon konnen par egzantp zot ti demann nou *tape*,

televizyon pou zot kapab fer bann laklas. Alors sa ki nou'n vwar i rezonnab e nou'n kapab lyez avek ki manner nou pou fer aktivite, nou'n aprouv e parey mon a repet mon pou remersi Federasyon Foutbol akoz mon ti koz avek son *Chair*. Mon ti dir li 'regarde, mon konnen zot annan bann lekipman foutbol, mon pa vwar i fer en sans pou mwan al aste sa bann keksoz kan zot federasyon zot annan. E ek gran ker i ti dir mwan wi zot ava ede.'

Alors, tou sa *sports* Onorab ki ou kapab mazine ki nou pratike, ase popiler pe ganny asiste. E mon pe *look forward* ki parey Ms Gyra in dir, kan i pare pou nou fer en pti seremoni pou partaz sa bann lekipman. Mersi.

### **MR SPEAKER**

Mersi. Onorab Aglae.

### **HON EGBERT AGLAE**

Mersi, Mr Chair. Bonn apre midi Minis, *PS* ek ou delegasyon. Minis mon ti a kontan petet ou sitye mwan. Vi ki ou departman i plizoumwen pe oryant li ver Polisi. *Ok?* An vi sityasyon ekonomik la, petet ki bann sinerzi travay avek bann lezot departman pou ou kapab petet *disseminate* sa ki

dan ou Polisi i dir an menm tan mon krwar i enportan ki bann resours bann lezot departman i *join forces* pou kapab enplimant sa ki sa Polisi ti a kapab fer e swete fer.

E dezyenmman, ou'n koz. *PS* ou'n nonm mon krwar i annan en nouvo Polis i ki pe fini finalize. Mon ti a kontan petet demann ou ki konsiltasyon ki'n ganny fer dan bann faz, an vi ki sirtou avek bann zenn pou ki an vi ki la nou dan *COVID*. Mon pa konnen *how things are*, ki manner zot pe sey konsilte, *reach out*, ganny zot nide. Petet mon ti a kontan en pe konnen ki zot pe fer dan sa laliny. Mersi.

### **MR SPEAKER**

Mersi Onorab. *PS*.

### **PS FABIEN PALMYRE**

Mersi, Mr Chair. Pou premye kestyon, anefe Onorab ou pe mazin dan bon laliny, ki nou'n deza anefe kree. Selman la Minis i dir mwan i pou donn bokou lapir. Mon'n dir pli boner;- par egzanp nou annan sa ki nou apel en *Policy Forum* kot nou zwenn ek bann *PS*. Me selman ou konnen bann *PS* i *busy*, enn ler zot annan lezot priyorite *and so on*. So enn ler ou kapab annan bann *forum* ki pa *well attended*. Me selman ler

mon eksplik Minis i dir mwan i pou fer sir ki nou *forum* i mars byen e dimoun i vwar lenportans pou atenn sa *forum*. Nou tret li avek en o priyorite.

E la savedir ler ou pe koz sinerzi, i pou fasil pou nou konnen, pou nou pa *duplicate*. Si letan ledikasyon pe fer en keksoz, me ket fwa nou, nou konnen i pe fer, en lot lazans. Akoz i pou annan detrwa nou la pa pou fer. Nou'n osi kree en *Technical Committee*. Ou konnen bann *PS* i bann dimoun *busy*, ler zot fini *meeting* pou sa keksoz mars byen fodre zot ale zot zwenn ek zot *technical people* e zot donn *feedback*. Me nou'n vwar ki parler kekfw sa pa arive. Alors nou, nou'n pran linisyativ nou pe al kree en *Technical Committee* kot i annan bann *Policy Analyst*.

Ou konnen sa departman i annan sa ki nou apel bann *Policy Analyst*. Savedir zot pou zwenn e ki pou arive dan sa *Technical Committee* la, se ki nou pou konnen ki sak departman pe mete dan son *strategic plan*, ki i pe mete dan son *Policy*. Akoz pe egzant pou lasante, pou zenn benefisyer fodre dan Polisi Lasante i annan keksoz ki zot spesifikman zenn pou lantreprenarya. Fodre spesifikman. Ou konpran

mwan? *Agriculture and so on*. Alors sa.

Epi nou zwenn regilyerman. Nou fer li *quarterly* e si i neser nou fer li tou le 2 mwan. La ler nou pou zwenn nou pou ganny *feedback*, be ki pe arive nou ti dir pou annan tel plan *and so on*. Alors sa ki mon krwar i kalite striktir nou'n mete pou fer sa sinerzi ki ou pe koz lo la.

Lo kote Polisi, konsiltasyon. Sa mon krwar nou'n fer tre byen. Selman byensir mon kekfw mon en pe *bias* akoz mon travay laba. Me mon kapab dir ou ler nou ti pe *review Youth Policy* nou al Praslin, La Digue, Mahe. Nou'n al dan bann *ghetto*. Nou'n anvoy kestyonner dan tou sa lekol, pos-segonder. Nou'n anvoy dan bann landrwa travay epi nou'n konsilte avek tou bann *partner* ki annan pou fer ek laznes.

So, i annan en lalis. Mon krwar i annan zot ki annan kopi Polisi. Ou pou vwar deryer nou'n rekonnet. Alors nou'n fer en bon konsiltasyon. Nou'n ganny bokou *findings*. Lenportans Onorab la se sa bann keksoz ki nou'n vwar pou ki si nou kapab fer en bon poursantaz sa bann keksoz vin realite. La kot vreman nou pou vwar sa lenpak. Mersi.

**MR SPEAKER**

Mersi. Onorab Woodcock.

**HON WAVEL WOODCOCK**

Mersi, Mr Speaker. Koman *Chairman Media, Youth and Culture Committee*, mon'n fer li mon devwar pou etidye sa *National Youth Policy 2018-2022*. I parey plizyer Manm ki'n dir ki menm Minis in admet. Dan le pase in toultan annan bann zoli Polisi dan plizyer Minister. Me selman problemn i n toultan, se sa enplimantasyon ki'n plito en kales kase.

E ler mwan mon'n get sa Polisi i annan sa 12 *strategic priority areas for action* e sa 12 *priority areas*, mon pa pe al tous lo tou. Me selman i annan 3 ase serye. I annan 3 ki mon pou met en pe lanfaz lo la akoz mon'n realize poudir lo kote son lenplimantasyon in toultan annan bann defayans dan le pase. I annan sa Polisi kot i konsern menm en *housing*. Ok? Kot i konsern alokasyon later ouswa akomodasyon avek bann zenn.

Me selman ler ou gete ou pa vwar zil pros pe benefisye. Kot nou pe koz konsernan bann *condominiums*. *Condominiums* zanmen in ganny fer lo Praslin ouswa La Digue. E bann zenn,

bann *return graduates* zanmen in benefisye avek en *condominium* sa bann ki reste lo zil.

Kot i konsern '*youth engagement and empowerment*.' '*Youth engagement and empowerment* 'nou'n toultan vwar le pase problemn defayans, i annan en mankman *youth worker*, manm finansman, resours pou enplimant bann program pou angaz bann zenn pou *empower, train e* kit bann zenn o nivo distrik.

Kot i konsern '*economic partisipasyon, entrepreneurship e innovation*.' Nou annan bokou bann zenn antreprenner ozordi, parey la mon fek pe koz avek en group zenn Maverick. Bann *programmers* ki zot pe sey angaz avek Minister Ledikasyon, zot annan bann plan inovativ zot. Zot annan bann nide. Me selman zot pa ganny loportinite.

Zot annan *Wonderwise* ki fek zenn avek IAC pa bokou letan pase, me Gouvernman presedan pa'n donn loportinite sa bann zenn pou evolue. I annan. Nou'n toultan annan bann dimoun avek bann lespri akey ki zot pa pe akey bann inovasyon ki bann zenn i annan ozordi.

Alors sa Gouvernman ki la, ki zot pou fer? Mon konnen Polisi. Zot, zot fer Polisi. Me selman departman ki enplimant sa bann Polisi. Me ki zot pou fer pou angaz sa bann departman pou fer sir ki sa bann zenn i ganny loportinite ki zot merit gannyen? Mersi bokou.

**MR SPEAKER**

Mersi. Minis kestyon i long, selman kekfwa ou repons i kapab en pe kourt.

**MINISTER MARIE-CELINE ZIALOR**

Mersi, Mr Chair. Mersi Onorab pou kestyon. I pasyonnen. I pasyonnen par sa ki i pe dir. Mon'n idantifye 3 kestyon. Lo kote lakaz avek sa Polisi sa premye ki ou'n idantifye lo kote pou bann zil.

**MR SPEAKER**

Onorab Pillay, silvouple. Mersi.

**MINISTER MARIE-CELINE ZIALOR**

Lo sa kote sanmenm sa ki bann restriktirasyon reform ki ou vwar PS Palmye i pe demann mon sipor e mon pou fer sir ki tou sipor, sipor li e pou nou al kot sa bann larestan antite. Nou deza an kolaborasyon pe fer tre byen avek Departman

Lakaz avek lenfrastruktir lo enn de bann problem, ki deza annan, ki i pe rezourd. Savedir nou pe bouz dan en direksyon. Nou pa ankor ariv kot bann zil lo sa kote pou zwenn. Me selman i pou annan bann travay ki pou ganny fer, ki nou ava apre enform Lasanble, enform bann dimoun.

Lo kote *youth engagement empowerment*, letan nou'n fer ban pti analiz, rode aköz sa pa'n marse se aköz sa bann dimoun ki pe *empower* zot menm zot bezwen *empower*. E lafason ki mannyer nou ti pe fer sa, ou konnen i bann model tradisyonnèl. Nou bezwen vin avek modern, avek bann resers, bann lenformasyon enportan. Vwala aköz restriktirasyon sa i pou tonm kot Konsey Nasyonal pou Lazenès ki pe vini e zot a kapab donn plis detay lo la.

Lo kote partisipasyon ekonomik. Dakor, toutafe. I deza annan en keksoz ki nou pe fer dan sa *area* ansanm avek Minister Devika Vidot pou nou kapab fer sir ki sa, lo kote sa Polisi. E i annan lezot osi ki ou pa'n mansyonnen osi ki tousala. Vwala aköz ki ou vwar ki departman, letan mon'n mansyonnen dan mon lentrodiksyon, son rol i pa pou zis regarde, *monitor SNYC* avek *NSC*. I pa pou kapab fer sa. I



pa ou kapab regard lenplimantasyon Polisi ki ou pe koz lo la Onorab, si i bezwen pe tay deryer sa de antite. I pa pou fer sa li. Prezan i pou al tay deryer sa bann larestan departman. I pou regarde ki mannyer tou sa bann keksoz ki ou'n mansyonnen - i en diferan fason fer ki nouvo Gouvernman pe anmennen. Mersi bokou.

**MR SPEAKER**

Mersi. Onorab Pillay, mon a pran ou kestyon aprezan.

**HON SEBASTIEN PILLAY**

Mersi, Mr Chairman. Mr Chairman, mwan mon annan en kestyon ase *straightforward* pou Minis. Mon konnen SNYC pe vini apre, so nou a kapab pran sa lot size anba SNYC. Mon kestyon pou ou, spesifikman an relasyon avek governans se Polisi. Nou okouran ki rezistrar lasosyasyon in fre serten *issues* vizavi bann lasosyasyon sportive par lepase e sa in kre en bon pe problem pou serten lasosyasyon.

Eski ou departman pe travay lo en Polisi. Pa lo en Polisi me lo en sistenm sipor pou bann lasosyasyon. Mon konnen NSC i *involve* ladan. Be kote Polisi lo ou kote. Eski ou annan posibilite anba Bidze

pou annan dimoun oubyen eksper legal, ki ava ede klarifye sa brouyar ki egziste otour bann lasosyasyon ki ti anpese lannen pase pou bann lasosyasyon kapab ganny serten sipor avek Lotorite Distrik? Mersi, Mr Chairman.

**MR SPEAKER**

Mersi Onorab. Wi Minis.

**MINISTER MARIE-CELINE ZIALOR**

Mersi bokou, Mr Chair. Mersi bokou Onorab pou ou kestyon. Definitivman. Sa i enn bann priyorite aköz pou Polisi *Sport* marse nou bezwen met an plas bann platform. Mon konnen PS manke i anvi azout keksoz apre lo la aköz i en keksoz ki diskisyon ki nou'n gannyen longman konsernan dan sa. E i zis parey letan mon ti pe reponn Onorab Woodcock. I kapasite, i devlopman kapasite.

Annandler nou pa kapab blanm sa bann dimoun. Zot pe fer dapre ki mannyer zot konn fer. Ou vwar? E nou, nou bezwen profesyonnalizm *sports*. profesyonnalizm lazenes. E sa i pou Polisi sorti kot departman, ki pou fer sir ki nou pe fer keksoz dan en fason. Pa aköz i *sport*, i lazenes. Dan lepase mon ganny lenpresyon. Mon'n mansyon sa de fwa dan

Lasanble poudir i pa ti ganny pran serye. Nou bezwen pran sa serye e regarde nou, re kalibre nou avek bann norm enternasyonal, ki departman nou pa'n mansyonn sa bout apart son rol kolabore lo kote Nasyonal. I bezwen osi regard lo kote enternasyonal ki mannyer i *at par* avek son *counterpart* aletranze.

E lo kote Rezistrar sa nou pe komans. Nou'n kategoriz. Letan NSC i vini i pou eksplik sa en pti pe pli byen. Kategoriz bann diferan *sports* e nou pe komans pran bann ki *level 1*, bann ki nou konnen i anmenn en kantite rezilta pou Sesel. E nou pe regularize, nou pe fer sir ki bann fonksyon bann Konsey osi, i ape sanze pou zot kapab regulariz e donn sipor sa bann lasosyasyon, sa bann Federasyon pou zot kapab *meet* kriter Rezistrar.

E mon'n deza pe komans ganny rapor sorti kot rezistrar lo kote detrwa bann federasyon, bann lasansyon. Nou pou ed zot pou zot kapab vin lo sa nivo kot zot sipoze etc. Mersi, Mr Chair. Mon ti ava kontan, mon pa konnen si *PS* i annan okenn keksoz pou azoute.

### **MR SPEAKER**

Yes.

### **PS FABIEN PALMYRE**

Mersi, Mr Chair. Zis vitman Minis, mon krwar ou'n dir tou. Kekfwa zis mon ava donn en pe detay. Onorab sa ki ou'n dir i tre enportan, e i annan lefe annefe lo pei akoz ou en Lasosyasyon Sportiv pou ou pa *competent* avek *Registrar*. *Registrar* in fer nou konpran poudir par egzanp *FATF* i pran sa tre serye. Alors mon ti a sezi lokazyon la pou dir avek bann lasosyasyon kantmenm zot kontan dir nou poudir zot bann volonter. Ou konnen bann dimoun ki annan lasosyasyon i bann volonter, me selman i pou enportan ki zot pran zot rol serye. E mon krwar nou, nou responsabilite departman atraver *NCS*.

Akoz ou konnen, dan en sans departman son louvraz i fasil akoz nou, nou dir ki pou fer, nou pa fer. Nou pou bezwen regarde ki *NSC* i pli serye avek bann lasosyasyon. E kekfwa la bann Manm Onorab nou pou bezwen zot korperasyon.

Si en *sport*, bann dimoun ki diriz sa lasansyon pa serye, nou pou bezwen pran aksyon. Byensir zot pou sot anler, zot pou vin rod led. Zot pou vin dir isi laba. Me selman se sa ki'n anmenn nou dan sa kalite sityasyon, kot mwan personnelman avek *CEO*

Giovanna Rousseau, mon ti vwar bokou sesyon i ti fer ek bann dimoun kot i dir zot ki manner pou fer sir zot *bookkeeping*, ki manner zot bezwen fer zot *meeting*. Fer sir ki bann *office holders* i ganny elekte byen *and so on*. Me zot pa ekoute. Zot pa ekoute zis ler ki sa sityasyon in leve ki nou'n vwar ki degre enportan.

Me alors mon krwar taler NSC pou vini, pou eksplike ki manner zot pe al pli sever ek bann lasosyasyon. Nou departman ki nou bezwen fer se sever avek NSC. Akoz nou lo *monitor Act* avek Polisi, nou pou vwar prezan la si par egzant nou annan relasyon travay avek *Registrar*, ler nou pou vwar ki i annan en kantite lasosyasyon '*non-compliant*' nou pou bezwen dir NSC pa pe fer son louvraz. Mersi.

### **MR SPEAKER**

Mersi. Avek sa nou a pran en vot lo Bidze pou sa departman. *Department of Youth and Sports* lo paz 221 ziska 225 pou en Bidze R7milyon 706 mil. Manm ki an faver silvouple lev lanmen? Mersi, e okenn ki kont. Wi Madanm Clerk?

Vot lo Bidze pou *Department of Youth and Sports* paz 221 ziska 225 pou Bidze total R7milyon 706mil in ganny

29 vot pour, zero kont ek 0 *abstain*. Alor Bidze in aprouve. Mersi.

E nou pou pran en lot entity e mon pou remersye 2 zofisye *Department Youth and Sports*. Sekreter Prensipal Palmyre e Madanm Nibourette.

### **(PS PAMYRE AND HIS DELEGATION WAS EXCUSED FROM THE HOUSE)**

### **MR SPEAKER**

Mersi bokou pou zot partisipasyon e mon a demann epou nou apel Mrs Marie-Josee Bonne e Mrs Jane Larue.

### **DEPARTMENT OF FAMILY AFFAIRS**

Bon nou pe pran *Department of Family Affairs* paz 226 ziska 323 pou en Bidze R13milyon 323 mil. E nou akeyir pou sa peryod Ms Marie- Josee Bonne, Sekreter Prensipal pou *Family Affairs* e Madanm Jane Larue son Direkter Zeneral e avek sa mon ava envit Minis pou entrodwir sa Bidze.

### **MINISTER MARIE-CELINE ZIALOR**

Mersi Mr Chair. Bidze ki nou pe demann Lasanble Nasyonal pou

aprouve pou Departman Lafanmir, parey Mr Chair in dir.

E sa i en logmantasyon apepre 4.8milyon konpare avek lannen pase. E sa logmantasyon prensipalman i annan pou fer – (*PS* a donn plis leksplikasyon apre) i annan pou fer, avek en pe avek bann fonksyon Departman Lapovrete ki'n frenmen; ki prezan en pe sa bann fonksyon in ganny abzorbe par Departman Lafanmir.

Apré akòz i annan, avan Departman Lafanmir ti ansanm dan en Minister avek Sosyal. E nou santi poudir, bann servis, bann servis spesyalize ki lafanmir i bezwen ofer, dan sa tan modern kot nou ape koz lo la, i ti pe ganny neglize e nou bezwen aforsi, lo sa, e apre avek bann larestan restriktirasyon ki pe arive. E avek sa Mr Chair mon ava konklir sa lentrodiksyon. Mersi.

### **MR SPEAKER**

Mersi Minis. Nou ava komans kestyon avek Onorab Michel Roucou.

### **HON MICHEL ROUCOU**

Mersi Mr Chair. Bonn apre midi madanm Bonne, *welcome*. *PS*. Minis eski ou kapab dir avek nou lo kote lapovrete en. Ki nouvo stratezi, zot pou servi

mon war bokou zot in mete la pou vi ki dan leparse, dan leparse sa departman in ganny neglize par atraver son bann, sa departman ki ti pe gid li, atraver bann Minister ki ti sipoze ed sa departman pou li akonplir pou ed sa group dimoun ki tonm anba sa group lapovrete, sirtou lo kote lozman li menm li, apre lo kote sosyal, ki nouvo stratezi ki zot pou fer ki, *once and for all* sa bann *case* i a ganny *deal* avek. Ki petet nou a kapab diminiz en pe sa bann, sa poursantaz dimoun ki tonm anba la? Mersi.

### **MR SPEAKER**

Mersi Onorab. Minis.

### **MINISTER MARIE-CELINE ZIALOR**

Mersi Mr Chair. Mersi Onorab pou kestyon. Briyevman mon a zis koz lo stratezi kekfwa apre *PS* i ava donn en pe plis lesplikasyon. Vwala ki'n ariv ti annan en bon pe *duplication*. Lapovrete ti pe fer en pe keksoz tou i pe depan lo lakaz ensidswit. E letan mwan mon'n koz avek *PS* oparavan ki ti la pou konpran byen, i annan en, en bon pe sa bann fonksyon ki zot ti'n etabli pou zot fer zot ti pe fer lot keksoz zot.

E nou, en pe bann - e mon lentrodiksyon mon'n dir en pe

fonksyon in al kot departman. Akoz en pe fonksyon in al dan Minister kot i sipoze ale. Kot lakaz i la kot lakaz, kot ASP in al kot ASP, e sa ki'n reste la i bann servis spesyalize parey *counselling*. En bann servis *psychotherapy* bann lezot servis ki in reste avek departman.

Apre ti annan bann osi ki Departman Lafanmir ti pe fer konsernan, bann *population study*. Bann larestan ki ti annan bann *duplication en pe*, ki PS i pli byen kapab eksplike ki mwan.

Savedir, sa ki ou pou vwar ki Departman Lafanmir pe fer, i pou en stratezi. Pou nou, nou pe sanz kiltir, nou pe transform nou bann fanmir dan en fason profon, pa siperfisyel fizik, lakaz. I annan en fason panse la kot, ou konnen nou'n fer nou bann fanmir fay, vreman fay.

Nou bezwen refer nou bann fanmir Seselwa for. For mon pa pe dir fizikman, annan en lakaz, savedir ou for? Non. En ta dimoun ki annan lakaz, i pov.

I pov an *spirit*, spirityelman, i pov emosyonnelman. Nou annan en kantite, bann ka sosyal ki pandemik pe anmennen, ki nou ape, nou ape regard zis lo lasante fizik. I annan en kantite

ka kot nou, nou pe raporte nou, nou a pe *deal* avek.

Nou bezwen refer nou bann dimoun anmenn sa ledikasyon. Anmenn en kalite, en kalite kiltir ki en transformasyon ki sa departman, anba sa divizyon ki apel *Quality of Life*, kalite lavi pou nou amelyore.

E vwala sa kalite transformasyon ki nou a pe koz lo la. Sa stratezi profon, ki nou a pe koz lo la, pou nou refer nou bann dimoun ki li, *you are your own rescue*, vin ou prop *rescue*, ou.

Ou pa depan lo personn pou vin rezourd ou problem. Akoz ki mannyer nou'n egziste, nou'n vwar se ki nou'n donn dimoun pwason toultan. E avek sa in vin en pe kontrol, ki nou pe fer nou bann fanmir, napa okenn politisyen ki pou kontrol nou bann fanmir, zanmen ankor!

**(APPLAUSE)**

**MINISTER MARIE-CELINE ZIALOR**

E ki, nou bann fanmir i kontrol son bann fanmir i kontrol son lekor li. Kontrol son lekor li, i kontrol son epanouisman, son devlopman,

son kalite lavi kot i, vwala vre laliberte.

Mersi. E mon ti a kontan petet ki *PS Bonne* i ranforsi en pti git, lo, lo en pe larestan bout lapovrete. Mersi.

**MR SPEAKER**

Mersi, *PS*.

**PS MARIE-JOSEE BONNE**

Mersi Mr Chairman. Mersi Onorab. Petet mon a zis retourn en pti en pe an aryer, poudir kisisa ki ti manda Departman Lapovrete.

E, i ti la pou li siport eliminasyon lapovrete, atraver bann Polisi e stratezi, e entervansyon ki ankouraz byennet e lepanouisman. E sa i antre byen, avek sa nouvo divizyon ki *Minister* in deza pe koz lo la, ki nou pe propoze.

I antre byen dan Divizyon Resers Devlopman Polisi e *Monitoring Evaluation*. Ki pou asire ki sa travay formidab ki'n deza komanse avek Departman Lapovrete i kontinyen.

Konzwentman, nou pou osi annan sa Divizyon *Quality of Life* ki pe ganny propoze. E li i pou angaze pou li regard bann program *Empowerment e Mentoring*, ki pou santre dan nou bann fanmir Seselwa.

Alors, mon pa pou totalman dakor ki nou pe

neglize. Me selman nou bezwen vwar, sa nouvo fason fer. Nou bezwen anmenn sa transformasyon e nou pe fer li dan sa restriktirasyon ki pe arive dan nou departman.

Ziske parey zot konnen ler Departman Lafanmir ti ganny kree an 2017, i ti en pti departman. Ni menm *Human Resource* nou napa.

Alors la nou pe sanze, nou pe evolye, nou pou annan nou trwa divizyon, nou pou annan nou *secretariat HR* e admin osi ki pou antre an *jeu*. E nou pe konsantre parey mon dir dan sa trwa divizyon. Enn Resers ek *Monitoring and Quality of life* e en lot. Mersi.

**MR SPEAKER**

Mersi *PS*. Onorab Lemiel.

**HON SYLVANNE LEMIEL**

Mersi Mr Chair. Minis mon ti a kontan konnen par egzanp lo kote *poverty alleviation*. Mon war i annan dan ou Plan Stratezik 2021 a 2023, kot ou pe dir ki zot pou '*eradicate all cases of extreme poverty*.' Mon ti a kontan konnen ki mannyer zot pou fer sa?

Dezyenmman ki'n arive ek sa bann *staff* ki ti travay dan Seksyon Lapovrete. Eski zot in kapab zot tou ganny en lot travay dan sa *Minister* or zot in



ganny *redeploy* dan en lot Minister?

Apré mon ti a kontan konn en pti pe petet Minis ki difikilte petet nou pe gannyen avek sa *Domestic Violence Act* ki petet pa ankò vin an fors pou le moman? E mon vwar ki ou pe met koman en kontrent pou le moman. Donn nou en pti pe leksplikasyon ki bann kontrent ki ou pe gannyen? Mersi.

**MR SPEAKER**

Mersi Onorab. Minis.

**MINISTER MARIE-CELINE ZIALOR**

Mersi Mr Chair. Mersi Onorab pou bann kestyon. Mon pou pran enn apré mon a demann PS pou pran larestan.

PS i ava reponn kestyon lo *Domestic Violence Act*. I ava pran en pti git apré lo kote *staffing* akòz sa legzersis li ki ti pe fer.

Apré lo kote *eradicating poverty* ou premye kestyon. Sa bann, akòz sa i ti ganny soumet avek, Bidze Departman Lapovrete. E i pou bezwen ganny *revize*. I bezwen ganny *review* dapre bann restriktirasyon, dapre nouvo manda e ki manner bann nouvo stratezi ki PS Bonne i ava son vizyon pou sa departman, i ava anmennen.

Be selman mon ti ava zis kontan fer en pti pwen pase vitman Mr Chair. Akòz en kantite fwa ankò lapovrete, i pa zis en keksoz fizik sa. I en leta lespri.

Nou lo kote leta lespri avek bann dimoun nou'n deza annan en seri program. Kot nou pou fer bann dimoun ki i tir don son lespri sa zafer lapovrete, e i kapab vwar solisyon lo bann diferan, lo bann diferan keksoz ki egziste. E apré i annan en kolaborasyon ki'n komanse ek senk lezot, kat lezot Minister.

Bann program ki baze kot *Local Government*. Lo kote distrik pou regarde ki manner nou kapab fer sa, fer bann program pou nou kapab montre dimoun vizibman bann loportinite ki kapab egziste.

Sa i en kolaborasyon Minister Finans, Departman Lafanmir kot *Local Government*, kot Lantreprenarya apré kot Departman Lanplwa. Mersi. Mon ti a demann PS Bonne pou li kapab reponn lezot kestyon.

**Mr SPEAKER**

PS, wi.

**PS MARIE-JOSEE BONNE**

Onorab an konsernan *Domestic Violence Act*. Wi, nou konnen in fini ganny *assented*. Me nou pa ankò annan en

*commencement date*, akoz nou bezwen fer sir ki bann striktir i an plas.

Bann, sa bann *service providers* ki bezwen antre an *jeu*, i osi konnen zot. Ki bann aksyon ki zot pe bezwen fer. E nou ti'n *commissioned* de *consultancy* dan milye lannen pase. E sa se spesifikman premyerman pou nou fer en medyatizasyon anver piblik Seselwa pou, pou piblik Seselwa kapab konnen ki sa bann mezir ki annan dan sa Lalwa, avan ki sa *commencement date* i ganny met an plas.

E osi nou'n, nou ti *commissioned* en lot *consultancy*. Lo ki sa bann *service provider* zot annan;- ki sa bann *standard operating procedures* ki zot annan, pou nou kapab fer sir ki ler piblik i konnen poudir la sa Lalwa, i komans kapab ganny met an aplikasyon, zot konnen kot zot pou ale, lekel ki pou fer kwa, ki lapolis ki son rol i annan pou fer ki bann lenformasyon ki zot bezwen anmase.

Sa nou'n le fer sir, ki avan ki sa Lalwa i bezwen ganny enplimante. Nou pa oule ki i en Lalwa ki pa pou morde. E pou nou fer sa, nou bezwen fer sir ki tou sa bann *different* akter zot

konn zot rol e rol in ganny met an plas. Mersi.

An sa ki konsern *staffing*. I annan travay ki pe ganny fer, dan Minister pou nou fer sir ki nou enkli, tou bann dimoun ki ti oparavan dan Departman Lapovrete. Sa ki anvi reste, sa ki anvi petet, re-aziste konmsi zot travay. Sa pe ganny fer atraver resours imen.

Parey mon'n dir, mon ti napa en dimoun resours imen. E mon bezwen ganny sa sipor avek resours imen, ki madanm Nibourette ki ti la oparavan i pe travay avek nou pou nou kapab fer sa travay. E nou *hope*, ki by semenn prosenn nou ava finaliz sa. Mersi.

### **MR SPEAKER**

Minis wi.

### **MINISTER MARIE-CELINE ZIALOR**

Wi zis pou azoute - mersi Mr Chair, pou azoute, nou pe fer sir osi ki tou sa bann travayer la, akoz ki departman in frenmen nou pe travay tre pros avek Departman Ladministrasyon. Pou nou enform zot ki pe arive avek sa bann travayer ki pe ganny redeplwaye. I annan ki deza fini ganny redeplwaye, par egzantp kot Departman Spor avek Lazenés.

I annan ki'n fini al kot NSC. Dapre, letan nou pe regarde avek zot, zot ki zot kapab fer. I annan, mon kapab garanti ou i annan en *senior staff* ki nou pe annan de opsyon, an deor Minister ki nou pe negosye avek Lanplwa pou regarde.

E nou pe fer sir, nou pe fer sir ki sa bann dimoun i al dan en lanplwa ler zot, aköz sa departman in frenmen. Mersi.

### **MR SPEAKER**

Mersi Minis. Onorab Zialor.

### **HON NADDY ZIALOR**

Mersi Mr Speaker. Mersi Mr Speaker. Bonn apre midi Minis ek *panel*. Annefe Minister ou'n tous, tous lo mazorite bann pwen ki mon ti pe al demande. Striktir avek nouvo program. Me solman ki mon ti pe regarde, *as* mon pa konnen si *PS* ki pou reponn sa.

Ou konnen *Family Affairs* pa kapab travay li tousel. I pou bezwen bann *stakeholders* pou bezwen *empower* nou bann fanmir lo kote kominoter. Mon ti pe regarde ki bor bann *NGOs* i antre pou travay an kolaborasyon avek zot? Mersi.

### **MR SPEAKER**

Mersi. Wi Minis.

### **MINISTER MARIE-CELINE ZIALOR**

Wi, mersi Mr Chair. Mersi Onorab. Kestyon tre, tre valab se egzaktman mon kapab konfirm ek ou. E ou konnen mon dir zot nou'n lans en lapel, avek bann *NGOs*. Partou dan tou, depi dan lazenes, Departman Lafanmir avek Spor. Aköz nou, nou krwar fodre pep Seselwa i partisipe dan desizyon. Partisipe dan donn lanmen en enplimante pou transformasyon pei.

E nou kot nou, nou pe ganny en kantite *NGOs* en kantite group bann dimoun ki pe vini. Nou vreman, vreman *welcome* bann dimoun.

E bann ki'n vini lannen pase, mon *PA* personnelman pe deryer zot pou anvoy *proposal*. E i annan bann ki nou'n deza fini komans regarde ki mannyer nou kapab enplimante. E sa i dan menm laliny kot nou pe travay Onorab. Mersi Mr Chair.

### **MR SPEAKER**

Mersi. Onorab Aglae.

### **HON EGBERT AGLAE**

Mersi Mr Chair. Minis mon ti a kontan ou sitye mwan la, sa de departman la, Lafanmir e Lapovrete, eski zot pe *operate* anba *one roof*? Si i annan en konponan *rental* ladan?

Akoz mon konnen ki povrete avan ti pe *rent*. Ki'n arive egzakteman la, si zot ankor, zot in *merge* ansanm anba *one roof*?

E dezyenmman Minis, kot i konsern sa *Multi-Dimensional Index* la, eski ou pe dir nou anba seksyon lapovrete la, aköz ou'n fer *statement* taler pou tir dimoun dan lanmen politisyen. Ek lafanmir dan lanmen politisyen li menm.

Eski zot pe anvizaze pou kree bann zouti neser pou kapab, arive fer sa? Aköz parey sa *saying* i dir “mon pou donn ou lanmson ek ou nilon pou ou al lapes”.

Eski zot pe mazin vin avek en program ki pou *étaler* ki pou kapab arive *achieve* sa lobzektif ki ou ou'n dir? Mersi.

### **MR SPEAKER**

Mersi. Minis.

### **MINISTER MARIE-CELINE ZIALOR**

Wi, mersi Mr Chair. Mon pou les *PS* reponn sa kekyon, lo kote *rental* ensidswit avek striktir. Mon a pran sa dezyenm kekyon lo kote zouti. Be, Departman Lafanmir, i annan en seksyon *Quality of Life*, se sa ki zot pe fer.

Zot pe fer zis sa, zot pe travay pou zot kapab

definitivman kree bann zouti e diferan lezot keksoz apre ki Onorab Zialor in koz lo la.

Nou pe ganny en kantite sipor led avek lezot. I en kantite dimoun ki pare pou ede dan sa pei. Pou ed nou bann fanmir pou annan bann, bann zouti avek bann program pou nou kapab montre dimoun poudir i annan diferan fason fer.

Se tou, ki zot pe fer pou nou kapab, *achieve* sa bann lobzektif. Mon a demann *PS* pou reponn premye kekyon. Mersi.

### **MR SPEAKER**

*PS* wi.

### **PS MARIE-JOSEE BONNE**

Petet mon a zis azout en pti pe lo sa dezyenm kekyon. Aköz *MPI* i en keksoz ki nou'n partisip ladan depi son *inception* menm avan *MPI* ti, i komans vi en mo popiler isi Sesel.

Ler 2011, i kapab annan parmi bann Onorab i mazin poudir ti annan en *professor* Muller ki ti fer en travay lo ‘*The living condition survey*.’

Ti la ki nou ti komans regard sa eleman lapovrete, *from* son perspektiv miltidimansyonnel. E sa i en keksoz k ki nou'n travay avek. Nou'n arive devlop bann

endikater Nasyonal osi pou *MPI*, rapor ti ganny fer e in ganny pibliye lannen pase.

I annan bann *surveys* ki'n ganny fer avek *National Bureau Statistics*. Alors bann *tools* in komanse, in la e nou pou kontinyen travay avek pou nou kapab kontinyen *monitor*.

An sa ki konsern *rental*, i annan travay ki nou'n fer pou nou vwar, ki bann landrwa ki pe ganny *rented at the moment*. Akoz la nou konnen poudir Lapovrete ti Providence.

Mon pti Departman, i *Family House* Bel Eau. I annan lezot dimoun osi ki *Unity House*. Nou en pe eparpiye. Nou'n fer en legzersis ki nou'n vwar sa bann diferan kou ki pe kout nou Minister. Nou'n marse, nou'n rod en landrwa ki pli abordab, bokou pli abordab ki nou pou kapab met lamazorite dimoun ladan.

Me selman *still* nou pou ankor en pti pe eparpiye, akoz napa en landrwa ki kapab pran tou dimoun. Me selman son kou li menm pou bokou pli meyer ki i ete la ozordi.

### **MR SPEAKER**

Mersi *PS*. Onorab Henrie.

### **HON GERVAIS HENRIE**

Mersi Mr Chair. Bonn apre midi tou dimoun. Mr Chair mon

napa en kestyon direk. Me plito en komanter e probableman nou ava ganny en reaksyon. Akoz Minis in dir de keksoz, transform nou fanmir dan en fason profon. Tir zot koman en antite ki fay, fer li vin for. E lo lot kote in dir ki nou anvi tir fanmir dan lanmen politisyen.

Ki a mon avi, mon bann koleg in bat lanmen, i pa neserman en move keksoz a leksepsyon si politisyen i servi ou vilnerabilite, pou li kontinyen reste kot i anvi reste. SA i move.

Prezan mon leksperyans personnel mon krwar ki lafanmir ozordi si nou anvi transform li dan Sesel, i pou bezwen en lager antoure, par diferan antite.

E ler mon dir diferan antite, *NGO is the last*, ki mon pe mazine la mwan. *It's the last, honestly*.

Akoz, mon leksperyans personnel, ler mon ti pe grandi zis apre koudeta. Nou ti vwar *nurse* pas kot lakour, sanniter, pret laparwas, lapolis, leser. Ozordi dan mon lavi adilt. Dan mon lavi adilt, zanmen enn sa bann dimoun in deza pas kot mwan.

*Knock on my door* e donn mwan en konsey poudir, pa kit delo deryer lakaz, pers en bwat

avan ou zete akoz i gard moustik.

Ozordi sel dimoun ki devan laport dimoun se nou politisyen. E nou konnen poudir nou fanmir dan distrik, mwan mon sorti Mont Buxton en kantite problem mon annan.

E mon pa kapab rezourd lo mwan tousel. Depi ler mon'n vin dan Lasanble dan 2016 mon'n dir sa mwan. Pret laparwas fodre i pase, sanniter fodre i vini, gard fodre i vini koz ek dimoun *be a friend of the community*.

So sa i bann antite ki nou donn zot en Bidze ozordi, e annou komans avek zot. Zot vin sa lafors kolektiv, parey sa group ki pou lager antoure pou soulaz nou bann lafanmir.

Sa i mon pledwari e mon pe donn tou bann antite en Bidze. E sa ki mon pe demann zot silvouple donn mwan en koudmen konman *MNA* Mont Buxton pou relev mon bann fanmir dan distrik. Mersi.

### **MR SPEAKER**

Mersi. Minis ou ti a kontan -? *Commenter.*

### **MINISTER MARIE-CELINE ZIALOR**

Wi Mr Speaker, Mr Chair. Mersi bokou pou ou pledwari.

Ou a pe donn nou en koudmen tou. Mersi bokou kot Departman Lafanmir.

Ier mon pe koz *NGO*. Mon annan en kantite bann diferan *dénomination religieuse* ki'n vini. Nou annan tou sa la. Mon annan bann *ex*, bann dimoun ki ti parey ou pe dir lasante ki pe vini.

Ou konnen nou bezwen, mwan mon favori *disrupt* lafason nou fer keksoz. Nou bezwen pa esper dimoun vin kot nou, nou bezwen osi servi lezot mekanizm pou nou kapab arive atrap *at least* en bout en komansman pou nou kapab komans fer dimoun ganny sa motivasyon.

Ganny sa en pe konfidans pou li kapab konnen pou li kapab ed son lekor, e larestan dimoun osi pou ed lezot dimoun. E mon kontan ou pledwari i pe ganny ekoute li. I en kantite dimoun ki pe vin kot nou. I annan bann dimoun ki pa neserman mon'n dir *NGO*, nou pe kalkil *NGO* ki nou konnen la ozordi.

I annan diferan kalite lezot group. Senmen prosenn, taler Onorab in mansyonn Lazournen Lafanmir.

Sa bann keksoz ki nou pe fer pou sa lasemenn i konpletman diferan akoz e par nou ki pe fer. Bann lezot



dimoun ki pe vin donn nou en koudmen, letan zot in vini mon'n dir ek zot be *ok*, nou annan en semenn. Annou gete si zot serye.

Annou larg sa ek zot dir vini regarde ki oule e fer. Manman, i annan, i annan li. Be la i en lot pledwari mon pou fer ek medya mwan. Akoz nou viv dan en kiltir en pe tro negativ.

Bann bon keksoz koumsa la, sa bann bon keksoz, plizyer fwa i pas envizib. E i toultan annandler bann keksoz ki negativ kot nou kontan, nou anplifye. E nou pou bezwen, i annan en kantite bon keksoz ki bann dimoun pe fer pou larestan dimoun pou lafanmir.

I pou annan li, mwan mon krwar dan sa senk an Onorab ou pou gannyen en koudmen dan Mont Buxton e tou larestan distrik konsernen pou nou kapab fer transformasyon.

Ou konnen ou bezwen kapab koz avek sa bann konviksyon. Nou pa kapab letan nou pe fer sa nou a dir kekfwa, petet. Nou bezwen nou osi nou bann ki pou ale la nou annan en konviksyon avek en langazman, pou nou kapab fer keksoz marse.

E fer li diferaman par nou menm nou. Nou'n lans en lapel, nou pe ale ver sa bann diferan

antite e nou annan osi nou bann lezot dimoun, nou annan en kantite profesyonnel ki la ater, ki la Sesel. Ki pa ti pe fer nanryen ki nou'n dir be *ok* be vini e regarde. Ekout zot, apre nou bezwen aprann ekoute.

Mon annan dimoun ki ti anvi, annan en later se li i ti anvi fer, fer en keksoz pou ed bann paran ki pe soufer avek bann zanfan ki lo sibstans.

Ou konnen konbyen fwa in ale vini, pandan konbyen lannen? En keksoz koumsa ou ti a mazine i ti a ganny sipor ek led.

Gouvernman parey sa Bidze ki ou pe al vote la, nou, nou merit *facilitate*. Fer li fasil tou sa bann dimoun ki anvi donn en koudmen, donn en koudmen.

So, mon krwar Onorab annan en motivasyon kekfwa, en lespwar poudir nou pou al fer en keksoz en pti pe diferan. Mersi Mr Chair.

### **MR SPEAKER**

Mersi. Minis. Onorab Cosgrow.

### **HON WALLACE COSGROW**

Mersi Mr Chair, Minis. Minis kote dan Bidze ki nou kapab vwar, sipor par egzanp nou konnen la i annan en kantite bann fanmir ki pe war li difisil finansyerman, en?

Zot riske war zot dan en sityasyon lapovrete. Petet pa permanan me tanporer, e sa sityasyon i vin avek diferan problem sa. Problem mantal, ler mon dir mantal i pa vedit zot pou fou ouswa zot pou fol. Me bann lafatig lespri, bann diferan *issues* ki kapab leve. I bezwen en pti larzan i ava sey al rod kot *Agency for Social Protection*. Si i sanse, i a ganny en pti morso, akoz laba osi pe koupe.

Kote anba ou Bidze la ki sa, sa bann dimoun ki pe ekout nou deor la, ki annan en kantite difikilte problem, zot kapab vini e ganny sa lasistans avek sa Minister avek sa departman?

Dezyenm Minis, i annan *Council for the Elderly* avek *Council for the Disabled* ki mon krwar in ganny aboli.

So kote ki sa bann dimoun i ale, or kote ki sa bann sipor, ki ti pe vini avan par egzantp avek bann lorganizasyon enternasyonal ouswa bann lorganizasyon, menm lokal.

Kan manner sa bann sipor i kapab antre prezan, akoz bokou sa bann lorganizasyon pa donnen Gouvernman li en?

I donn sa bann *Council* akoz i annan en striktir endepandan pou *manage* zot bann, zot bann fon. So ki

manner sa bann group koumsa, dan lasosyete i benefisyete la ki i nepli egziste? Mersi bokou.

### **MR SPEAKER**

Mersi Onorab. Minis.

### **MINISTER MARIE-CELINE ZIALOR**

Mersi Mr Chair. Mersi Onorab pou ou de kekyon. Mon pou komanse apre mon pou demann PS pou li fini. Lo kote dan Bidze, nou annan lo *Programme 1*.

Kot i annan *sub-programme 2*, '*Research Policy* avek *societal development initiatives*.'

Anba la i deza annan devlopman, ki nou'n deza fini devlop enn parey mon ti pe eksplike taler. Avek senk lezot, senk lezot *Minister*. Kot bann program *community based* ki pou zener en pe *income* pou bann lafanmir, par bann fanmir zot menm, avek led kominote biznes dan pei.

Sa i pa ankor pare sa bann detay, mon pa kapab koz lo sa bann detay. Me selman i deza annan e i deza pe ganny, i deza pe ganny konsevwar e i deza pe ganny konsevwar.

Nou deza pe komans rode e komans pe koz avek sekter prive ki manner nou pilot, ki

manner nou kapab fer sa. I deza annan dan Bidze, nou'n fer provizyon, pou nou kapab vin avek bann program pou nou kapab donn bann fanmir en legzanp lo egzaktman kwa ki zot kapab fer.

Pou zot amelyor, zot sityasyon. Lo kote sa bann transformasyon ki nou a pe koz lo la. Siporte bokou par Departman, par Finans. Siporte bokou par finans. Vwala sa.

Pou dezyenm, sa bann Konsey, zot pa ti, zot pa ti *NGO*. Zot ti pe ganny larzan ek Gouvernman tou fason. Sa de Konsey ki ou'n mansyonnen selman avek bann reform bann restriktirasyon mon ti ava kontan les *PS Bonne* petet eksplik en pti pe plis. Mersi Mr Chair.

### **MR SPEAKER**

Mersi *PS*.

### **PS MARIE-JOSEE BONNE**

Mersi Onorab. An sa ki konsern bann fonksyonman, ki konmela tonm anba *National Council for the Elderly* e the *National Council for the Disabled*.

Nou bann, nou nou'n vwar ki parey Minis Hassan ti pe dir bomaten, zot bann, zot ti pe ganny gérer *by the Boards on an operational basis*. Alors nou,

nou'n panse ki i pli apropiye pou nou annan en divizyon ki a regard sa de group spesyal.

Prezan nou ava nobou kapab fer sir ki nou regard dan son administrasyon. Nou fer sir ki nou travay lo zot bann program, annan *the quality assurance*. Nou fer sir ki nou *abide by* nou *international obligations* osi. Akoz nou konnen poudir parey *Council for the Disabled* i tonm anba *The Convention on the Rights of Persons with Disabilities*.

E i posibil osi ki pou *elders* osi tou pou annan en *UN Convention* byento.

Alors nou oule fer sir ki avek sa trwa diferan divizyon la, nou travay byen pros ansanm pou nou fer sir ki, nou fer nou bann resers apropiye, nou fer nou bann *profiling* nou travay lo nou bann program osi tou.

Me selman nou pou annan sa trwa departman, *gérer* par trwa direkter zeneral arive fer sa, si sa i ganny aprouve. Mersi.

### **MR SPEAKER**

Mersi. Wi Onorab Cosgrow.

### **HON WALLACE COSGROW**

Mersi Mr Speaker. Byen vitman, madanm Bonne ou pa nouvo ladan ou, en kantite letan ou dan sa Minister, ou

dan sa domenn. Ou konn byen lepase mannyer ti ete, bann letan ti en pe, ti ankor en pe koumsa.

Dir mwan ki mannyer zot pou *deal* avek sa bann zafer propriyete, par egzanp bann *Homes for the Elderly*.

Ki mannyer zot *deal* ek sa bann zafer ler i vin dan Minister? Nou konnen ki mannyer, konmsi difikilte lepase. Mersi bokou.

**MR SPEAKER**

Mersi. Madanm PS.

**PS MARIE-JOSEE BONNE**

Ok, Onorab. Nou annan en Direkter *for Homes*, sa nou konnen poudir sa *post* in la pou en bon pe letan.

Me la nou annan sa zennonm ki'n komanse pros en an pase. Nou pe, nou'n travay lo en bann prosedir, nou pe travay lo bann *Policies*, bann *standard operating procedures*, ki pa ti egziste.

Mon konnen i annan *Board* ki'n la. Me sa bann *operational matters* ki zot ti *deal* avek la i pa ti pe ed *Council for for the Elderly*, pou li al an avan dan kad son *governance*, dan kad fer sir ki bann program, bann *maintenance* eksetera i fonksyonn byen.

*Anyway*, i ti pe fonksyonnen me selman, i ti kapab amelyore. E la prezan ki nou pe, mannyer nou pe anvizaze annan sa divizyon, sa divizyon enn ava regard dan konteks *the quality assurance, to do with elders and with the disabled* akoz nou konvenki ki nou kapab fer plis ki nou pe fer ozordi.

E an sa ki konsern bann *homes*, nou pe travay for pou nou kapab amelyor sa bann *homes*. Nou pe travay for pou nou amelyor bann standar ki egziste. Annan bann *operating procedures* e osi nou ganny pa mal difikilte avek menm nou travayer, menm nou ban rezidan me selman nou, nou pe fer sir ki nou kapab *contain the situation*. Mersi.

**MR SPEAKER**

Mersi. Onorab William.

**HON WAVEN WILLIAM**

Mersi Mr Chairman. Bonn apre midi Minis avek ou lekip. Minis mon'n ekout ou avek bokou latansyon, an relasyon avek bann problem sosyal dan distrik Grand'Anse Mahé. Minis ansyen Gouvernman zot in seye, me serk pa ti zwenn. Dan sa mayon, dan sa lasenn la i annan bann mayon ki pa ti zwenn.

Mwan mon oule ou donn nou sa garanti dan sa lasenn, sa nouvo lasenn zot pe vin prezant devan nou, ki sa bann mayon pou zwenn.

Minis mon pou met enn de legzanp devan ou. Ou ava dakor avek mwan parey Minis Finans in dir ki 30poursan, tou saler in ganny redwir. I annan bann travayer ki pe ganny 3500 ki pe tous 200, R2400 ekek. E i annan ki pe al partou ozordi e mwan mon anvi ou, ou eksplik mwan, swa madanm PS i eksplik mwan, ki mannyer sa bann dimoun Grand Anse Mahé, ki kote zot pou ale? Akoz ou a krwar keksoz pe santralize.

Me eski i pou annan en bout ki pou dekoul dan distrik? Akoz petet letan ou koz lo resers, e ozordi la mon annan bann *social housing* e letan saler i ganny koupe, komodite pe monte.

Bann fanmir annan serten fanmir i dan bokou problem. E parey mon dir se ki, mwan i fatig mwan akoz, mon santi ler sa bann dimoun pe al dan zot ganny dir al tel landrwa zot monte desann, swa vir ron.

So mon ti a kontan ou donn nou sa garanti. Akoz enn se ki mon anvi konnen lekel bann Minister? Akoz mwan mon pe get Minis Departman Lafanmir koman *the mother*

*department* bezwen lyez avek sa bann lezot.

Akoz par egzanp eski nou annan ase lenformasyon e sa bann lenformasyon i *linkup* avek bann diferan departman, pou kapab vreman preziz lenformasyon. *Zoom in* lo sa fanmir.

Akoz i sanble i annan en gro problem la. *So please* donn nou sa garanti poudir dan sa nouvo lasenn, sa bann mayon pou zwenn, ki nou bann dimoun finalman pa vin fou avek nou. Mersi.

#### **MR SPEAKER**

Ok Onorab. Minis.

#### **MINISTER MARIE-CELINE ZIALOR**

Mersi Mr Chair. Mersi Onorab pou ou kestyon. Ki mannyer nou fer ki bann dimoun pa fou pa fol? Kestyon pou en sanpyon.

Problem sosyal i avek Departman Sosyal, petet nou le fer kler, i annan bann bout ki Sosyal pou fer. Bann bout ki nou, nou pou fer kekfwa nou'n mank sa bout pou nou eksplik en pti pe pli byen. Parey dan sa program ki mon a pe koz lo la *anba subprogram 2*. Ki Onorab Cosgrow ti'n demann son kestyon taler. Sa i ganny fer an *close* kolaborasyon avek sa

senk lezot Minister la. I pou ganny *house* laba kot *Local Government*. Savedir i pe vin dan distrik.

E i pou annan en revolisyon. Mon mazine *Minister* Hoareau letan i ava vini. Mon pa'n oule koz lo la akoz sa i portfolyo kot li. En kantite travay depre. Mon krwar preski toulezour nou koze nou de, de pre pou nou kapab desantralize. Enn parmi bann transformasyon se sa desantralizasyon ki pou annan.

Me selman mon anvi li koz lo la akoz sa i bann plan e nou pe koze, negosye program lazenés. Akoz kot i annan en bout kot li pa tous spor ensidswit, pou annan en kolaborasyon tre for avek tou sa bann larestan antite konsernen.

Ou'n montre sa vreman byen. Vre nou, nou en Departman, Minister kot nou bezwen travay avek tou larestan antite e lo kote lenformasyon gannén, nou pe ganny bokou kolaborasyon, avek lo kote mon nivo *at least*. Avek bann larestan Minister pou nou kapab fer bann desizyon baze lo lenformasyon.

E i annan bann proze pilot ki pe konmanse. Mon konnen i annan ki'n ganny kontakte i annan ki pa ankor

ganny kontakte. Nou pe vini avek, pou nou kapab, absoliman pa fer tou keksoz lo nivo Nasyonal.

*As much as possible* revolisyoniz sa *community life* akoz i annan bout Bidze laba '*community life*', nou pe gete ki mannyer nou negosye avek sa.

Ou konnen i pou napa sa bann zafer sakenn son pti bout Bidze. Taler mon'n ganny demande en kestyon mon'n bliye reponn lo i Bidze i laba. I Bidze Nasyonal Sesel, pou Seselwa. Ou konpran? Kot nou sirtou akoz i lazenés, nou annan par dan tou nou. E nou bezwen negosye, aprann negosye, met en bout laba avek en bout isi an sa lespri kolaborasyon.

So vwala si mon kapab donn ou en pe sa garanti, Onorab lo diferan lafason fer. Selman nou pou fer lo proze pilot e nou pou la annakor parey *PS Palmyre* in fer.

In lans lapel avek tou Manm Onorab, pou donn nou en koudmen letan nou vin tap zot laport. Akoz nou anvi ki sa, *ownership* en bon pe sa bann aktivite, i vin kot bann Manm Lasanble Nasyonal. Mersi bokou.

**MR SPEAKER**



Mersi. Mersi Minis. Onorab Vidot.

**HON AUDREY VIDOT**

Mersi Mr Chairman. Mr Chairman, mon enspire pou mwan pran laparol la apre midi. Minis mwan dan mon distrik Roche Caiman i annan bokou paran ki dan difikilte, fas a lenpak *COVID* e sa bann nouvo sanzman ki Gouvernman, pe fer pa neserman pe amelyor lavi nou Seselwa.

Alors Minis. Eski ou kapab la a sa moman ki mon pe dir la, le moman ki pe enport ki kantite Bidze ki ou annan la, me avek sa ki ou pou gannyen avek vot ki nou pou fer, apre midi, eski ou Minister, ou departman i kapab komans edik nou pep la deor ki pe soufer, *ok?*

E ki bezwen sipor gidans, parey ou'n dir atraver ou bann program, komans dir zot ki bor zot pou ale. Mon pou ranforsi lo la, akoz sa ki Onorab Cosgrow in dir la apre midi la, i pa pe egzazere li. I en realite la deor.

Ki kantite fanmir ek paran pe pas ladan! Silvouple komans edik zot ki zot kapab ofer zot, si ler zot tap kot Lanplwa, zot tap kot *ASP*, partou laport i frenmen. Kote

zot pou ale, ki zot pou fer si zot napa? Mersi Mr Speaker.

**MR SPEAKER**

Mersi. Onorab. Minis.

**MINISTER MARIE-CELINE ZIALOR**

Wi, mersi Mr Chair. Mersi Onorab pou ou kestyon. Sa bann diferan sanzman ki pe arive la, bann transformasyon in annan zis detrwa semenn.

E sa bann program ki nou pe devlope osi tou la. I ankor dan son lanfans. E mon pou pran a ker sa ki ou'n dir Onorab lo kote kominikasyon. Wi, nou pou bezwen fer en pe pli byen lo sa kote pou nou kapab edike.

Be selman mon ava osi lans lapel profite, avek ou permisyon Mr Chair. Responsabilite ledikasyon i enkli nou tou ki dan lasal la. Ledikasyon, nou tou nou bann *leaders*, nou sipoze nou osi, dan en fason pozitiv, pou nou kapab edik nou bann dimoun e donn ...

En kantite fwa sa ki ou, sa ki zot pe dir, nou, nou pa *immune* avek sa, akoz kot nou mon asire i vin plis ki kot zot. Mon krwar *PS Bonne* i la, sa kantite dimoun ki nou war, sa kantite let, sa kantite demann ki nou, nou ape gannyen. Sa

kantite negosye ki nou fer avek bann lezot Minister.

Sa kantite *case* ki, en kantite ki mon asire zot pa tro okouran ki nou, nou pe *deal* avek. Li osi i bokou. E nou, nou konnen poudir sa i normal akoz sa sityasyon kot dimoun i santi li ladan i annan en kantite, en santiman dezesperasyon en pe, avek sa.

Be dan lot kote osi, i annan en kantite dimoun ki pare pou ede la deor. Sanmenm sa ki taler mon ti pe koze ki letan Onorab Henrie ti pe fer sa komanter, sa pledwari ki i annan sa. E fodre pa ki toultan nou penn en portre kontinyen dezespere, akoz dimoun pou kontinyen dezespere.

I annan program, i annan bann dimoun ki pare osi pou li donn en koudmen.

Parfwa, de fwa depandan lo nou, lo nou, nou ki nou pou gannyen *out of it*. Nou swazir, kwa ki nou, ki nou edik dimoun ouswa kwa ki nou, ki nou fer e mon dir mon ankor, nou tant pou nou annandler, koman imen kontan bann keksoz konmsi negativ, apre akoz nou kapab fer en bon pe zistwar lo la.

I annan en kantite keksoz ki pozitiv kot bann dimoun in pare ki vini, ki anvi vin devan pou li kapab, pou li kapab ede.

E nou, nou a pe ankouraz sa bann dimoun e nou e bann dimoun parfwa osi tou ki ganny ede li. Medya pa *showcase* sa li, i *showcase* zis sa bann ki dan problemm.

I annan en kantite dimoun ki ti dan problemm, ki'n nobou kapab sorti dan problemm kekfwa i ava donn en ledikasyon pou li edik, son frer ek son ser ki li in fer. Pou li tir son lekor dan sa bann sityasyon.

Ler nou dir *empowerment*, nou dir transformasyon nou bann fanmir. Vwala ki mannyer nou fer dimoun for. Apre osi, nou konnen sa ki nou pou dir i pa popiler, me selman mon pou bezwen dir Mr Chair.

Difikilte dan nou lavi familyal, i pa en move keksoz. Bann pti difikilte ouswa bann gro difikilte, senm sa ki fer nou for sa.

De fwa sa kalite, sa bann kalite ledikasyon ki nou'n, nou, nou pe siperfisyelman, tro protez dimoun pou fer zot krwar, ler ou pas dan difikilte savedir nou pa kontan ou, savedir nou mal. La i en danze sa.

I zis parey bann paran kot nou tro protez nou zanfan, nou pa les li pas dan difikilte, pou li dir ou konnen kwa. I a pe sey rode akoz, akoz loto pa marse.

Napa batri ladan, les li pa dir li poudir napa batri ladan. Les li *figure out* en pe, akoz si ede devlop bann *muscle* dan son latet, ki nobou kapab fer li kapab.

Akoz apre letan COVID-19, COVID 20, 21,30 i vini nou annan nou en popilasyon, en sosyete ki for. Nenport ki sityasyon i ava kapab *deal* avek. Nou kot fanmir se sa, bann lentervansyon direk se bann Departman Sosyal ki fer.

Nou, nou manda se pou nou kapab fer sa ki prezan la letan i pou vini dan 5an, dan 10an lezot keksoz. Nou bann dimoun i kapab for. E difikilte, nou bann gran paran, lezot dimoun ki'n pas ladan, sanmenm sa ki'n fer nou for ozordi.

E mon ti a kontan osi kekfwa sa bout ledikasyon nou osi dir ek sa dimoun. 'Non pa *give up* ou!' Ou pou arive, nou a regarde kwa. Asize ansanm nou a gete ki nou kapab fer.

Petet dan plas toultan nou dir ek li al laba, al laba. Mon krwar i annan dimoun ki kapab rezourd en pe. Nou nou'n fer kot nou, dimoun donn zot lanmen pou zot kapab rezourd zot problem, en pe, anmezir nou atrap en kote lanmen, lot kote lanmen nou dir ek li nou atrap sa kote lanmen, lot kote lanmen

fer en pti pe keksoz pou ou kapab, pou ou kapab debrouye.

E mon konnen, mon, mon, mon kapab dir poudir i annan dimoun vre pe pas en move karder. Vre zot pe pas ladan e nou, nou kapab anmenn atraver nou bann diferan soutyen *counselling* pou nou, kapab anmenn ...

I annan dimoun ki bezwen zis ou ekout li, i tir son fristrasyon ki nou fer bokou. Apre ansanm nou nobou kapab regarde ki bann diferan solisyon. Ozordi sa enn pa marse. Nou dir ou konnen annou sey en lot, annou sey en lot. Ziske ler nou ava kapab arive. Mon konnen mon en pti pe long Mr Chair, eskize mon en pti pe pasyonnen pa sa topik, *but* mersi bokou.

### **MR SPEAKER**

Mersi. Onorab Naidu.

### **HON SATHYA NAIDU**

Mr Speaker. Bonn apre midi. Bonn apre midi Minis ek ou delegasyon. *PS*, mon bezwen eksprim mon dezapwentman, total lo larepons ki ou ti'n donner an sa ki konsern Lalwa Domestik ki ti ganny adopte, depi le 26 Me 2020. Mon pa konnen akoz in pran zot tou sa letan pou zot met sa Lalwa an aplikasyon.

Pa vo lapenn zis donn zot en Lalwa, apre zot pa pe met sa an aplikasyon! I enportan ki le neserer i ganny fer. Ler mon pe al lev mon lanmen pou aprouv sa Bidze, mon le en garanti ki poudir ki sa Lalwa pou ganny met an aplikasyon!

Ki piblik pou ganny edike e tou bann *stakeholders* relevan pou ganny sa priyorite neserer, pou kontribye anver sa Lalwa pou fer sir i sa size i ganny adrese.

Akoz vyolans domestik espesyalman letan *COVID*, nou'n war avek sa *lockdown* ki ti'n ganny enpoze, kantite fanmir in soufer. E ou pe dir mwan, Lalwa in ganny aprouve me selman le neserer pa'n kapab ganny fer?

*I'm sorry*, mon bezwen eksprim mon dezapwentman e mon swete ki le neserer pou ganny fer enn fwa pou tou!

E mon konnen ki avek en Minis, ki annan sa lavolonte, ki annan sa dezir, ki annan sa pasyon keksoz pou sanze. Mersi.

### **MR SPEAKER**

Mersi on Onorab. *PS* ou ti ava kontan reponn sa.

### **PS MARIE-JOSEE BONNE**

*Ok*, mersi Mr Chair. Onorab isi Sesel nou'n vwar plizyer Lalwa

ki nou krwar i Lalwa, ki pa'n zanmen ganny en *commencement date*!

Alors nou, nou oule fer sir, ki ler sa *Domestic Violence Legislation* la, ler nou dir la i pe al ganny met an aplikasyon. E *the Family Violence Protection Victims Act* i ganny *repeal*, tou sa bann nwayo ki sipoze an plas, i an plas.

Nou le fer sir ki lapolis premyerman, i annan son fason ki i anmas son levidans. Nou le fer sir ki Lasante i annan son par ki'n fini met pare. E sanmenm, i nou ti kapab dir wi annan en *commencement date*.

Me selman nou ti, nou konnen nou konvenki ki sa bann diferan *partners* i pa ti ankor pare.

Alors, nou pe fer sir ki sa bann keksoz ki enportan pou enplimantasyon sa Lalwa, i ganny met an plas, avan ki Minis i kapab dir wi nou ava annan en *commencement date*.

### **MR SPEAKER**

Mersi. Onorab Esparon.

### **HON REGINA ESPARON**

Mersi Mr Chair. Mr Chair mon pe rode kot mon pou komanse avan. Tro bokou.

### **MR SPEAKER**

Non silvouple fer li. Al direk, lo kestyon si ou annan akoz letan pe kit nou.

### **HON REGINA ESPARON**

Mon annan mwan. Mon pe, letan mon pe regard ‘*current challenges.*’ Mon pe regard zis bann negativite.

‘*Poor understanding across several platform.*

*Inadequate monitoring, evaluation, mechanism,*

*Inability to fully establish a relevant database.*

*Inability to respond more effectively,*

*Inappropriate infrastructure.*’ Konmsi mon pe zis bann negativite.

E sa i fer mon demann mon lekor, mon konpran Minis i dir i annan nouvo program, zot pe mazine *for Poverty Alleviation*, eski i krwar ki dan sa Bidze, i annan ase *fund* pou kapab ed zot met an plas sa nouvo, met an mars sa nouvo program pou kapab *overcome* sa bann ‘*current challenges*’, sa bann defi ki li menm li in dir nou? Li menm i dan sa Bidze. Sa i premye Mr Speaker.

Dezyenmman, ler mon pe regarde Mr Speaker, nou pe koz lo sa *Lalwa Domestic Violence Act* la, i annan sa zafer *half way home, half way home* pou bann *battered woman*. En keksoz ki

toultan nou'n demande e madanm Bonne ou familye avek sa ou. Mon krwar toultan in sonnen dan ou zorey, pou nou ganny en *half way home*, pou bann madanm ki ganny abize.

Madanm ek zanfan ki ganny abize. E sa en keksoz nou'n koz longman dan lepase lo la in menm annan bann Mosyon ki'n ganny anmennen dan Lasanble par mwan menm, par Onorab Ghislain, lo sa size pou nou annan en *half way home*. E ziske prezan nou pa ankor tann nanryen.

Mr Speaker, petet Onorab *LOTO* ava dakor avek mwan, nou dan distrik Glacis nou annan, *Home for the Elderly*, i apel Kazern. Nou annan *Psychiatric Unit* en bout laba, Glacis. Nou annan *Hospice* kot nou, nou annan en bout *APDAR*.

Nou annan *Homeless*, nou annan *VTC*, nou annan *autism*. Be sa bann *homeless* la, eski sa program *homeless* pou kontinyen parey i ete ozordi?

Parski mwan mon fatige vwar, i annan en tonton nou apel Dyendyenn. Mon fatige war “Dyendyenn” in ganny en landrwa dormi aswar, bomaten i pe fouy dan bin.

Sa kantite dimoun ki pe ganny met anba sa program *Homeless* sa pti landrwa ki nou

annan, eski la nou pe dir an 2021 nou pou kontinyen avek sa pti bout ki nou annan. Kot sa bann dimoun i ganny en plas dormi aswar. E bomaten zot al foy dan bin? Eski sa ki nou anvi war 2021?

Mon pou mwan sa ki trakas mwan Mr Speaker. E ler ou pe gete tousala in ganny *dump* dan distrik Glacis.

Mon anvi konnen ki annan dan sa Bidze pou kapab, *overcome* sa bann defi. Mersi Mr Speaker.

### **MR SPEAKER**

Mersi. Onorab. Minis.

### **MINISTER MARIE-CELINE ZIALOR**

Wi, mersi Mr Chair. Mersi Onorab pou bann kestyon. En pe mon krwar fristrasyon. Dernyen, pou dernyen kestyon sa i en zafer. I Departman Sosyal. I pa Departman Lafanmir letan zot a vini petet kekfw zot ava eklersi sa pou ou. Lo kote *half way home* mon a demann *PS* apre pou li reponn.

Lo kote bann defi. Sa bann defi ki la lo kote *Poverty Alleviation*, i parey in ganny *submit Poverty Alleviation* ti *submit* sa avan ler ofisyelman ti ganny anonse, ki in fermen.

Sa i pou ganny revi si annan okenn, akoz en bon pe sa bann defi i lye avek sa bann larestan fonksyon zot ti pe fer, ki kekfw prezan la in sorti kot Departman Lafanmir. I pe al en lot departman. I ava defi, en lot Minister laba.

Bann ki pou nou, nou pou pran sa bann defi o serye. E nou fer mannyer pou nou kapab regarde ki mannyer nou kapab *mitigate* sa bann defi.

Mon ti ava petet envit *PS Bonne*, pou koz lo *halfway home*, oubyen bann lezot keksoz ki mon'n manke. Mersi.

### **MR SPEAKER**

*PS*, wi.

### **PS MARIE-JOSEE BONNE**

Mon a zis azout en, pti bout an sa ki konsern bann zafer *databases*, *information management system*, eksetera.

Nou konnen poudir nou'n devlop bann endikater. Sa bann endikater, *MPIS* in ganny devlope.

I annan en *Technical Committee* ki konpri bann diferan lazans. Prezant, nou pou kontinyen nou travay pou nou fer sir ki nou, nou, nou fer sir ki tou sa bann lenformasyon i azour.

E nou fer sa an etrwat kolaborasyon avek Biro



Statistik. I en travay ki nou'n travay ansanm byen pros, parey mon'n dir oparavan. E i annan sa eleman ki nou pe dir nou anvi travay lo en *social register*.

Pei i anvi annan en *social register*, i annan en kantite lenformasyon dan pei, me selman nou napa sa *database* konkret. E *Economic Planning* pe travay dir pou kapab fer sir ki sa i ava ganny met an plas. Akoz sa i pou ed nou kapab vin pli efikas dan ki kalite program ki nou devlope.

An sa ki konsern *halfway home*. Mon pa pou apel li *half way home*. Ou konnen toultan mon dir *it's a one stop Centre* kot bann viktim, bann *survivors* i annan en landrwa kot zot kapab ganny en rekour, zot kapab ganny en labri.

Me selman, zot a ganny lenformasyon osi ki mannyer zot kapab *overcome* sa ki zot in pas ladan. E nou konnen poudir later in ganny donnen.

Nou travay lo plan pou sa landrwa, e apre petet lannen prosen ler i ava annan larzan, oubyen si i ava annan en benefakter ki ava donn nou larzan.

Nou a komans batir landrwa. Mersi bokou.

**MR SPEAKER**

Mersi mon ava permet Onorab Pillay, pran dernyen kestyon. Onorab Pillay.

**HON SEBASTIEN PILLAY**

Mersi Mr Chairman. Mr Chairman mon krwar Minis fodre ou realize poudir ler ou annan sa tit Minis ou en politisyen. *No matter what* sa ki ou dir nou, ou en politisyen.

E mon krwar bann Manm Onorab in fer kler, Onorab William, Onorab Esparon, e menm bann Onorab lo kote latab isi, Onorab Cosgrow, Onorab Vidot, fer kler pour ki i annan en *interface* ant ou ek nou. I pa zis ou, ki dan sa travay. E ler ou pe koz lo problem reel Minis, petet mon a met en problem reel devan ou.

Bann zanfan ki lekol Praslin pe ganny demande pou vin fer *induction* Mahé. Kantite paran ladan ti lo *URS*, kantite larzan ki zot annan pou pey tiket sa bann manrmay zot napa.

E tou sa bann zanfan pe ganny demande pou desann Mahé. Sa i reel sa. Petet en keksoz ki ou ti a kapab fer Minis se *interface* avek ou koleg kot Minister Ledikasyon, e demann zot, si pa ti ava meyer pou Minister Ledikasyon mont Praslin, pandan en letan difisil

kot paran napa larzan pou pey de tiket ale/retour, pou manrmay desann Mahé pou fer *induction* sa kantite manrmay.

E avek lefe ki annan COVID, sa bann manrmay pa kapab ganny risk ganny lenfeksyon. E nou ava minimiz lakantite dimoun ki pe bouze pandan sa letan.

Sa en keksoz ki en Minister Lafanmir i devret pe fer. *Take care of* nou bann zenn, nou bann fanmir Seselwa.

Mon krwar Mr Chairman en lot keksoz ki mon le met devan Minis la se ki, nou pe ganny tro bokou bann *statement* lo sa bann travayer bann *former* departman ki pe frenmen.

Yer, avantyer, *well* de zour, trwa zour, kat zour pase. Vis-Prezidan ti vin dir ek nou koumsa, le 26 Fevriye, ki Departman Lenformasyon bann *staff*, pou ganny, zot pou fer fason pou ganny *redeployed*.

Sa ki Vis-Prezidan pa'n dir nou, se ki let *redundancy* ti'n fini ganny ekrir le 25 pou donn sa bann *staff*! E prezan nou pou nepli koman Lasanble zis pran ou larepons ki sa bann *staff* pe ganny diskite.

Nou ti a kontan ganny laprev Minis, ki diskisyon ki'n ganny fer ek bann *staff Poverty*

*Alleviation?* Ki ou'n dir pou ganny *redeployed*, oubyen bann opsyon pou ganny donneren.

Si ou pe fer zot *redundant* dir nou ou pe fer zot *redundant*. Me pa vin devan Lasanble poudir nou i annan diskisyon ki pe ganny fer ek sa bann dimoun. Akoz mwan mon annan mon posesyon, let, travayer Departman Lenformasyon ki'n ganny ekrir depi le 25 Fevriye. Pa kot ou Minis.

Sa ki mon pe fer se ki i vin en zeneralizasyon lo Gouvernman, akoz ler mon ti demann PS pou ladministrasyon, Sef Sekreter Ladministrasyon, i ti dir ek mwan koumsa ki zot pa ankor ganny bann *let redundancy or something like that*.

So, mon krwar i enportan ki nou'n vin donn Lasanble bann lenformasyon korek.

Mwan sa ki kler se ki ou departman i bezwen en Bidze, ou departman i bezwen en Bidze; ou departman i bezwen en Bidze E pou siport mon ser Onorab Esparon sa ki pe dir vizavi *halfway home* i en keksoz enportan.

E son bann konsern i pa bann konsern fristrasyon. I bann konsern ki tou dimoun Glacis, North East Point i eksprimen, akoz nou fatigue war

sa bann msye pe marse partou. *Ok?* So i enportan sa.

Dezyenmman en keksoz ki mon le devret met devan Minis Mr Chairman avek ou permisyon, vi ki mon pe ganny sans *close* sa deba, se ki donn nou en langazman Minis. Mon konpran an teori en kantite keksoz ki ou pe dir. Me la pratik ou bann teori la, i la ater ek bann sityasyon ki difisil. I diferan.

(Onorab Woodcock, mon ti a ekspekte ou *deal* avek sa bann paran Praslin dan plas ou vin ...)

**MR SPEAKER**

Silvouple, Onorab.

**HON SEBASTIEN PILLAY**

Mon bezwen vin fer ou travay pou ou Onorab. Mon bezwen vin fer ou travay pou ou. *Ah* Onorab.

**MR SPEAKER**

Onorab. Onorab Pillay. Silvouple kontinyen. Les mwan mon a *deal* ek lezot Manm.

**HON SEBASTIEN PILLAY**

Mersi, Mr Chairman. Mersi bokou. So Minister, sa ki mon ava met devan ou e mon enplor ou. Se ki angaz, angaz maksimonm partener, pou nou kapab *overcome* sa sityasyon.

Sirtou par lefe ki ou Minister in ganny sa problemn dan en letan pli difisil avek sityasyon *COVID*. Mersi Mr Chairman.

**MR SPEAKER**

Mersi. Minis.

**MINISTER MARIE-CELINE ZIALOR**

Mersi Mr Chair. Mersi Onorab pou ou kestyon, apre en pe bann *statement*. Mon respekte ou lopinyon me mon pa dakor avek zot.

E mon pa bezwen dakor avek zot.

*(laughter)*

**MINISTER MARIE-CELINE ZIALOR**

E, *whether* mon en politisyen ouswa non, mon krwar mon ki konnen. E, non akoz lafason fer i diferan. Sanzman sa. E letan i annan sa bann transformasyon nou pe ekspekte, ki annan en pwennvi diferan, en pwennvi opoze. Nou respekte. Tou sa bann keksoz ki ou'n dir poudir pratik ensidswit, nou pe fer. E si i annan okenn laprev, levidans dan departman ki nou nou'n

donn okenn let dimoun, nou ti a kontan kekfwa sa i ganny anvoye kot nou akoz nou konnen nou, nou pa'n donner.

E zeneralize parey ou pe dir ou pe zeneralize e sa keksoz, e sa sityasyon, kot bann dimoun pe marse lo semen nou'n dir poudir sa i en keksoz pou Departman Sosyal.

E nou bezwen pran bann kestyon, ouswa bann keksoz ki nou Bidze i *allow* nou pou fer, ki donn nou ziridiksyon. Nou bezwen pran responsabilite nou pa kapab pran responsabilite en lot Minister, en lot departman.

Selman mon pou pran ou sizesyon travay kolaborasyon, vwala ki mon pe dir depi ler mon dan Lasanble.

Mon pou dir nou pe travay an kolaborasyon. *Whether or not*, i annan okenn bann Manm zot kapab petet kekfwa pa dakor ouswa pa krwar dan sa ki nou pe anmennen.

Be selman nou, nou annan konviksyon poudir nou annan bon lentansyon e nou bann program, i bann program ki realis. I diferan, e mon kapab konpran akoz kekfwa Onorab Sebastien pa pou konpran, mon pa pe ekspekte li ki i konpran. Mon pa pe ekspekte bann dimoun pou konpran. Akoz i en filozofi. I en

keksoz diferaman. E ou konnen dan lavi sa ki ou krwar ladan ki ou fer, ki ou krwar.

So nou krwayans i diferan. Mon pou fer *statement* poudir nou respekte diferans, diversite i en Lalwa lanatir. I enportan. I normal ki nou annan diferan, diferan versyon opoze. I pa vedir ki letan nou diferan nou, i en move keksoz, i en bon keksoz sa.

E nou demokrasi Sesel se sa ki nou viv atraver. E i annan bann keksoz, ki nou pou vin eksplike. Mon pa pe ekspekte ki tou dimoun i konpran. Be selman i pa vedir ki i mal. I annan keksoz ki zis i en pwennvi, i en persepsyon. E mon konnen poudir mon bann persepsyon en kantite fwa, i vremen diferan avek pou larestan dimoun. Be dan sa sityasyon ki vremen diferan ki lemonn pa'n vwar, nou bezwen bann lide.

Bann fason koze, ki lemonn pa ankor vwar. Mersi Mr Chair.

### **MR SPEAKER**

Mersi, mon apresye. Onorab Pillay nou pa pou prolonz sa deba silvouple. Ou'n dir en keksoz. Minis in donn ou repons.

### **HON SEBASTIEN PILLAY**

Non, non Mr Chairman mon pa pe prolonz deba mwan. I annan en lenformasyon ki nou'n *request* e nou pou komans demann tou bann departman pou *provide* nou, an relasyon avek Departman Lapovrete.

Nou ti a kontan ganny en rapor lo, ki pe arive ek bann *staff*? Akoz sa i nou drwa koman Lasanble pou ganny sa lenformasyon.

Pou nou konnen egzaktaman ki pe arive, e ki pe ganny dir? E si sa ki pe ganny dir i korek e mon koman Onorab Sebastien Pillay Minis, ou pou toultan dir ou sa ki mon krwar mon devret dir ou. Mersi, Mr Chair.

**(APPLAUSE)**

**MR SPEAKER**

Mersi Onorab. Minis, Minis a note. Nou a pran vot lo *Department of Family Affairs*. Lo paz 300, lo paz 226 ziska 323, pou en Bidze R13milyon 323mil.

Manm ki an faver lev lanmen silvouple?

*(Interruption)*

**MR SPEAKER**

En pe lord silvouple. Ale, aret bann komanter silvouple.

Madanm Clerk. E okenn ki kont? Mersi.

Bidze pou *Department of Family Affairs* lo paz 226 ziska 323 pou R13milyon323 mil in ganny 26 vot pour, 0 vot kont e 5 abstansyon.

Alor Bidze in aprouve. Mon ava dir zot mersi. Premyerman les mwan remersye bann zofisye *Family Affairs* pou zot prezans e zot partisipasyon.

Mon eksprim mon regre, ki nou'n al en pe long pou sa sesyon. Nou pou pran ankor en *entity* apre midi. Nou pou rezwenn 4.30, pou *National Sports Council*. Mersi. Nou ava pran en poz.

**(BREAK)**

**NATIONAL SPORTS COUNCIL**

**MR SPEAKER**

Avan nou komanse, en pti mo lo konsern leve par Onorab Pillay. Lo sityasyon bann etidyan Praslin. Ki anefe Onorab Woodcock ti'n met a mon latansyon. Zis avan nou antre 2er, e Onorab Pillay mon krwar ou konsern in ganny byen apresye.

Mon'n kominik avek Minis Ledikasyon. I dir mwan en problem se ki sa bann

*induction* in ganny organize par diferan lekol par zot menm. E menm anba diferan Minister. Me selman in angaze pou li gete, si okenn alternativ i kapab ganny fer. E si i kapab donn plis lenformasyon so, mersi bokou.

Wi, nou pou pran Bidze *National Sports Council*. E mon a akeyir son bann zofisye, ki la avek nou. Mr Jean Larue, *Chief Executive Officer* e madanm Lisette Nolin *Senior Accountant*.

Bidze *National Sports Council*, lo paz 238 - 243 pou en total R67milyon 61mil. E avek sa mon a envit Minis pou entrodwir sa Bidze.

**MINISTER MARIE-CELINE ZIALOR**

Mersi Mr Chair. Konsey Nasyonal pou Spor pe demann Lasanble Nasyonal pou aprouv sa Bidze ki en logmantasyon apepre 7.1milyon. E sa logmantasyon, i diferan fakter ki mon pou zis tous briyevman lo la apre CEO i ava kapab donn plis lenformasyon.

I aköz nou'n abzorb en bout Bidze sorti kot Departman Gouvernman Lokal pou lenfrastruktir, pou mentenir lenfrastruktir spor dan bann distrik.

E apre i annan bann larestan restriktirasyon, sirtou ki annan pou fer en

lenfrastruktir ki'n fer sa Bidze ogmante sa lannen. E avek sa mon konklir, sa pti *summary*. Mersi Mr Chair.

**MR SPEAKER**

Minis eskiz mwan mon enteronp ou tren. Nou a kontinyen. CEO ti pou adres en bout sa. Nou a pran kestyon *ok*. *Ok* nou ava komans ek kestyon. Les mon a komans ek Onorab Lemiel sa kote.

**HON SYLVANNE LEMIEL**

Mersi Mr Chair. Minis oubyen CEO, mon ti a kontan konnen. Mon vwar dan zot *PSIP* i annan R1.5milyon, kot i konsern bann amenazman bann fasilite.

Eski sa sonm li menm i ase? Oubyen sa R1.5milyon pe ganny servi pou amenaz zis en fasilite antan ki annan bokou?

E osi mon ti a kontan lo kote distrik li menm, nou konnen *Local Government* ti pe *manage* en bon sa bann pti laplenn ki vwar en pti pe partou, partou.

Anse Royale i enn parmi ki annan, i *vast* pou li i gran. Me pa ti pe *manage by Local Government but NSC*.

So, mon pe regarde ki bann amelyorasyon ki petet *NSC* pe mazin pou fer lo bann fasilite Anse Royale?



Dezyenmman mon ti a kontan konnen sa proze *Regional Sports Center* eski i ankor lo *drawing board NSC*? Akoz mon pe mazine sa lannen, i pe napa larzan pou fer sa. Me eski i ankor dan zot plan pou zot kontinyen ek sa proze?

Aprè mon war dan enn zot bann *challenges, 'use of sports facilities and manpower to deliver program at district level*. Eksplik enn pti pe ki bann problemm vreman ki zot ti pe gannnen pou zot servi sa bann *sports facilities*? Mersi.

**MR SPEAKER**

Mersi Onorab. Minis. PS i a pran.

**MINISTER MARIE-CELINE ZIALOR**

CEO i ava pran bann kestyon Mr Chair.

**MR SPEAKER**

CEO?

**CEO JEAN LARUE**

Bonn aprè midi Lasanble. Mersi Mr Chair e Onorab pou ou kestyon. Premyerman sa ki ou'n demande. Premye kestyon se sa 1.5 milyon, sa i *upgrade sports facilities at district level*.

Se sa sanmenm sa larzan ki'n sorti ek *Local Government* ki'n prezan vin avek *NSC* akoz

nou bezwen fer travay kontinyasyon ki zot, zot ti pe fer. So sa mon krwar, i kler lo sa enn.

Dezyenm pwen, ou pe dir *Local Government* lontan ki ti, *well* Anse Royale laplenn, ti ganny *managed* par *National Sports Council*.

E parey ozordi zot tou zot in konnen, zot in tande se ki tou bann fasilite distrik in deza ganny mete avek *National Sports Council* enkli Anse Royale.

E travay ki pe ganny fer la, an se moman se en *status* pou nou konnen *état de lieu*, ki manner nou pou antreprann pou nou fer sir tou sa bann, sa bann laplenn sa bann lenfrastruktir i ganny mentenir.

E enn bann fason ki letan nou pe diskite avek, avek mon tim. Se ki nou pou bezwen priyoritiz. Par egzanp i annan bann laplenn, oubyen bann *fields* ki ganny servi par bann tim premye divizyon, dezyenm divizyon eksetera. Ki ganny servi pli o kouran, sa bann nou bezwen fer sir poudir nou kit li lo *top* nivo.

Me selman an menm tan nou annan en bann laplenn, bann fasilite ki dan sou distrik sa bann nou bezwen gete ki manner nou planifye pou nou fer sir poudir zot reste a zour.

Bann *projects*, ou'n koz proze Anse Royale. Wi, sa proze i reste lo *drawing board*. Me solman i enportan pou nou dir dan sa Lasanble, se ki nou bezwen. Nou bezwen priyoritiz nou tou proze ki nou ti annan.

Akoz vre dan lepase nou telman annan, anvi fer tou keksoz, e pi nou'n remark, nou'n konnen nou tou nou pa kapab fer li.

So nou'n bezwen pran enn par enn fini. E mon'n tann Prezidan dir, nou bezwen fer en proze, e enn fini. Pran en lot fini. E sa nou bezwen, se sa lapros ki nou pe fer la ozordi. E sa mon pe dir ou wi, sa proze Anse Royale e lezot i lo *drawing board*.

Prezan letan ou'n koz sa katriyenm pwen, '*use of sports facilities and manpower to deliver program at district level.*' Sa i relye aköz, bann fasilite distrik ler nou'n me li azour, nou ekspekte ki bann distrik prezan i pran sa bann fasilite.

Zot pran *ownership*, en fason nou pe travay ansanm avek dan nou restriktirasyon. Ki nou minimiz, oubyen maksimiz *the use of facilities* dan distrik.

E pou nou fer sa osi nou bezwen plis *manpower*, e *manpower* i vedir dan administrasyon distrik i annan

dimoun ki kapab travay ansanm avek nou. So en kote nou pe donn *ownership* bann distrik pou zot osi ed nou relev sa defi.

### **MR SPEAKER**

Mersi *CEO*. Mon annan. Wi, Onorab Lemiel.

### **HON SYLVANNE LEMIEL**

Mr Chair. Mon, aköz sa ti enn son *challenge*. Mon le konnen ki *challenge* ou ti pe gannyen ki ou pa'n kapab, konmsi akonplir sa. Aköz ou'n met li dan enn pou bann *challenge* ki ou ti pe gannyen. Ou'n eksplik mwan ki manner ou pe al fer sa. Be ki *challenge* ki ou ti pe gannyen avan?

### **MR SPEAKER**

Mersi Onorab. Wi.

### **CEO MR JEAN LARUE**

I vre aköz sa bann fasilite pa ti bann fasilite *Sports Council*. Nou ti pe ganny difikilte par egzanp pou ganny *access* avek serten fasilite. *Ok?* So pou nou prezan i vin en *challenge* ki ozordi nou kapab, lefe ki nou pe mentenir li.

Nou kapab amenn lezot program dan sa landrwa. E sa i program sorti sirtou avek *Sports for All*. *Ok?* Se sa la -

**MR SPEAKER**

Wi, *CEO* fini. Mersi. Mon annan 21 Manm lo mon lalis. Alor mon pou demann sak Manm limit zot lekore pou de kestyon. Onorab Loizeau.

**HON NORBERT LOIZEAU**

Mersi Mr Speaker. Bonzour *panel*. Mon ti annan 6 kestyon Mr Speaker.

**MR SPEAKER**

Ah, be pa posibil.

**HON NORBERT LOIZEAU**

Ma koup de. Mon get sa de ki en pe. *Ok*, Mr Speaker mon a swazir de dan sa 6.

Mr Speaker mon anvi demann, demann *panel*, vi ki mon'n war lo kote Federasyon i annan serten keksoz zot pe fer lo Konstitisyon ki gouvèrn bann Federasyon.

Eski zot kapab dir mwan si, tou Federasyon akòz zot in partisipe dan en konpetisyon enternasyonal or lokal eski zot prezant en rapòr avek *NSC*?

Mon dezyenm kestyon, mon anvi demann *CEO Larue* wi. Ki fason ki bann atlet i ganny swazir pou al lo *High Level*?

Eski i atraver zot Federasyon, ouswa Minister li menm ki swazir? Akòz mon pe demann sa, akòz i annan serten

atlet O Nivo la mon pe koz atlet fanm, madanm.

*Felicite Passon*, ki'n anmenn meday, *in go through* son Federasyon. Son Federasyon pa'n fer nanryen, kot son *coach* in bezwen.

Mon'n bezwen fer son *coach* vin kot Minis, pou sey negosye pou li sey antre lo *High Level*. Se sa rezon ki mon pe demann sa kestyon.

**MR SPEAKER**

Mersi Onorab. Wi *CEO*.

**CEO JEAN LARUE**

Mersi Mr Chair. Premye kestyon *regarding* Konstitisyon bann Federasyon.

Wi, *NSC* i egzize ki fodre bann Federasyon zot annan en Konstitisyon sa ki ed zot ki manner zot pou *operate*.

Me letan dan nou *challenges* nou'n vwar poudir i annan en kantite bann Konstitisyon ki vye. Zot pa azour. E nou ozordi dan nou restriktirasyon, dan nou transformasyon.

Nou pe *set up* en seksyon *compliance*, entegrite pou fer sir poudir prezan nou pe gete. Fer sir poudir zot pe, zot Konstitisyon i azour.

Dezyenm ki zot respekte zot Konstitisyon a la let. E wi, i annan letan zot al fer bann

konpetisyon enternasyonal ankor i egzize, ki zot prezant en rapor.

I pa zis en rapor, teknik me solman la fason ki zot in servi larzan Leta. Me selman nou bezwen rekonnet e dir nou'n ganny difikilte par ler pou nou ganny bann rapor.

Se pour sa rezon ozordi, dan nou restriktire, i annan en seksyon ki pe zis get ki nou apel sa *compliance section*. Ki pe get lentegrite, i pe get lasirans e sa i nouvo ki lontan nou ti napa. E li i pe swiv vre tou sa bann travay ki bann federasyon i fer.

Wi, ou'n koz *High Level*. Normalman bann Federasyon zot annan zot bann prop kriter ki zot, zot sizer avek *NSC* pou met zot atlet lo *High Level*.

I annan i fer, mazorite i fer. Me selman dan sa enn *case* ki ou'n koze, nou konnen. La ozordi avek nou nouvo stratezi avek transformasyon, i annan keksoz pe sanze.

Akoz dan lentere Nasyonal nou bezwen ozordi, annan sa kapasite, koman en lotorite pou nou pran bann desizyon. E sa i enn bann sanzman ki nou pe fer ozordi. Mersi Onorab.

### **MR SPEAKER**

Mersi *CEO*. Onorab Porice.

### **HON DOYACE PORICE**

Mersi Mr Speaker. Bonn apre midi a tous. Bonn apre midi *panel*. Ler mon get sa Bidze, eski *CEO* i kapab dir sa Lasanble ki zot in pare pou travay avek sa nouvo Polisi? Polisi Spor.

Avek sa nouvo Polisi ankor ki pou rol zofisye spor dan distrik, sirtou kot i konsern *Inner Islands*?

Eski bann Federasyon in ganny enformen, lo sa nouvo Polisi Spor? Mersi.

### **MR SPEAKER**

Mersi Onorab. Minis ou ava komanse.

### **MINISTER MARIE-CELINE ZIALOR**

Mersi Mr Chair, zis avan ler kekfwa mon al lo sa trwa kestyon ki Onorab in demande. Mersi Onorab pou kestyon.

Zis pou fer en pwen leklersisman lo konsernan federasyon ki Onorab in demande avan. Nou annan en program, nou a pe fer serten bann negosyasyon, bann diferan - nou pe fer bann diferan *meeting* avek bann diferan lasosyasyon.

Ek bann diferan federasyon e nou okouran poudir i annan serten difikilte.

E nou pe, nou pe la nou pe mel en kou ladan pou nou

kapab regarde ki mannyer nou kapab rezourd. Ansanm avek sa bann federasyon, ansanm avek tou dimoun ki enplike.

Zis pou *at least* pour reasir Onorab poudir nou pe fer serten travay lo sa kote. Lo kote Polisi, eski sa Bidze i kapab ede pou NSC enplimant bann Polisi?

Se egzakteman sanmenm sa ki nou pe fer. Mon krwar CEO i ava koz en pti git lo restriktirasyon. I annan en pe restriktirasyon, en pe fondamantal ki pe ganny fer avek Konsey Nasyonal pou Spor.

Pou fer li vin en Konsey e non pa en lazans spor. Pour li regulariz en pe parey taler sa kestyon ki Onorab Loizeau ti demande. Bann lasosyasyon Federasyon e pou *facilitate*, pou fasilite keksoz pou fer keksoz al en pti pe pli byen. E en pti pe pli profesyonnel dan sa fason.

Lo kote dan distrik avek sa lot kestyon mon ava les Mr Larue reponn. Mersi.

**MR SPEAKER**

Yes, CEO.

**CEO JEAN LARUE**

Mersi Mr Chair. *Regarding* bann fasilite distrik, bann dimoun ki travay dan distrik, sa i ankor, i en travay ki nou

ankor pe fer la, la ozordi. Parey mon'n dir ou dan transformasyon. E byento nou a dir zot egzakteman ki mannyer i pou vini.

Me solman nou oule ranforsi e donn kapasite sirtou lo sa *Inner Island*. E mon pa pou, konmsi pa pou devwale la. Me selman mon garanti ou pou annan serten sanzman. Kot nou kapab anmenn li lo en lot nivo.

Lot konsernan bann Federasyon. Si bann Federasyon in ganny konsern, zot in okouran poudir i annan en Polisi.

Wi, zot in okouran. Akoz mwan mon konnen a plizyer repriz letan ti pe fer, pe drafte Polisi bann Federasyon e lezot lazans ti ganny envite.

Zot met zot pwennvi, sa mon konnen. Prezan NSC li, i travay avek sa Polisi, nou, nou enplimante parey Minis in dir.

Nou, nou loperasyon, nou, nou lo teren e sa ki nou fer i bezwen annan en lyen avek sa ki Polisi pe dir. So nou *regulate* e fer sir poudir si Polisi in dir, tou Federasyon ki pe al konpetisyon enternasyonal i devret donn en rapor.

Donn nou *breakdown*, donn nou isi. Nou, nou bezwen *regulate* e fer sir ki sa i arive. Mersi Onorab.

**MR SPEAKER**

Mersi. Onorab Samynadin.

**HON KELLY SAMYNADIN**

Mersi Mr Chair. Mon premye kestyon *PS*. Eski ou kapab dir nou, si annan provizyon dan sa Bidze 67milyon pou renovasyon *Palais de Sport*?

An vi sityasyon deplorab kot bann lekip *handball* e *volleyball* i fer fas avek, sirtou ler lapli i tonbe.

Mon dezyenm kestyon i baze lo Polisi Nasyonal 2013, 2017. Ti dan plan Gouvernman pou kree en lanvironnman soutenab pou spor, ki ava an retour amelyor bann relasyon enternasyonal, sikse Nasyonal e enternasyonal. Plis benefis ekonomik ek en sans pli ranforsi kot i konsern nou idantite e lafyerte Nasyonal.

E an rezilta sa Sesel ti pou vin en destinasyon kot konpetisyon e lantrennman o nivo, i pou ganny promote atraver en fasilite.

Plis spesifikman en *sports complex*, ki ti pou *cater* pou tou sa bann *needs*. Mon ti a kontan konnen Minis, *PS* tout an konsideran lenpak *COVID-19*, kot nou bezwen trouv bann nouvo alternativ pou atrakte touris dan nou pei.

Si i ankor dan plan Gouvernman pou konstriksyon en tel fasilite e si wi kan ki sa proze i eksepte komanse? Mersi.

**MR SPEAKER**

Mersi *CEO*. Minis wi.

**MINISTER MARIE-CELINE ZIALOR**

Mersi Mr Chair mon a zis, pran sa dernyen kestyon apre *CEO* i ava reponn kestyon lo renovasyon *Palais de Sport*.

Mersi Onorab pou kestyon. Definitivman, sa Polisi son lenplimantasyon i la. E enn bann reform ki nou pe anmennen ki nou pe anmennen se i pa zis, nou pa pe donn zis responsabilite Gouvernman pour *fund sports*.

Nou a pe ankouraz *public private partnership*, nou a pe ankouraz sa. E nou'n lans lapel, nou'n tre kontan ki'n nou'n ganny detrwa. Mon'n ganny trwa *proposal* deza, so nou pa pe koz lo zis en lenfrastriktir, nou a pe koz lo deza trwa *proposal* ki'n fini ariv kot nou.

E i annan ankor ki pe vini sirtou en kantite, en kantite lenter lo nivo enternasyonal. E nou ape negosye osi tou avek Departman *Foreign Affairs* pou regarde ki mannyer i kapab ede, dan sa kote, pour fer sir ki sa



bout Polisi kot ou'n lir la, kot nou kapab enplimant li. E i annan serten travay ki mon krwar, kantmenm kontrent Bidze Gouvernman, lo kote sekter prive i annan bann lenvestiser ki'n deza pe komans garanti, pou fer serten lenfrastruktir bann *sports complex*.

Ma envit *CEO Larue* pou reponn sa keston lo *Palais de Sport*, ouswa pou azout sa ki mon'n manke. Mersi.

**MR SPEAKER**

Mersi. *CEO*.

**CEO JEAN LARUE**

Mr Chair mersi. Premye keston Onorab an ki konsern *Palais de Sport*. Wi, nou annan en Bidze ki 2.1milyon pou *Palais de Sport*.

E i vre sa ki ou'n dir, *Palais des Sport* i dan en leta, ki pa akseptab.

Me i pa en keksoz ki'n ariv yer. Anfet semenn pase, de semenn pase, nou'n bezwen ganny en kontrakter avek *drone* ki'n kapab al anler. Akoz avan sa, dimoun ti pe mars lo tol pou al gete oli problem.

E letan pe mars lo sa tol sa bann *brittle* in kas, kase e i dan en leta *well*, pa akseptab. Prezan ler *drone* in tir portre nou'n war anler. Me parkont

letan nou fer *drone* antre dan *Palais*, sa bann, sa bann dibwa ki tenir sa tol, zot osi, zot in komans avarye.

So i annan en travay ki nou pe fer la. Annefe mon ti dan en mitting semenn pase avek Minister *PS Choppy ok?* Pou nou met en tim ansanm pou enn fwa pour tou, rod en solisyon pou *Palais de Sport*, rezourd sa problem.

So sa konmsi i priyorite, priyorite de tou priyorite *Palais de Sport*.

Konsernan dezyenm ki Minis in reponn. Mon anvi azoute osi se ki i *NSC*, nou osi nou pe ganny bann lof, bann lazans enternasyonal. Nou annan bann dimoun ki anvi vin fer bann konpetisyon. Nou'n deza komans fer bann *workation* avek diferan lorganizasyon.

E pli vit ki *COVID* konmsi i donn nou en lespas pou nou respire. I annan bann aktivite ki deza pe alinyen, so i donn nou en lespwar poudir – enn, nou bann atlet i a ganny sans partisipe. Seselwa i a ganny sans osi, dan sans lekonomi i ava ed nou. So konmsi sa i en keksoz ki enteresan.

E prezan dan nou. Sa ki enteresan pou nou dan nou nouvo striktir, nou pe osi prevwar poudir nou annan sa

bout, anba nou ‘*strategic priorities*’ pou etabli sa diplomasi sportif.

Letan ou pe fer sa konmsi prezan ou ganny sa bann Korperasyon ki parey mon pe dir ou. I annan dimoun sorti *Brazil* i anvi vin fer *beach football* Sesel ozordi e zot pare nenport ler. So bann loportinite i la. Mersi.

**MR SPEAKER**

Mersi *CEO*. Onorab Uranie

**HON ROCKY URANIE**

Mersi Mr Chair. Bonn apre midi *panel*. Mwan mon pe get konsernan delo.

Akoz partou kot ou war delo, landrwa kot mon vwar delo ogmante par milyon. I annan landrwa kot mon'n war delo ti annan, e napa ditou pou 2021 ni 22. E 2023, ou kapab donn mwan en pe leksplikasyon lo la silvouple? Mersi.

**MR SPEAKER**

Mersi Onorab Uranie. *CEO*.

**CEO JEAN LARUE**

Wi. Onorab sa kestyon la ki ou pe koz lo la, i en kestyon kle.

Ozordi nou Bidze Minister Finans in dir nou pa pou kapab kontinyen avek sa sityasyon. E ,2.5 i pe dir mwan ki nou annan.

Nou annan bann landrwa ki'n kase *ok*. Bann fasilite ki'n kase e ozordi nou ankor *still* mon pe fer dimoun rode, kote nou pe perdi delo. Savedir nou pe perdi larzan. *Ok?*

Stad Popiler dan bann trou, la kot par deryer kot *Training Centre* i ete, la i en landrwa. Prezan nou pe, anefe nou pe ganny kontak avek *PUC* depi detrwa, en pe letan pase pou nou rezourd sa problemn.

So nou bezwen rezourd sa problemn aköz Minister Finans pe met presyon lo nou osi. Mersi.

**MR SPEAKER**

Mersi. Onorab Philip Arissol.

**HON PHILIP ARISSOL**

Mersi Mr Chair. Bonn apre midi tou dimoun. Avek lanons fer par Minis Hassan dan Bidze 2021. Labolisyon *CSR tax* pou bann biznes la kot bokou klib, sport ti pe benefisye finansyerman. Eski Minis i kapab dir nou, si pou annan en logmantasyon dan lasistans finansyel ki bann klib spor ti pe gannyen?

E eski Gouvernman pou revwar Polisi pou permet bann biznes ki prodwi lalkol e sigaret e pou *sponsor* bann klib spor e osi bann konpetisyon, avek bi met Seselwa premye?

Eski *panel* i kapab dir avek Lasanble, si *NSC* pou met plis lanfaz ouswa pou ankouraz bann federasyon pou anploy bann lantrener lokal kalifye, pou *train* nou bann lekipe Nasyonal olye ki bann etranze avek bann menm benefis ouswa ekivalan? Mersi.

**MR SPEAKER**

Wi, Minis.

**MINISTER MARIE-CELINE ZIALOR**

Mersi Mr Chair. Mersi Onorab pou ou trwa kestyon. Mon le reponn de ladan petet sa enn avek *CRS*. I swiv sa ki mon ti pe mon pe koz lo la ki nou bezwen rod mwayen alternativ pou nou kapab finans *sports*.

E dan sa bann program ki *CEO* pe koz lo la kot i pou annan bann reform, Nou pou envite, nou pou donn lanmen montre *empowerment* avek bann klib, bann dimoun ki dan sport ki mannyer zot zer sa dan en fason profesyonnel ki. Akoz spor li osi i kapab vin en biznes li.

Ki mannyer nou kapab dan plas toultan Gouvernman ki bezwen finans tou keksoz. Pou nou sorti ladan, e ou dezyenm, i tay avek.

E ou dezyenm mon konnen. Nou'n deza koz lo la

dan Lasanble oparavan letan mon ti vini dernyen fwa. Nou pa ankore fer sa travay, be solman nou bezwen komans en konversasyon, lo sa topik konsernan *sponsorship*.

E regarde, nou bezwen fer bon pe konsiltasyon. Regard son merit. Sa i pou definitivman lo latab e mon a les *CEO* koz lo bann pou anploy bann lantrener lokal. Mersi.

**MR SPEAKER**

Mersi. *CEO*.

**CEO JEAN LARUE**

Mersi Mr Chair e Onorab pou ou kestyon. Wi in ariv ler, plis ki i zanmen pou nou, ozordi nou'n ganny loportinite. Nou pe ganny dir bann koup bann lantrener etranze bann ki zot *GOP* pe fini, revwar e annou donn nou Seselwa loportinite.

E sa nou pe fer li ozordi. E mon kontan sa bout ki ou'n dir, annou valoriz sa bann dimoun. E la mon pou demann bann *coaches* osi letan zot ganny sa loportinite, pou servi li byen e montre zot kapasite.

E akoz mon konnen en kantite zot i kapab. So wi nou pou ankouraz nou bann *coach* e nou pou met nou bann *coach* premye. Mersi.

Dezyenm keksoz *regarding CSR*, malgre nou pe

pas dan bann moman difisil la, i annan en kantite bann sport i ankor *still* pe resevwar CSR avek bann biznes. E la mon ti a kontan remersye sa bann biznes ki fidel, ki kontinyen met en pti larzan pou bann klib, bann klib kontinyen soz, sirviv. Mersi.

**MR SPEAKER**

Mersi *CEO*. Onorab Adelaide.

**HON FRANCOIS ADELAIDE**

Mersi Mr Chair. Bonn apre midi a tous. *CEO* avek Minis mon anvi en larepons kale lo la. Akoz zabitan Baie Lazare pe ekoute. Dan zot program *PSIP* lo paz 17 mon vwar i annan R4.5 milyon pou ‘*upgrading of sporting infrastructures* avek fasilite.’

Vi ki Baie Lazare nou ti'n met sa dan proze distrik *Local Government*, akoz nou laplenn son *fence* in kase. I annan lakaz toultour, kot boul i tap dan bann lakaz e kraz *sliding door*, tol e tou bann lezot keksoz i ganny detrir avek boul.

So eski *CEO* dir mwan pou Baie Lazare spesifikman, eski dan sa Bidze, 4.5 la nou annan en larzan pou nou kapab fer en proze imedyatman pou nou kapab *sort out* sa problemn? Mersi.

**MR SPEAKER**

Mersi. *CEO*.

**CEO JEAN LARUE**

Wi. Nou'n ganny nou, Onorab avek koreksyon 1.5. Mon pa konnen kot ou pe lir akoz mwan mon pe get Bidze 2021. An *ok*.

Ou pe get wi, mon konpran ou pe get totalite ou. *Ok*. wi 4.5 *ok*.

Onorab wi, sirtou kont ou akoz, mon osi mon'n ganny *call* poudir i annan sa sityasyon e la parey ou pe dir, nou pe fer dimoun pase dan distrik. Dan tou distrik enkli, ou distrik nou a konnen ki *status*. Nou a pran en desizyon lo la, pou nou rezourd sa problemn en fwa pou tou.

**MR SPEAKER**

Mersi. Onorab wi.

**HON FRANCOIS ADELAIDE**

*CEO*, petet akoz mon kontan *timeframe* akoz i enportan pou mwan annan sa *follow-up*. Kan egzaktman petet ou pe mazine sa, akoz en bon pe letan pase sa problemn. *So at least* donn mwan en *time frame*?

Kan ou bann zofisye in fini pase e kan apepre nou kapab ganny en larepons ki nou pou fer? Akoz i en problemn serye.

**MR SPEAKER**

Mersi. *CEO*.

**CEO JEAN LARUE**

Pou mwan donn ou en *time frame* la, akoz mon pa konnen kote zot in arive.

Me selman mon konnen zot pe fer letour. Mon mazine dis i en semenn, de semenn mon a ganny en larepons, mon ava fer en desizyon, e mon a les ou konnen deswit. Onorab.

**MR SPEAKER**

Mersi. Minis Wi?

**MINISTER MARIE-CELINE ZIALOR**

Mersi Mr Chair. Kekfwa petet pou donn Onorab pe rod en soulazman. Ki nou ava fer akoz mwan mon ti mon lanmen i ladan avek lenfrastruktir mon konnen i en defi. Mon konnen i en landrwa kot nou bezwen fer en kantite amelyorasyon.

E mon'n zwenn, nou pe zwenn regilyerman avek sa tim, kot *NSC* ki pe travay lo lenfrastruktir, e mon pe demann rapor regilye. E ki nou ava fer, nou ava parey *CEO* in dir dan de semenn, i pa zis pou ou distrik, mon mazine pou zot tou.

Zot en pti pe konsernen pou nou kapab anvoy sa bann

rapor pou nou donn zot osi, dan latransparans pou nou kapab fer sa. Pou enform zot poudir zot koumsa ki sa bann travay kekfwa ki pe ganny fer.

Ouswa menm si i pa ankor ganny fer *at least* kominikasyon, sa zafer kominikasyon osi i enportan.

Kominike si mon kapab sizer sa. kominike pou kapab. Me selman annou note ki *CEO* pou Baie Lazare spesifikman, akoz i pe demande pou li kapab ganny en *timeframe*.

Akoz dan plan ki mon'n demande, mon osi demann osi en *timeframe*, pou deza sa bann ki Nasyonal apre prezan la nou ava fer pou bann distrik. Mersi Mr Chair.

**MR SPEAKER**

Mersi Minis. Onorab Labonte.

**HON ANDY LABONTE**

Yes, Mr Chairman. Minis - mersi Mr Chairman. Minis mon kestyon i pou direk. I baze lo sa 1.5 milyon ki'n ganny mete pou distrik menm. Akoz mon pou met en pe lanfaz lo la, akoz English River li menm li i annan bokou lenfrastruktir.

E eski zot krwar sa 1.5 milyon i ase? E ki mannyer vremen zot pe mazin pou zot diviz sa dan sa 26 distrik ki annan, fasilite sportif, ki pou

dan en fason latransparans? E dezyenman dan zot bann ‘*current challenges*’ kot pwen nimer 6, parey mon kapab vwar,

an kolaborasyon, dizon i annan bann biznes prive. Parey dan mon distrik i annan Mr Michael Etienne, ki enteres pou li menm li *invest* son larzan dan serten fasilite pou ed distrik enkli lo kote Nasyonal.

E ki mannyer zot pe mazin pou zot fer sa partenarya avek bann biznes prive, pou kapab ed nou kominote? Mersi.

**MR SPEAKER**

Mersi. Minis wi.

**MINISTER MARIE-CELINE ZIALOR**

Mersi Mr Chair. Mersi Onorab pou ou de kestyon. Mon pran sa enn dezyenm, apre *CEO* i a koz lo son loperasyon ki mannyer pou fer sa.

Be i zisteman, aköz mwan mon'n fini vwar Mr Etienne. In fini vini avek propozisyon, i parmi sa bann propozisyon ki mon ti pe koz lo la oparavan. Napa zis li i ankor ki'n vin avek propozisyon e nou nou'n pare, nou'n dir nou'n pare.

E nou pe esper li avek en propozisyon pou avek tim *NSC* pou asiz ansanm pou regarde. E ansanm mon'n fini koz ek Minis

Finans pou regarde ki mannyer nou. E ansanm *Foreign Affairs* tou, pou regarde ki mannyer nou vin en kolaborasyon nou nobou kapab fer sa bann finansman.

E ankor mon pou repet ankor, poudir finansman pou bann lenfrastruktir i pa bezwen depan lo zis Gouvernman. E i annan bann dimoun ki pe vin devan. E mon krwar poudir kekfwa petet dan plas parey mon krwar oparavan nou'n deza diskite dan sa Lasanble.

Annan tou distrik, kekfwa son prop laplenn, egziste son prop *court*. Fer par rezyon mon krwar taler Onorab Lemiel ti pe koz lo *regional center*. Regarde e bann *sport complex* par rezyon, se sa ki sa bann lenvestiser pe propoze.

E ki zot pe vin avek. Mon pa konnen si petet, *CEO* i annan keksoz pou azoute. Mersi.

**MR SPEAKER**

Mersi Minis. *CEO*.

**CEO JEAN LARUE**

Mersi Mr Chair, *regarding* sa bann fasilite distrik. Definitivman nou'n fini war poudir, 1.5milyon ki larzan ki'n sorti kot *Local Government* i vin kot *NSC*, i pa nanryen.



Se pou sa rezon, sa ki mon'n dir taler. Nou pe pas dan tou distrik, nou pe fer en *état de lieu* en *status*. Pou nou konnen pou nou kapab *cost*, konbyen nou pou bezwen.

*Then* nou pou bezwen al kot Finans be dir li be gete, pour nou kapab met sa bann fasilite azour. Vwala konbyen i pou koute, e nou pou bezwen priyoritiz li.

Sa legzersis parey nou'n dir ou, dan de semenn nou ava donn zot *the status*. E apre nou ava konnen konbyen nou pou bezwen. Mersi.

**MR SPEAKER**

Wi, Onorab Labonte.

**HON ANDY LABONTE**

Yes, Mr Chairman. Zis en pti, petet *advice*, petet ler ki zot pe fer sa legzersis si zot ti kapab *involve* nou. Ki nou, ki konn bann fasilite dan nou distrik. Nou kapab en pe pli *involve* pou kapab kekfwa *advice* zot lekel bann ki nou priyorite. Mersi.

**MR SPEAKER**

Mersi. *CEO* ou'n note.

**CEO JEAN LARUE**

Mersi Onorab.

**MR SPEAKER**

Onorab Gill.

**HON CHURCHILL GILL**

Mersi Mr Chair. Bonn apre midi *CEO*. Mon'n note ou kestyon ou larepons ki ou'n donner pli boner konsernan *Inner Islands*.

E mon *welcome* sa lapros. Selman, an menm tan osi mon vwar parey ou'n *rightly said*, ou lanmen pou anmare ek sa 1.5milyon.

Me selman ler ou pe fer kote Praslin, nou problem i *twofold* nou. Nou annan problem fasilite ki'n deteryore, apre i annan kalite fasilite ki pa egziste Praslin. So ler zot pe fer diskisyon, mon konnen ou pa pou kapab fer li deswit.

Me selman i bon note ki kalite ki nou napa en mannyer a lavenir i a kapab ganny antre ler mwayen i permet.

Prezan mon kestyon i kot ou '*current receipts*.' *Table 2* lo ou '*current receipts*' pou 2020 ou ti'n prozekte 2.9 milyon. Apre avek sityasyon *COVID* ler ou'n fini 2020, in selman ou'n *revise* lo 800mil. Me pou 2021 ou'n ankor prozekte 2.1milyon.

So, mon krwar sa *figure* i pou difisil pou kapab *achieve* sa. Akoz sa bann fasilite an se moman dan sityasyon *COVID* mon krwar pa si sa sekans lwe i pe marse. So petet ou a dir nou ki ou anvizaze fer si ou reviz sa,

pou fer li vin en pe pli realistik?  
Mersi.

**MR SPEAKER**

Mersi Onorab. *CEO*.

**CEO JEAN LARUE**

Mersi Onorab. Wi, nou pou revize. Me selman an menm tan nou pa oule osi vwar akoz *COVID* in vini konmsi nou pou restrikte nou lekor.

Mon krwar nou bezwen nou osi a sa moman *être* en pti pe pli *proact*, en pti pe pli, met en pe plis lenerzi akoz par egzantp *medical fees*.

I annan dimoun pe vin demann nou zot anvi servi, nou servis medikal. E olye ki nou servi, nou pe get sepa en servis ki pe R200 nou kapab ozordi ogmante. So nou bezwen rod en fason osi pou nou fer en pti pe, en pe plis, ou vwar?

Me selman mon apresye ou pwennvi nou ava, nou ava *revise*. Mersi.

**MR SPEAKER**

Mersi *CEO*. Onorab Andre.

**HON CLIFFORD ANDRE**

Mersi Mr Chair. Mr Chair avek sa nouvo reorganizasyon ki'n annan dan bann lenfrastriktir, mon ti a kontan demann *CEO* si bann dimoun ki pe fer bann spor e zot annan bann

kalifikasyon *Commonwealth* ensidswit, bann konpetisyon ki pe vini, kote zot pou fer zot bann *practice* avek bann konpetisyon. Anvi ki i annan sa bann restriksyon?

E si zot, letan zot pe servi sa bann fasilite dan distrik, zot bezwen demann permisyon. Oubyen ki mannyer i pou marse la ki sa in sanze? Sa enn.

Dezyenm se, i annan de, sekirite i 2.3milyon. Mon demande ki kalite sekirite, ki *enforcement* i annan?

E dan menm laliny, 2.9 in sorti in mont 4.4 milyon pou elektrisite. Akoz sa, e ki bann fasilite ki pe ganny pran dan sa bann konteks? Mersi.

**MR SPEAKER**

Mersi. *CEO*.

**CEO JEAN LARUE**

Mersi, Mr Chair. Onorab pou ou kestyon, mon krwar ou pwen i tre *pointu*. Wi, bann atlet ki pe prepar pou bann konpetisyon o nivo la. Dan nou revwar, i annan sa seksyon kou pe apel li ozordi '*talents growth and talent identification*.'

Nou pe met li apard, kot nou pe fer sir poudir sa group. Akoz ozordi ou pe get sa ki nou apel *targeted athletes*. Nou pe target atlet pou meday.

E nou pa kapab annan en ta atlet. So zot prezan nou bezwen donn zot priyorite pa neserman zot pou servi fasilite distrik zot, zot bezwen servi fasilite Nasyonal.

Savedir basen naze, Palais des Sport, *gym* anvil. Se sa ki nou bezwen donn zot priyorite, priyorite se zot. Konsernan ou'n koz sekirite. Mon kapab reponn.

I dir mwan sekirite, i reste parey. 2.3milyon, akoz sekirite, sekirite kot nou pe. Wi bann dimoun ki vey *Palais*, wi bann lazans ki vin vey nou bann fasilite. Se sa. Apre ou'n elektrisite.

Elektrisite, nou difikilte se ki ozordi ler i annan foutbol par egzantp, sa bann lalimyer ki nou annan ozordi i manz en kantite nou elektrisite. Se pou sa rezon ozordi, dann nouvo stratezi ansanm ek federasyon. Nou pe revwar bann nouvo lalimyer en fason ki ava tire.

E la mon kontan poudir nou pe diskite ansanm ek Federasyon Foutbol, pou nou redwir, sanz sa bann lalimyer en fason nou kou elektrisite osi a desann.

**SENIOR ACCOUNTANT**  
**LISETTE NOLIN**

Bonn apre midi tou Manm Onorab. Si mon ti kapab azout

lo kote elektrisite, akoz avan mannyer nou program ti ete, nou ti kase.

Konmsi nou ti annan set *subprogram*. Be la nou'n ganny *advice* ek Finans pou annan de zis trwa.

Prezan tou elektrisite nou'n met ansanm. Sanmenm sa kekfwa ki ou pwar li in monte.

Selman zot nou pa'n ganny nou pa'n ganny okenn *increase*. Akoz nou ti'n fer provizyon pou nou annan *increase*. Me i pa'n aksepte. Finans pa'n aksepte, me ou war li in monte akoz program ki'n ganny *merge*.

Savedir i annan elektrisite pou tou bann fasilite, enkli Praslin ek La Digue i ganny met dan en sel program. Mersi.

**MR SPEAKER**

Mersi madanm. Onorab Woodcock. *Yes ok*, pou a permet Onorab Andre en leklersisman.

**HON CLIFFORD ANDRE**

Pa vremen en leklersisman *CEO* pa'n reponn en mon kestyon lo *High Level*. Mon'n dir bann konpetisyon. Mon demann bann konpetisyon ki mannyer pou fer pou sa bann dimoun?

Ou konnen akoz zot pe kalifye pou *Commonwealth*. Ti

annan bann konpetisyon ki zot bezwen ale, oubyen kwa. Ki mannyer sa pe ganny fer? Ou'n bliye reponn. Mersi

**MR SPEAKER**

CEO.

**CEO JEAN LARUE**

*Sorry* Onorab. Wi, parey ou pou'n war dan nou Bidze nou'n deza ganny larzan pou preparasyon par egzanp *Commonwealth* ki pe vini 2022.

I annan larzan ladan. E nou pe ekspekte la, lefe ki *COVID* konmsi *travel restriction* pe ouver.

I annan bann konpetisyon ki pe vini. So nou pe ekspekte poudir nou bann atlet osi i kapab al enternasyonal, al *compete* enternasyonal. E pi fer bann *training camp* osi pou zot ariv lo sa nivo. Mersi.

**MR SPEAKER**

Mersi. Onorab Woodcock.

**HON WAVEL WOODCOCK**

Mersi Mr Speaker. Mr Speaker zis permet mwan pou remersye ou pou ou sipor ki ou ti donn mwan apre ki mon ti vin kot ou pandan *lunch time*. Regardan sa size, bann zenn Zil Pros ki ou'n kontakte Minis pour Ledikasyon. E annefe in anvoy mwan en mesaz la ki, i pou

donn nou en *feedback* lo sa sityasyon dan en pti pe letan.

So, Mr Speaker menm si Onorab *Leader* Lopozisyon ti dir boner ki i pe fer mon louvraz.

Mon zis anvi *remind* li poudir, mwan mon'n ganny elekte dan de eleksyon. Li zanmen in deza ganny elekte dan son lavi. Mersi Mr Speaker.

**MR SPEAKER**

Pa ti neserer sa Onorab Woodcock. Mon apresye ou soz. Mersi.

**HON WAVEL WOODCOCK**

Mr Speaker. Mon kekyon i regardan lannen pase lannen 2020. Ti annan en proze pour refer laplenn Grand'Anse Praslin. Annefe ti annan en Bidze, environ R2milyon pou fer sa proze.

Me ler mon get anba *PSIP* la mon pa pe vwar okenn alokasyon. Akoz ou konnen CEO osi in war leta ki sa laplenn i ladan. Minis, dan son vizit Praslin in war Leta, kondisyon sa laplenn. Alor mon pe demande kan ki zot anvizaze fer sa proze?

E dezyenmman pli gro problem ki nou avek *NSC* dan lepase se kot i konsern *maintenance* pou bann diferan lenfrastruktir Leta dan bann diferan fasilite sportif.

Me i annan sa *issue*, sa stad Amitié. Sa stad Amitié Praslin kot tiket, larzan, reveni ki sa stad pe fer atraver bann match foutbol, ti pe ganny kolekte par Federasyon Foutbol.

Me selman tou bann travay *maintenance* ki ganny fer, lo sa *stadium* se NSC ki antreprann sa.

E mwan mon pa pe vwar lozik par deryer sa. E mon anvi demann Minis *or CEO* si zot in fer en keksoz pou rektifye sa sityasyon? Mersi bokou.

**MR SPEAKER**

Mersi. *CEO*.

**CEO JEAN LARUE**

Onorab wi. Mersi pou ou kestyon mersi Mr Chair. Sa proze Praslin i reste lo, *drawing board* li osi. Me solman parey mon dir nou osi bezwen priyoritiz keksoz. *Ok?*

Sa zafer Praslin, fasilite, *maintenance of facilities* nou'n dir ki i reste priyore. E mwan osi *meet NSC*, Minis nou pa satisfè ek lafason ki keksoz i ete.

Se pou sa rezonn ozordi nou bezwen sanze, amelyore e pou fer sa nou bezwen annan en nouvo group dimoun ki pe travay.

Dimoun ki konpran letan nou dir, gard en fasilite prop, gard li o nivo, ki dimoun i vini i vin travay.

Prezan sa enn ki ou pe dir mwan avek foutbol Amitié. Wi nou pe adres li sa *issue* e byento nou ava les ou konnen ki *the outcome*. Me solman wi NSC, son bann travayer nou ki peye, se en lot ki anmas larzan.

Definitivman i pa fer sans, nou bezwen rezourd sa problem en fwa pour tou. Mersi bokou.

**MR SPEAKER**

Wi, Onorab.

**HON WAVEL WOODCOCK**

Sa i zis en kestyon *follow-up* kot i konsern sa *main sports complex* La Digue. Annefe en zabitan ki'n demann mwan pou demann sa kestyon Mr Loncy.

Lekel ki responsab *maintenance* sa *sports complex*? Akoz son leta ki i ladan i demann fer en pe renovasyon, en pe travay lo la. Eski zot annan lentansyon pou fer en *proper refurbishment* lo sa *complex*? Mersi.

**MR SPEAKER**

Mersi.

**CEO JEAN LARUE**

Wi Onorab nou annan lentansyon se pou sa rezon letan nou ti vin fer sa vizit. Nou'n revwar, remet sa, i annan en plan ki ti'n ganny fer.

Me selman nou bezwen remet sa plan azour avek, met li a la bezwen bann dimoun La Digue. *Ok?* Nou ti annan en plan ki ti ekstraordiner, ti gro e nou ti annan sa lazans osi *Maintenance Agency* ki ti responsab pou *maintain* sa fasilite.

Me, parey nou pe dir ozordi nou'n war poudir i pa'n marse. So nou bezwen revwar, refer e donn, met en pe plis dimoun ki responsab pou *sort out* sa problem labo La Digue.

Me selman, i bezwen, sa plan i bezwen retourn lo *drawing board*. En fason ki mon kapab diskite ek bann dimoun La Digue pou nou *sort out* sa problem e donn li en *timeframe* osi, kan nou kapab komanse. Mersi.

**MR SPEAKER**

Mersi. Onorab Gabriel.

**HON CONRAD GABRIEL**

Mersi Mr Chair. Mon ti oule zis en pe leklersisman lo keston ki Onorab Andre in poze; konsernan ou *security, security enforcement* anba ou '*uses of good and services*'. Zis petet

pou sa R2.3milyon si ou ti a kapab donn nou en pe plis detay *CEO*. Kote sa larzan pe ganny depanse egzakteman?

Si pou re *Victoria Gymnasium, Palais de Sport* bann keksoz koumsa. Si ou ti kapab donn nou en pe plis silvouple?

**MR SPEAKER**

Mersi. *CEO*.

**SENIOR ACCOUNTANT**

**LISETTE NOLIN**

Eskiz, mwan Onorab ou kapab dir nou lo ki paz, ou pe adrese silvouple?

**MR SPEAKER**

Wi ou'n vwar lo ki paz?

**HON CONRAD GABRIEL**

R2.3milyon dan ou '*other goods and services, security and enforcement*.'

**SENIOR ACCOUNTANT**

**LISETTE NOLIN**

Onorab sa 2. 3 i pou *security firms*. Parey *CEO* in eksplike ki pe kouver pou bann fasilite sekirite pou *NSC*.

**MR SPEAKER**

Korek?

**HON CONRAD GABRIEL**



Savedir tou fasilite, spor. Tou bann *venue sports*. *Is it?*

**CEO JEAN LARUE**

Wi. Onorab nou annan Stad Linite, *Complex* apre nou annan *Victoria Gym*, apre nou annan *Praslin* osi *sports facilities*. Mersi.

**MR SPEAKER**

Mersi wi. *Ok*. Onorab Henrie.

**HON GERVAIS HENRIE**

Mersi Mr Chair. Bonn apre midi tou bann dimoun. Mr Chair mon krwar sa *heading* i vreman enteresan pou piblik.

Nou annan en ta kestyon malerezman mon pa pou kapab demann kestyon tou piblik.

E vwar lakantite menm *MNA*, ki pe demann kestyon lo sa *headings*. Mon annan de kestyon.

Enn dabor pou Manm elekte distrik *Perseverance* ki pa la avek nou ozordi. I oule ki Mr Larue, i donn en prononsman vizavi bann fasilite sportif dan distrik *Perseverance* spesifikman.

Si pou annan okenn *upgrading*, e i annan partikilyerman konsern avek *court* ki zot pe servi kot lekol *Independence School* ki en pe lwen avek kot distrik li menm li ete. So si i ti kapab adres en mo

pou bann zabitan *Perseverance* spesifikman.

Kestyon pou mwan ki mon oule demande Mr Chair i kestyon reveni ki *NSC* li i ranmase. I lo latab 2, nou'n vwar zot prozeksyon. Onorab Gill in deza koz lo la. Be mon anvi demann *CEO Larue*, eski i annan okenn larzan ki ti'n dwatet rantre ki pa ankor rantre?

E si sa i leka, ki *NSC* pou fer pe fer pou ki tou bann dimoun ki dwa li i pey li dan *limedya silvouple?* Mersi.

**MR SPEAKER**

Mersi. Yes, *CEO*.

**CEO JEAN LARUE**

Mersi Onorab pou, mon a reponn ou premye kestyon i reponn dezyenm ek reveni en.

Wi nou pe dir, *regarding Perseverance*. Wi sa osi in tonm dan *court NSC* pou nou *sort li out*. E mwan menm mwan Sanmdi mon fer letour laba. Mon'n vwar, e nou pe fer sir poudir dan nou *planning*, nou *status*, nou *sort out* sa problemm laba.

Akoz laba, i annan *Perseverance* enn. Sa *court* malerezman letan i ti ganny fer ,dimoun in oubliye poudir ou bezwen met de trou pou soz poto *volleyball*. So nou bezwen

rezourd sa. Nimerò de laba deryer li osi nou bezwen al gete akòz bann lalyann pe soz lo li.

So, sa i tonm dan nou travay ki nou pe fer.

**SENIOR ACCOUNTANT LISETTE NOLIN**

Ok, Onorab pou ou dezyenm kestyon konsernan bann reveni ki pa ankor antre.

Wi nou annan serten reveni parey Onorab *in point out*. Onorab Gill, nou'n fer nou prozeksyon in tonm 2.1 pou 2021. E sa si ou gete lo laliny i pli to pou *rental.Rental of sports facilities*. Be ki nou'n vwar, akòz i annan serten dimoun ki bann sa letan *COVID 2020*, zot in demann serten *waiver*, akòz bann letan ki zot pa ti pe *operate*. From Mars ziska Out. Be sa i ankor avek Minister Finans me nou pe *follow-up*, pou nou kapab anmas sa larzan.

Sanmenm sa ki nou'n met prozeksyon, nou pa'n koupe nou prozeksyon, pou 2021.

Nou'n kit la, pou nou kapab fer sir anmas tou sa larzan ki lo kote *rental*. Yes.

**MR SPEAKER**

Mersi. Wi Onorab.

**HON GERVAIS HENRIE**

Dan larepons ou'n dir mwan ou *waiver*, partikilyerman bann dimoun ki'n ganny difikilte dan letan *COVID*. Mon kestyon spesifikman sete, eski i annan dimoun ki dwa zot, ki zot pa ankor pey zot e ki zot bezwen re rode sa bann larzan e dir ek sa bann dimoun, zot bezwen peye? Sa ki mon ti pe demande. Mersi.

**MR SPEAKER**

Wi, madanm.

**SENIOR ACCOUNTANT LISETTE NOLIN**

Ki mon kapab dir ou Onorab. Kekfwa ou'n war serten keksoz in monte dan Rapor Oditer.

Mon pou dir ou, kek kekfwa wi nou annan. Be selman i ti bann letan avan, ki la no u bezwen re-travay pou nou, pou nou al revwar. Yes, wi.

**MR SPEAKER**

Mersi. Nou a *move on*. Onorab Esparon.

**HON REGINA ESPARON**

Mersi Mr Speaker. Mr Speaker Minis in dir poudir zot pe fer letour dan bann distrik pou regard bann lenfrastruktir. Zis an pasan mon a dir ek Minis pa bliye, pou pas distrik Glacis.

Nou annan nou gran laplenn, me selman pa bliye osi sa pti laplenn North East Point

kot manrmay i zwe. Parski si nou anvi tir manrmay dan drog, nou bezwen annan en fasilite pou sa bann manrmay kapab fer zot bann aktivite spor dan North East Point.

Parske lo vilaz li menm li napa landrwa e sel landrwa zot servi se sa enn bor lanmer. E an parlan sa enn la, nou bezwen mazine Minis letan nou pe mazin pou *update, upgrade* sa fasilite, annou servi bann materyo ki.

Ki ale avek sa lanvironnman, parske i o bor lanmer. E nou war ki letan zot *fence* li avek bann materyo ki annan feray ladan, lo bout sis mwan trwa mwan i grennen.

Annou servi bann materyo ki kapab reziste salen parske i o bor, i o bor lanmer i ganny bokou afekte avek salen.

Dezyenmman Mr Chair. Anba '*wages and salary in cash*' mon vwar lo kote *Other allowances*, lannen pase zot ti ganny 560mil e sa lannen in ogmante par 140mil zot in ganny zot 700 mil.

E parkont pou '*overtime*' ki zot ti ganny zot 382mil, lannen pase e sa lannen in ganny koupe par preski 200mil *anyway 198thousand*, alor zot in ganny zot 184mil. Mon kestyon se i annan en group drayver kot NSC Mr Larue, ki

lannen pase pa ti ganny zot *overtime*.

Me mon krwar zot in pouse, pouse pou zot ganny zot *overtime*, zot ti ganny donnen zis R1000 *allowances*. Me non pa sa *overtime* ki NSC ti dwa zot.

E mon krwar tar lannen pase CEO ou ti ganny en miting ek sa bann drayver ou, e ou ti promet zot ou pou pey. Ou pou fer tou laranzman pou zot ganny peye zot *overtime*.

E sa larzan ti dan Bidze 2020 li, me *still* zot pa'n ganny peye zot *overtime*. Mon pe regarde si, dan sa Bidze ki la, eski i annan provizyon ki'n ganny fer pour ki zot ganny zot *overtime*, ki deza dwa zot?

Epi eski i annan osi larzan pou pey zot bann *allowances*? Mersi

### **MR SPEAKER**

Mersi Onorab. CEO.

### **CEO JEAN LARUE**

Mersi Onorab pou ou kestyon. Wi in annan en serten difikilte ki nou'n gannye avek bann drayver e mon pa pou - Mon pa pou koz otreman wi, nou pe *sort out* zot problem.

Avek zot sa bann dimoun la zot ti pe fer tro, annefe ler nou diskite avek administrasyon, i annan en

kantite *overtime* e zot ti pe al *way above*.

Se pou sa rezon nou ti pe ganny demande pou nou met en *stop* avek *overtime* e donn zot serten *allowance*. Sa *allowance* R1000 ki nou'n donn zot.

Ler nou ti'n - premyerman, letan nou ti annan pou donn zot en *allowance* R3000, i annan ti ziska 3000. Zot pa, konmsi zot pa ti tro enterese, akoz ler zot fer zot *overtime* zot ganny pli ki sa.

Me solman, la mon pe dir ou. Nou ava revwar avek ladministrasyon, pou nou fer sir poudir tou dimoun zot ganny zot *allowance*. E mon pe donn ou sa langazman poudir nou pou, fer li personnelman pou nou al *sort out* zot problemn.

### **MR SPEAKER**

Wi Onorab.

### **HON REGINA ESPARON**

Mersi Mr Chair. Mr Chair, *CEO* kekfwa i kapab dir nou. Eski dan revwar, ki ou pe revwar i pou annan en *cap* ki zot pou mete. En *ceiling* konmsi zot pou mete lo *allowances*. Parski i annan ki ti pe ganny 3400 e petet en pe, en pe pli ba 2800.

Eski ou mazin met en *ceiling* lo *overtime* oubyen, ki

manner ou pou fer dan sa legzersis?

### **MR SPEAKER**

Mersi Onorab. *CEO*.

### **CEO JEAN LARUE**

Wi, Onorab. Mon krwar ou sizesyon i valab. Wi nou bezwen get en *cap*, me selman nou bezwen ganny *advisement* osi avek Finans e avek ladministrasyon.

Nou pou bezwen met en *Cap* akoz sansan, dimoun i fer *overtime*, e apre nou war nou pe pey egzorbitan.

E apre dan Raport Oditer poudir i annan drayver, son saler. Son *allowance* i plis ki son saler. So nou bezwen vwar en solisyon pou sa problemn. Mersi.

### **MR SPEAKER**

Mersi. Onorab Ghislain.

### **HON CHANTAL GHISLAIN**

Mersi Mr Chair. Mr Chair mon annan mwan de kestyon avek de pti leklersisman. Mon komans ek mon de pti leklersisman pou demann *CEO*.

Nou'n tann nonm, depi taler nou'n tann nouvo Polisi Sport. Mon pe demande leklersisman, si vreman i annan en nouvo Polisi Spor? Depi kan

sa nouvo Polisi in ganny met an plas? Akoz mon pa'n konpran.

Mr Chair apre osi i annan stad Amitié, Praslin. Lefet ki Federasyon Foutbol ki ti konstri sa stad. Akoz mentenans i tonm avek NSC aprezan? I pa tonm avek Federasyon Foutbol. Menm Stad Linite ler ti ganny konstri an 1993. Ti annan en zafer kot Federasyon Foutbol, ti dir pou mentenir laplenn avek mon krwar son *track*.

Si sa i ankor leka, parske mon'n war dan Bidze zot annan lo la osi. Ouswa Stad Popiler enn ant sa de stad ki zot sipoze, zot ki pou mentenir?

Apre mon'n gannyen kestyon sorti kot de atlet spesifikman de atlet madanm. Natasha Bibi avek atlet Mont Fleuri Lisa Labiche. Ki pe dir mwan poudir zot *coach*, son Kontra pa'n ganny renouvle. Zot ti anvì konnen aköz? Parske Lisa i a pe dir poudir depi 16an, laz 16an i pe *train* ek sa *coach* and se li ki'n anmenn li kot i ete ozordi.

E aköz zot pa pe renouvle Kontra son *coach* or e ki pou arive avek li. Aköz li osi i ankor zenn i bezwen kontinyen lantrennman pou li kapab al lezot zwe enternasyonal. Mersi.

### **MR SPEAKER**

Mersi Onorab. Minis wi.

### **MINISTER MARIE-CELINE ZIALOR**

Wi, mersi Mr Chair. Mersi Onorab pou bann kestyon. Mon oule pran zis sa enn premye lo kote Polisi.

Wi i annan en nouvo Polisi ki ti deza la lannen pase. Sanmenm sa Polisi ki nou pe fer referans avek ki PS Palmyre taler in fer lanfaz.

In napa enn nouvo la sa lannen. I ti sa enn ki ti ase resan depi lannen pase.

Sanmenm sa ki nou pe fer referans avek. Mon a demann CEO pou reponn sa de lezot kestyon. Mersi.

### **MR SPEAKER**

CEO

### **CEO JEAN LARUE**

Mersi Onorab. Mersi Mr Chair. Amitié, Praslin wi. Fasilite konstri par Federasyon Foutbol avek FIFA.

Me *maintenance*, sete NSC ki fer. E in, mon'n toultan ganny dir, i annan en MOU, en lagreman ki mon ziska ozordi mon ankor pe rode sa lagreman, mon pa ankor gannyen.

E mwan, mon'n dir avek federasyon be, donn mwan en kopi sa dokiman *then* nou ava asize, nou ava diskite, si prezan

*maintenance* i tonm anba zot. Si fasilite, konmsi nou bezwen kler e i ava rezourd sa problem *maintenance* avek travayer ki NSC pe peye.

So si i deza en diskisyon kou nou pe fer ek federasyon. Stad Linite, NSC ki fer *maintenance, ok?*

Me la koman nou pe koze. Federasyon osi, e la mon bezwen felisit zot. Akoz anv *upgrade* sa *de astro turf* lev li lo en lot nivo. Me, mon krwar disi dan trwa semenn zot ava tann lenformasyon. Kot nou siny en lagreman ansanm avek Federasyon Foutbol, pou *upgrade* sa, *ok*.

*Regarding* sa, sa bann atlet ki'n vin vwar ou. Ozordi nou, mon krwar dimoun i lib pou, pou eksprim zot lekor. E sa pwen ti vin devan nou wi, sa bann *coach* ariv 10an. E dapre regleman i dir ou letan ariv 10an, ou bezwen revwar si ou pou, si *localized the post* parey i annan en dimoun in demande.

E sa, dapre regleman nou'n sivre regleman. Akoz nou bezwen fer sa. E nou'n bezwen donn li sa *coach*, son dokiman pou dir li dapre son Kontra.

Me sa ki mon kapab dir ou mon'n zwenn ek Federasyon Lendi, Mardi mon'n zwenn ek sa de atlet. Mon'n eksplik zot.

Yer mon'n zwenn avek *coach* mon'n eksplik li. So, nou pe, konmsi mon konpran poudir sa de atlet osi zot pe al konpetisyon zot pe prepar zot. So, nou'n tonm dakor. Lo en serten laranzman ki zot *coach* i reste avek zot *up till* Olenpik.

Me, mon osi tonm dakor avek Federasyon, lot semenn nou asize pou nou drafte en plan lonterm *regrading coaching*.

Akoz ozordi in ariv ler osi pou nou regete. Nou pa kapab toultan menm *coach* ki la. Nou bezwen revwar *the whole system*.

Se pour sa rezon ozordi nou pe koz re-transformen, pran nouvo lapros, e i pa zis sa de atlet akoz nou bezwen rod lezot atlet prezan. Vwala larepons. Mersi.

### **MR SPEAKER**

Minis wi.

### **MINISTER MARIE-CELINE ZIALOR**

Wi, mersi Mr Chair. Mon zis anv azoute ki sa i dan plan apre pou lokaliz nou bann pos e met Seselwa premye.

E *train* nou bann Seselwa *coach*, nou annan en kantite *coach* Seselwa. Ki mon krwar, parey mon krwar Onorab Arissol in dir taler, ki annan



abilite, ki nou kapab pous zot pli devan, pey zot akoz non.

Parey nou pe pey sa bann etranze e fer zot osi perform parey. E nou anvi lans lapel avek tou sa bann *coach*.

Apros sa bann Federasyon e pou nou kapab lokaliz tou sa bann *GOP* ki nou annan ki *NSC* pe peye.

Akoz avek sa i annan nou bezwen pey son lakaz. Mon osi mon'n vwar li sa *coach*. E son bann rezon. Mon ti pe dir be, *ok* si i annan en zistifikasyon, son bann zistifikasyon letan mon'n koz avek *NSC* avek *NAC* in koz avek federasyon atletik, nou pa krwar apard nou'n prolonz sa Kontra, pou en pe letan be selman definitivman nou pou bezwen termin sa Kontra, pou nou kapab met Seselwa dan sa pozisyon. Mersi bokou Mr Chair.

### **MR SPEAKER**

Mersi. Onorab Monthy.

### **HON PHILIP MONTHY**

Mersi Mr Speaker. Bonn apre midi *CEO*. Bonn apre midi mis Lisette. Mon kontan mon'n war la ozordi, mon ansyen koleg, travay.

Mon premye kestyon *CEO* i annan de Kontra ki ti ganny sinyen ant *NSC* avek Lasosyasyon Naze avek *FINA*.

Pou organiz de konpetisyon avek bi pou atir tourizm osi dan kad sport Sesel.

Sa ti pou organiz *Open water 10kilometer World Cup series* avek *Junior World Cup Swimming Championship*.

E ki pa'n ganny prevwar dan sa Bidze *ok?* Nou kapab konpran *COVID*. Ki petet i fer ki vwayaz in kennsel.

Me ou menm taler ou'n dir ki bann konpetisyon pe komans relanse. Petet ti a bon met li dan sa Bidze, ki petet i annan enn sa *event* ki sipoze organiz an Out ti a kapab petet ganny organize. *Ok?*

E osi dan sa menm laliny eski Lasosyasyon Naze ti'n ganny enformen lo sa *cancellation*, pou zot kapab enform *FINA* lo la? *Ok* sa i mon premye kestyon.

Dezyenm kestyon, i en pe dan laliny ki mon ti demande pli boner, eski i pe annan kominikasyon ant *NSC* avek bann lezot Minister, bann lezot *PS*.

Par egzanp mon po u pran dan konteks mon distrik menm, se pou sa mon pe demann sa kestyon.

Ler mon koz ek bann manrmay Petit Paris i en sou distrik, zot dir mwan zot ti ganny promet en pti laplenn, *ok?* Ki apre la nou war en proze

lakaz pe ganny fer. Ki mwan mon *welcome*, akoz mon zabitan i bezwen lakaz.

Me selman, eski i pe annan sa diskisyon ek sa bann diferan Minister pou ki ler proze lakaz i ganny fer, en pti landrwa i ganny demarke pou ki kantmenm en pti laplenn *five – a-side* i ganny fer, oubyen en kort pou ki sa bann manrmay ki dan sa proze lakaz, zot annan en serten fasilite sportif pou zot fer.

Zot pa zis asize lanmenm ler tonm dan sibstans al tonm dan drog. *Ok*, donk a lavenir eski zot pe prevwar, angaz zot avek Minister spesifikman lakaz, pou ki annan sa bann fasilite dan sa bann *housing projects*? Mersi

### **MR SPEAKER**

Mersi Onorab. *CEO*.

### **CEO JEAN LARUE**

Wi Onorab, pou ou premye kestyon *regarding* sa aktivite *FINA*.

Wi i vre ki lannen pase ler nou'n ti'n ganny sa problemm *COVID*. E Minis Finans sa letan *NSC* ti'n prevwar, mon krwar nou ti annan en Bidze 10milyon ki ti enkli *FINA*.

E ouvertman, piblikman i ti dir poudir tou sa bann

aktivite enkli son *FINA*, enkli en konpetisyon ki nou ti pou ale.

Minister Finans in pran larzan. Savedir tou dimoun ti okouran poudir pou napa *FINA*. *Ok?*

E se pou sa rezon ki nou pa'n fer provizyon pou li. Me parkont, sa ki ou pe dir ki mon krwar i tre byen, keksoz pe sanze, koman pe sanze nou ava osi adapte e aziste avek sityasyon. *Ok?*

Ou lot kestyon, sou distrik Cascade mon krwar i en, i en pwen ki tre valid ozordi. E nou osi toultan nou'n ganny sa difikilte, kot *sports* in toultan ganny mete lo sa dernyen letaz.

Met li laba, nou ale nou fer *housing estate*, apre letan nou dir be kote manrmay pou taye. Napa en laplenn, napa en landrwa.

So nou'n toultan dir mon pa ti ankor vin dan *NSC* mwan, mon ti ankor Minister Ledikasyon par egzantp.

Mon dir be gete, ler nou pou apel sa *the green space*. Nou tou nou konnen, annou diskite nou kit en landrwa pou manrmay zwe, nou kit en landrwa pou posibleman en klinik, pou en *daycare* konpran?

So mwan mon krwar poudir vre, sa diskisyon sa dyalog, met tou dimoun lo

menm latab. Sakenn i dir i *solve* son bout, i *way forward*. E mon apresye sa pwen ki ou'n fer sorti.

**MR SPEAKER**

Minis wi.

**MINISTER MARIE-CELINE ZIALOR**

Mersi Mr Chair. Zis pou mwan kapab soulaz Onorab ki taler letan *PS Palmyre* ti pe koz lo la. Ki i ti pe dir akoz prezan ki serten fonksyon ki al kot *NSC* apre, ki departman? Zisteman, i bezwen kapab fer sa bann negosyasyon pou kapab anmenn sa bann konsern lo kote spor avek lazenes. Mersi Mr Chair.

**MR SPEAKER**

Mersi Minis. Onorab William.

**HON WAVEN WILLIAM**

Mersi Mr Chairman. Mr Chairman mon annan de kestyon. Premyerman enn i konsantre dan, lo kote distrik. Mon ti a kontan demann Mr Larue, avan eleksyon ti annan de proze. Ti annan gran delegasyon ti vin vizite dan distrik.

Mon ti a kontan ou dir mwan ki stati, sa proze amelyorasyon *sports complex* Grande Anse? Ki enkli osi sa

proze *Souvenir* ki nou'n promet bann zenn, ki finalman e pi ou a krwar proze in *seize*. Nou annan zis en sikatris laba, ki nou pe gete.

Mon dezyenm kestyon Mr Chairman. Mon pe vwar ki Gouvernman, lo son, lo baz enplimantasyon e pi lo la baz *consistency*.

Ler mon pe regard bann mon vwar i annan en vot la ki apel '*approved new spending initiatives*', pou bann *high levels athletes*.

Mon anvii demann avek Mr Larue, angiz redwi en pe depans akoz letan mon regard bann kalite depans zot bezwen fer.

Zot bezwen donn akomodasyon, pey tiket ensidswit, si zot in fer en travay pou vremen donn sipor bann atlet ki vremen, pou amenn nou meday. Nou, nou pa ti a kontan war en sityasyon kot i annan labi e gaspiyaz akoz nou pou fer plezir dalon, ouswa zanmi.

Par lefe ki lezot antite ouswa i annan dimoun deor la, ki pe vwar li en pti pe difisil pou kapab fer de bout zwenn. Eski sa legzersis in ganny fer, vizavi bann partisipasyon bann atlet *hHgh Level*, lo bann *major games*?

E an menm tan letan mon pe get sa latab la. Koman en

Manm Parlman, nou pa ganny ase detay.

Dan ki sekter sa bann atlet i ete, pou nou vreman konpran poudir. Eski sa ki Mr Larue pe dir nou i laverite, akoz Sesel i ptipti nou konnen bann atlet. Nou pa konnen lekel e pi kantite depans par personn.

Akoz mon vwar poudir i annan landrwa i annan 400 atlet, i annan landrwa i annan 500 ekek.

E si ou ti kapab donn nou en pti pe leksplikasyon zis pou nou kapab donn en pti pe sa *oversight*. Pou nou kapab konpran egzakteman, kwa ki zot pe dir nou, vizavi sa bann sif zot pe donn nou. Mersi.

### **MR SPEAKER**

Mersi Onorab. *CEO*.

### **CEO JEAN LARUE**

Mersi Onorab. Mon a pran sa dezyenm kestyon, avan akoz i *fresh* dan mon lespri, akoz la lefe ki nou pe fer sa bann sa travay ki ou pe demande.

E pli boner mon ti dir, i vre nou'n - en letan pase nou'n konsantre tro bokou lo en kantite e dan en kantite ou pa ganny nanryen. Oubyen ou ganny pe. Ozordi lapros se ki nou dir annou target en group. En pti minorite, kot nou met larzan ladan. Kot nou asire nou

kapab ganny nou, nou pou ganny meday. *Ok*.

Rezon mon pe dir ou sa, se akoz mon'n deza dir dan, mon krwar dan Lapres se ki'n an 2000. 2an pase nou ti annan en atlet nazer. Kot nou ti envestir ek lasosyasyon avek Gouvernman.

In met Sesel dan, lo Lafrik dan 54 pei nou'n sorti dizwityenm. Zis en dimoun tousel i fer li de meday lor, en bronz ek en larzan. *Ok*.

E nou konnen kantite larzan, kantite larzan nou'n envestir dan li. Se sanmenm sa lapros ki nou bezwen pran ozordi. E sa detay nou kapab donn ou. So, alor nou bezwen *être* realis, osi letan en Federasyon. I donn nou atlet oubyen i pa oule donn nou atlet. Se pou sa rezon nou ozordi avek sa seksyon ki nou, nou met lo lipye, determinen lekel sa atlet, dan ki sport. Pou napa 400.

Kekfwa i ava annan kat, me selman sa kat nou garanti poudir dan 4an, dan 8an i pe anmenn Sesel rezilta. E i vre ankor dan lepase nou'n tant pou en pe, ou konnen dimoun si pa gannyen. I al isi, i al laba, i fer tapaz be kekfwa ozordi mon pou demann Lasanble osi, bann Onorab ed nou letan nou fer bann desizyon difisil par ler. Ki

nou vin avek leksplikasyon, zot osi zot kapab konpran nou, kote nou pe vini.

Wi, prezan sa legzersis pe ganny fer la, la, la. *Ok*, dan nouvo restriktirasyon e lapros se *targeted* atlet *and targeted sports*. Pa tou *sports, ok*. E an plis lo la nou pe sorti osi byento, tre byento. *Once* ki nou striktir in fini ganny aprouve. Kot nou pe priyoritiz spor, nou pe priyoritiz atlet baze lo sa ki ou pe dir.

So nou pou dir, toultan nou dir nou pou vini nou pou nou pou donn sa lenformasyon. Me selman letan i annan dimoun koman i gete, i gete dan ki kote son spor pou tonbe. Si son atlet i ladan la nou fer tapaz, apre nou sa dokiman nou met laba. Nou pa oule, nou pa le enplimant li.

Me solman nou konnen poudir be, napa mil semen i annan zis en semen, pou anmenn sa meday. So sa larepons.

Wi sa nou pa'n mor lo sa fasilite Grand Anse. Mon krwar i le moman la, lefe ki nou pe fer sa redinamiz keksoz. Met nou pare avan. *Then* nou ava ansanm avek tou bann lazans e vre nou ti diskite. E fotespere safwasi letan nou vin lo latab, parey nou pe ganny dir la. Tou dimoun enplike vini, nou fer en

plan ki konplet. E si par egzanz Grand Anse nou santi eski Grand Anse i bezwen annan en *complex*.

Nou tou nou bezwen tonm dakor poudir wi i annan en *complex*. Be ki kalite *complex*.

E menm i annan i dir kekfwa Grand Anse pa bezwen en *complex*. I bezwen kekfwa en restoran en, laplenn byen aranze *nice*, avek fasilite *fencing* ki manrmay i ...

Eski nou bezwen sa, mon krwar zour nou ava asize nou tou. *Then* nou fer en desizyon. *Then*, nou bouz devan Onorab. Mersi.

#### **MR SPEAKER**

Mersi Onorab. Wi Onorab William.

#### **HON WAVEN WILLIAM**

Sa i enkli Souvenir wi, nou ti al ansanm me solman lefe ki Gouvernman Lokal ti la. Zot osi zot ava re enplike dan sa diskisyon pou nou kapab rezourd sa problemm Souvenir. Mersi.

#### **MR SPEAKER**

Ou bezwen leklersisman, non, fini? Mersi Onorab Aglae.

#### **HON EGBERT AGLAE**

Mersi Mr Chair. Mon ti a kontan petet en leksplikasyon, an vi ki

nou dan en pandemik la e nou war poudir i annan larzan ki ankor pe ganny mete, sirtou parey nou bann zwe enternasyonal.

Nou annan *IOG, CJSOI*, mon konpran osi i annan bann, i annan ladministrasyon ki atase avek sa bann, sa de program enternasyonal menm.

Petet sey eksplik nou en pti gin ladan, akoz larzan pe ganny mete. Eski zot in ganny demande pou fer serten koupir. Ouswa zot pe *go on as business as usual*.

An vi e osi, mon ti a kontan konnen ki lavenir avek sa zwe, avek sa pandemik. Vi ki annan enn ki pou 2023, pou *IOG* mon krwar i 2023 li.

Eski zot lo target pou ale ouswa zot annan kontrent ki pe, ki petet bidzeter dan sa laliny? Mersi.

### **MR SPEAKER**

Mersi Onorab. *CEO*.

### **CEO JEAN LARUE**

Mersi Onorab. Tou sa bann zwe ki ou'n dir nou, nou'n prevwar 4.5milyon. E mon krwar i byen ou bezwen planifye.

Akoz keksoz pe sanze e sa ki mwan mon okouran par egzanj pou zwe, *Zwe de Zil*. *Zwe de Zil* i sipoze annan en

desizyon ki pou ganny pran tre byento.

Akoz *Maldives* malerezman in deside i pa kapab. Malgas pe deside si i pou fer, kan i pou fer, si 2024, si 2025 sa nou pa konnen. Me solman nou osi, nou pa kapab asize zis esper *COVID*. Nou bezwen komans prepare.

I annan larzan osi poudir i annan *Zwe Olenpik*, *Zwe Olenpik* ki sipoze fer ankor dan an Out.

So nou osi nou bezwen prepar nou atlet. E si zwe i ganny fer, nou pou bezwen fer serten depans pou nou bann atlet ale.

Se pou sa rezon nou bezwen soz. Met dan *Bidze*. *Zwe Lespwar*, *Zwe Lespwar* wi.

*It's not business as usual* kekfwa taler ou'n dir, non. Nou'n koupe, ler nou'n diskrit ek finans nou'n bezwen negosye, *bargain* serten keksoz.

I annan program ki nou'n bezwen dir be *ok* sa met laba. Me *Zwe Lespwar* i enn kot nou'n bezwen koupe.

Akoz nou enterese dan, i en konpetisyon kot i donn bann zenn, sans pou montre zot talan.

E lanmenm ler bann federasyon prezan nou pe egziz avek zot, al dekouver talan.



Se pou sa rezon i la. So, mon krwar i byen, si prezan bann zwe pa fer. *Then* Minister Finans pou annan tou drwa, pran larzan fer en lot keksoz avek. Me solman i enportan ki i la. Mersi.

**MR SPEAKER**

Mersi *CEO*. Onorab Roucou Michel.

**HON MICHEL ROUCOU**

Mersi Mr Chair. *Welcome CEO* avek ou koleg. *CEO* ou pou dakor avek mwan poudir laplipar bann fasilite *sport* i ganny vandalize, souvandfwa?

Mon war poudir zot annan en zoli sonm pou sekirite, mon le konnen si bann sekirite pou fer sir poudir tanzantan zot pe fer vizit, sa bann landrwa spor?

E mon dezyenm kestyon i lo kote Mont Fleuri dan mon distrik. Mon war poudir nou laplenn i dan en leta, ki pli ale nou pa pou kapab bann tim sport pa pou kapab servi.

Mon pe demande dan sa 1.5 parey bann larestan mon bann larestan koleg in demande, si nou laplenn kolez pou tonm ladan ek son bann lenfrastruktir. E osi pa bliy nou, nou *basketball court* ki par deryer lekol osi tou.

E mon trwazyenm pou Minis. Minis ou'n koz en pti pe

lo kote ou pe sey angaz bann dimoun dan komite pou *invest* dan bann lenfrastruktir spor tou.

E mon annan en zenn dan mon distrik ki anvi *invest*. E mwan mon pe demande petet ma demann ou la. Pou ou organize en zour ki petet ou a zwenn avek li, pou donn li sa lankourazman. Mersi.

**MR SPEAKER**

Minis oubyen. Minis ou a komanse.

**MINISTER MARIE-CELINE ZIALOR**

Wi mersi Mr Chair. Mersi Onorab pou ou trwa kestyon. Definitivman nou kapab, donn son non otomatikman e nou pou vwar, nou pe vwar nou avek bann prekasyon lasante. Pou bann dimoun e pou nou komans kapab fer sa plan stratezik parey nou pe dir pou bann lenfrastruktir.

Avan ler *CEO* i pran sa de lezot, mon ti ava zis kontan dir ki vandalizm. Ankor aköz mwan mon fason panse, annandler mon fason vwar i diferan. I responsabilite tou dimoun. E la nou e letan nou pou al zwenn sa bann Federasyon lasosyasyon. Bann klib sport nou pou osi fer zot adopte sa bann fasilite.

Enkli son *maintenance* enkli as *well* son sekirite.

E sa i ava kapab *save* nou kekfwa sa Bidze ki nou pe koz lo la, sekirite nou ava kapab redwir, ki i responsabilite. E vwala kot *empowerment* i enportan e taler letan kekfwa petet Onorab Aglae in demann sa kestyon.

Ki enportan ki fer sir, ki nou, nou fer sir ki nou fer sir ek Finans ki ... Ou konnen i annan ler nou tante pou nou, akoz nou pe get sityasyon ekonomik. Wi i enportan, nou tant pou nou -ou dir ou konnen, mon a koup lo sa enn ki la akoz kekfwa nou krwar ki spor bann aktivite lazenes pa enportan.

Be mwan mon konsernen avek lenpak sosyal. Lenpak sosyal ki sa *COVID* pou annan lo kote kriminalite. Ensi bann lezot keksoz, si nou pa angaz nou bann zenn, pou zot pa tonm dan dezesperasyon pou kapab ganny bann aktivite pou kapab al fer.

E vwala ki mon pe lans lapel osi tou, ki nou donn en pti koudmen pou nou kapab redwir sa bann vandalizm. E kot si nou annan lenformasyon, nou vin devan pou nou konnen, pou nou kapab rezourd sa bann problem.

Mersi. Mon ti a envit *CEO* pou reponn ou kestyon lo laplenn Mont Fleuri. Mersi.

### **MR SPEAKER**

Mersi Minis. *CEO*.

### **CEO JEAN LARUE**

Wi mersi. Mersi Chair, mersi Onorab. Laplenn Mont Fleuri i annan, katriyenm *quarter* lannen pase, a plizyer repriz *DA*, in vwar mwan.

E en zour nou ti fer en *meeting* nou ti anmenn tou bann akter, dan distrik nou ti vin la lo laplenn. Mwan menm, bann Chairman bann klib.

E sa ki ti byen se ki nou tou nou ti tonm dakor pou annan en plan ki bann dimoun i pran *ownership*, e sakenn ti pou vin fer en serten keksoz pou met.

E mwan mon krwar sa ti en pwen tre enportan, akoz i annan ti pou aranz twatir sa batiman, lot ti pou aranz *court*.

*NSC* nou, nou ti pou get laplenn ki nou'n komans fer. Me solman parey nou pe dir la nou pe pase, repase, revwar e fer sir poudir nou kapab met sa laplenn lo son nivo.

Me an menm tan osi nou bezwen plis lasistans akoz sa laplenn i annan en delo ki sorti anler dan Foret Noire. sa dimoun ki ti fer, ki ti aranz

laplenn lontan, malerezman in ale avek tou son konesans.

Prezan ou annan sa delo, se pou sa rezon nou ti bezwen *NSC* rod en *excavator*. Tir sa bann delo dan sa rigol. Fer desann en pe sa nivo, pou nou vwar kote problemm i ete.

So nou'n vwar en pe. Be selman sa travay i pou kontinyen. La pou le moman i annan en pe later ki ankor reste.

Nou pa le bouz li aköz si nou mont lo la, nou mont lo laplenn prezan sa *tractor* i ale i fouy ankor trou. Me solman travay pe komanse, pe kontinyen. E nou ekspekte *by the time*, sa de semenn i fini nou ava ganny en portre pli kler.

*Then* parey mon pe dir nou ava koz ek finans pou nou gete priyoritiz sa laplenn ek lekel ek lezot laplenn. Pou nou fer sir, pou dir Mont Fleuri i ganny li en bon fasilite.

### **MR SPEAKER**

Wi Onorab.

### **HON MICHEL ROUCOU**

Mersi Minis, *PS, CEO, CEO* dir nou, nou *court basketball* ki par deryer lekol osi pou tonm ladan?

E apre osi lo nou laplenn nou napa zis sa problemm delo. Nou annan sa *sewage*, sa *STP*

*PUC* ki lanmenm la *opposite* kot larantre Foret Noire baliz laplenn. Sa osi tanzantan i tant pou devid lo laplenn osi. Mersi.

### **MR SPEAKER**

Mersi, *CEO*.

### **CEO JEAN LARUE**

Wi i lo lalis ki nou annan. Ki nou'n gannyen avek *Local Government*, i enkli sa *basketball court* osi, *ok?*

E apre sa *sewage* osi nou'n deza, a plizyer repriz ganny kontak avek *PUC* pou vin *sort out* sa problemm.

Be mon krwar en fwa pour tou kekfwa ou osi letan nou vin fer sa *next visit*. Ou la ansanm nou ale nou a sey rezourd sa problemm. Mersi.

### **MR SPEAKER**

Mersi. Onorab Labrosse.

### **HON RICHARD LABROSSE**

Bonn apre midi. Mersi Mr Speaker pou donn mwan laparol. Dabor mon a dir bonn apre midi tou dimoun ki a lekout. Bonn apre midi *panel*.

E bonn apre midi spesyal Minis Zialor, en zabitan mon distrik ki fer mwan fyer sak fwa mon tann li Mr Speaker.

Ou gannyen, Mr Speaker, prezan ou konpran aköz mon dir ou Plaisance i en bastyon

entelizan. Mon ava al direk lo mon de kestyon prezan.

Mon kestyon mon'n apre ki mon'n lir Rapor Oditer pou 2019 Mr Speaker konsernan NSC.

Mon'n vwar ki i annan bann manm, serten manm federasyon e lasosyasyon ki ti persevwar en saler.

So vi ki sport i sipoze en aktivite volonter. Mon ti ava kontan konnen si dan sa Bidze ki nou pe al vote la, si sa i enkli ladan? E si i enkli akoz ki zot pe ganny peye?

Mon dezyenm kestyon Mr Speaker. Sa in ganny mete par bann nazer mon distrik vi ki mon pe, mon pe *lobby* mon distrik pou retourn sanpyon. So zot in fer mwan ganny okouran ki annan apepre 10an ki *score board* kot *swimming pool* NSC pa pe marse.

E zot in osi fer mwan, aprann ki sa larzan ti'n ganny mete dan Bidze e sa larzan in la detrwa fwa. E mon pe gete si dan sa Bidze la, sa larzan in ankor la e si sa travay pou ganny fer?

E apre mon ti a kontan si CEO NSC ti kapab donn en leklersisman lo laplenn sportif Lekol Plaisance Segonder.

So lekel ki *maintain* sa laplenn? Akoz aparan mon'n aprann ki zot in anvoy sa travay

lo Gouvernman Lokal, so donn nou en leksplikasyon lo la. Mersi.

### **MR SPEAKER**

Mersi Onorab. CEO.

### **CEO JEAN LARUE**

Onorab. Kekfwa ou premye kestyon saler Federasyon. Federasyon pa gannyen en saler.

2019. Federasyon ki i gannyen, i ganny en *grant*. En saler konmsi en dimoun i ganny peye. So si sa i dan rapor i mon krwar i en fot sa. *Ok*. I ganny en *Grant*, i ganny en lasistans pou li *run* son bann aktivite.

Dezyenmman sa *board* kot *swimming*, kot basen naze. Mon pa okouran pou dir in deza annan en Bidze spesifik pou li.

Me solman sa ki mon konnen se ki nou'n toultan annan diskisyon avek Lanbasad *La Chine*, e *La Chine* zot ti enterese toultan pou re-aranz sa *board*.

E dernyen fwa, ki i ti ganny aranze sete pou Zwe de Zil ki ti ganny fer an 2011 isi. Kot zot ti re-aranz li, zot ti fer li marse. Me malerezman avek teknolozi sa letan. Ozordi i demann zis tire remet en lot, *ok?*

Me solman, diskisyon nou pou kontinyen fer e mon

krwar Lanbasad Sinwan ankor enterese avek sa. So nou ava *take it up* avek zot.

Konsernan laplenn, Mont Fleuri, Plaisance Segonder, wi, mon ti ganny *call* pou vin koup zerb, pou fer bann dimoun al koup zerb kot sa lekol.

Me letan mon get lalis *handover*. Mwan annan zis laplenn “Kot Baba,” Ki tonm anba responsabilite NSC e letan mon'n kontakte Gouvernman Lokal zot in dir mwan.

Gouvernman Lokal koup laplenn lekol sa, sa i dan *compound* lekol. I Minister Ledikasyon. So sa diskisyon in ganny fer ant lekol ek Minister Ledikasyon *ok*? Si ti pou en, i ti tonm anba responsabilite NSC, nou ti'n fini fer nou louvraz. Me solman i pa tonm kot nou malerezman.

### **MR SPEAKER**

Mersi *CEO*. Onorab Cosgrow.

### **HON WALLACE COSGROW**

Mersi Mr Chairman. Mr Chairman zis en pti kestyon pou *CEO*. *CEO* letan ou antre dan *compound* Roche Caiman *Sports Complex*, enn bann premye fasilite ki ou war i fasilite tenis. I annan en ta bann dekoke lo son *floor*.

*CEO* kan ki nou kapab konmsi ganny en pti lasirans,

swa dan Bidze i annan larzan pou aranz *at least en court* ki bannla i a kapab zwe, zot kapab zwe tenis. Akoz la letan lapli i tonbe zot bezwen aret abandonn tou keksoz e al kot zot.

So silvouple si i annan en pti larzan ladan ouswa si ou kapab fer en komitman avek bann dimoun sa Federasyon silvouple? Mersi.

### **MR SPEAKER**

Mersi Onorab. *CEO*.

### **CEO JEAN LARUE**

Mersi Onorab. Sa ki mon kapab dir ou poudir wi, ti annan deza en *private business* ki in fer en *court*. I annan en *court* ki'n ganny refer totalman *ok*, sa mon kapab *confirm* avek ou.

E lot keksoz ki tre enteresan e trez enportan pou mon dir e mon krwar se ki ozordi nou'n fini siny en lagreman. NSC, Federasyon *Tennis* avek *MUH* kot zot, zot pou ganny lasistans avek *ITF International*. *Tennis*

Enternasyonal ki pare pou envesti, e nou'n fini tonm dakor. E la mon'n fek, dernyen kominikasyon ki monn gannyen pe demann zot zis pour demann *tennis* pou donn en *timeframe* kan pou komanse, lekel ki pou fer sa ban travay.

So sa pou nou i tre enteresan, e sa ki nou pe ankouraz bann Federasyon ozordi pou fer. Olye ki nou toultan pe depan lo Gouvernman, tap laport kot Federasyon enternasyonal e bann dimoun i pare.

E sa ki entereze avek *tennis* mon krwar zot oule fer zot 7 *tennis court* annan en *center court* konmsi en pti pe parey nou pe vwar deor. Annan dormitwar kot bann dimoun i kapab reste, avek en pti restoran.

Mon krwar i en plan ki nou bezwen felisit sa bann Federasyon, akoz i annan detrwa ki pe al dan sa *move*. Mersi.

### **MR SPEAKER**

Mersi. Mon kontan pou war ki nou'n termin nou lalis tou dimoun ki ti'n lev lanmen.

Nou pa ankor terminen? Onorab Pillay wi, si ou kapab fer li vit *please*.

### **HON SEBASTIEN PILLAY**

Mersi Mr Chairman. Mr Chairman premyerman mon oule remersye Minister Ledikasyon pou pran sa lenformasyon ki nou'n pase vizavi bann etidyan. E dezyenmman, mon oule osi remersye Lasanble par lefe ki

nou konsern vizavi *Air Seychelles* osi bann dimoun in ganny sans *travel* mon krwar ozordi.

En keksoz ki mon ti a kontan demann Minis avek *CEO*;- premyerman se eski sa Bidze pe fer ki okenn *staff NSC* pa pe perdi zot lanplwa? Tou dimoun pe gard zot louvraz? Premyerman enn.

E dezyenmman, mon kestyon pou Minister Finans *PS Thesee*, eski ki garanti zot kapab donn nou prenon kont sityasyon ki pei i ladan, ki zot satisfes ki Minister *Sports*, bann Departman Sports atraver *NSC* in fer maksimonm pou li kapab pa depans larzan ki, mon konpran ki Minis i anvi ki son bann program i marse.

Me nou annan en lot lanze se asire ki nou kapab fer sir ki tou dimoun i kapab gard en lanplwa. Mersi Mr Chairman.

### **MR SPEAKER**

Mersi. Minis ou a pran premye.

### **MINISTER MARIE-CELINE ZIALOR**

Mersi Mr Chair. Mersi Onorab pou ou bann kestyon. Lo kote *staffing*, i annan restriktirasyon ki pe fer, e pe regard en pti pe ki mannyer pou re-deplway bann dimoun.



E *CEO* i ava donn en pti pe plis detay lo la, akoz sa bann restriktirasyon i fer lo sa nivo e i riske i kapab annan kot *NSC redundancy* mon pa pe dir non pou napa.

I riske i kapab annan. Nou pa ankor formalize konnen si pou annan, akoz ki nou fer, nou regarde dan lezot departman si nou kapab abzorb sa bann dimoun. Akoz *NSC* ti en gro antite avek en kantite *staff*, e apre letan nou pe regarde pou nou fer li vin en Konsey, pa en Lazans ki mannyer sa i kapab arive.

E i annan en pe dimoun ki petet lo kote *retirement* ouswa zot Kontra *Retirement* pa pou ganny renouvle lo kote *retirement* lo sa kote lo *NSC*. Me selman mon ti a kontan kekfwa *CEO* ti ava donn en pti pe plis detay akoz sa louvraz pe ganny fer li avek *HR* lo sa kote.

Selman mon ti a kontan zis fer en pti komanter Mr Chair, lo sa kote kestyon ki'n demann Minis Finans. Zis en pti pwen kosyon, ou konnen mon konnen nou konsern i viz ver ekonomik.

Me ou konnen nou pe fer mannyer pou nou rezourd sa bann ekonomik pou dimoun, pou nou bann dimoun. E annandler si nou pa *careful*, dimoun i pa zis en bout

ekonomi li, i annan lezot fakter avek. So si nou pa fer atansyon ler nou'n rezourd problem ekonomik, nou annan nou lezot problem ki ou leve atraver sa.

E nou'n koup en bon pe sa Bidze *NSC*, ti bokou plis nou'n fer en kantite zefor pou nou koup en bon pe. Akoz nou a pe demann sekter prive e rod lot fason pou nou kapab *fund sports*, be sa i pou pran en pe letan *by the time* ki nou kapab koup ankor en pe pour ki sa Bidze i redwir en pe.

Mersi mon ti a kontan *CEO* i reponn sa kestyon lo kote anlwayer. Mersi.

### **MR SPEAKER**

*CEO* wi.

### **CEO JEAN LARUE**

Mersi Mr Chair. Mersi Onorab. Wi sa legzersis nou pe komanse. Annefe mon'n komanse depi yer, komans koz avek dimoun. E dan sa restriktire, dan sa transformasyon nou pe gete ki mannyer nou kapab fer plis avek mwens.

Akoz i annan dimoun ki nou konnen kekfwa son skil pa neseserman nou pou bezwen li pou al devan. So ou bezwen asiz avek zot eksplike. E parey si Minis in donn sa langazman ki

dimoun personn pa perdi zot plas travay.

Zot kapab ganny re *deploy* dan lot landrwa kot zot skil i ganny pli byen ganny servi. So sa legzersis pe ganny fer nou pou koz ek dimoun e mon pou komans sa depi lot semenn.

**MR SPEAKER**

Eski *PS* i annan lot keksoz pou azoute? Non.

**HON SEBASTIEN PILLAY**

Zis en pti demann atraver ou se ki mon krwar *from now on*, nou pou demande ki provizyon konstitisyonnèl ki annan pou Lasanble ganny lenformasyon ki okenn antite ki pe fer restriktirasyon ki nou ganny sa *nominal roll*.

E ki nou konnen ki kantite dimoun ki pe ganny striktire akòz lezot Bidze nou pe vwar ki i annan bann *freeze on recruitments*. E prezan nou pe konsernen avek kapasite Gouvernman pou re abzorbe sa bann dimoun si pou annan redeplwayman.

So nou bezwen balans tou lede nou koman Lasanble ler nou pe get Bidze, e regard bann *areas* prezan kot nou santi poudir nou bezwen koz ek Minister Finans poudir be la ou bezwen large, akòz pou dimoun kapab ganny redeplwaye.

*Otherwise* dimoun pou ganny fer *redundant* e pou napa louvraz pou zot. So si sa i kapab ede mersi Mr Chairman, mon ti ava vremen apresye. Mersi.

**MR SPEAKER**

Mersi. Wi Minis.

**MINISTER MARIE-CELINE ZIALOR**

Mersi Mr Chair. Zis en pti komantr ki nou mannyer nou, nou pe fer petet pour reasir Onorab Pillay, si i annan nou, nou pa kapab plas dan lezot Minister akòz nou pe travay antre nou Minister kot en pe osi tou nou pe plase.

Nou travay tre pre avek Departman Lanplwa, e nou donn zot bann non, e kot Sekter Prive osi akòz nou pe donn zot sa sans tou diferan opsyon letan nou zwenn.

Sekter Prive bann ki ti a kontan ale osi akòz mazinèl nou a pe osi fer Seselwa ranplas sa bann *GOP* e i annan bann ki annan ase kalifikasyon ki anvi osi ki ti a kontan al travay dan prive pou ou fer. Lanplwa f i asilit sa pou nou, e nou donn non sa bann dimoun e nou swiv de pre. E fer krwar sa bann dimoun ki nou'n anvoy kot zot konbyen ki zot in kapab plase e zot fer kontak avek sa bann dimoun, dir be ou konnen i

annan 2 opsyon la i annan 3la . eski ou ti ava swete al dan sekter prive?

Pou nou kapab fer sir parey *CEO* in dir, ki napa personn ki san en lanplwa e ki kantmenm in ganny fer *redundance* nou nou'n *facilitate* sa prose nou'n osi akonpanyi li e nou'n donn ase letan. Akoz les sa Bidze i fer provizyon pou saler sa bann dimoun ki ankor la li.

Be avek restriktirasyon i annan par faz, so i annan bann dezyenm faz i riske *as well* an mezir ki *NSC* ouswa lezot Konsey i fonksyonn parey en Konsey ki nou bann dimoun ki nou'n tir zot la wi selman nou met dan prive. E nou akonpanyi zot nou donn zot sa sipor nesese pou zot kapab fer sa bann tranzisyon.

E zis pou azoute osi tou anba Departman Lafanmir, sipor ki nou a pe donner se nou osi tou akoz fer sa tranzisyon sorti dan piblik pou al dan prive, nou pe donn *counselling* nou pe dir ek lanplwa nou kapab donn sa sipor, pou kapab.

Akoz nou tann en ta koze Seselwa i pares pa oule reste, be selman ou konnen i 2 kote sa. Akoz ou bezwen regard en pti git zot sityasyon fanmir, e fer, antre dan sa bann

negosyasyon, donn sa bann kalite sipor ki permet zot kapab reste dan sa bann lanplwa ouswa idantifye enn ki bon pou zot.

E fer sa bann negosyasyon osi pou fer sa bann sekter prive vwar nesese fanmir. Akoz nou bezwen osi anmenn *Family Friendly Workplace Policy* ki sa bann lanplwa ki pe detrir nou fanmir.

I en pe keksoz ki sa bann kolaborasyon travay ki nou pe fer mon ti anvi zis petet fer sa Lasanble okouran. Mersi Mr Chair.

#### **MR SPEAKER**

Mersi Minis. E *PS* i oule azout en keksoz wi.

#### **PS DAMIEN THESEE**

Mersi Mr Chair. Brefman de pwen. Parey nou konnen i annan *restructuring* ki pe ganny fer, e i annan en tim ki Minister Finans Departman Ladministrasyon Piblik e Lofis Prokirer Zeneral, pe zwenn ek tou ban Minister pou ganny zot bann lankadremman *restructuring* e osi pou fer bann lazisteman legal avek sa bann *Act*.

So nou sipoze zwenn avek Minis Zialor apre son sesyon pou nou konn son plan.

Dezyenmman nou'n deza dir ki *size*, groser Gouvernman i deza en konsern i 13 poursan nou *wages to DGP* ler nou gete ki gro. Me selman *at the same time* nou annan bann pozisyon kle ki nou bezwen kapab *recruit against*.

E la kot i pou bezwen annan petet osi pa zis *redundancy* oubyen *redeployment* me osi *reskilling*. So ou pou bezwen annan bann travay avek Departman Lanplwa ek osi *ANHRD*, ki fer sa bann *training programs*. So sa i enn nou plan dan imedy a pou nou kapab komans travay lo la.

E dezyenmman osi fodre osi nou pa per *redundancy*, akoz anmezir nou'n koz lo parey *Chief Secretary* in dir lo '*end of contract*,' ki ler i travay ek Gouvernman i fini son kontra, son kontra pa otomatikman *entitled to renewal*.

Me osi *redundancy* fodre nou kapab permet si nou pa pe ar lefikasite, akoz dan lepase enn nou problem se ki nou'n *recruit* ler en dimoun pa pe kapab perform son louvraz so nou'n *recruit* pou *basically compensate* en efikasite.

E se sa enn nou problem la, so nou bezwen kapab permet fer *redundancy*, zis parey *private sector* i fer. Me kwa ki

enportan se ki i ganny fer dan en fason organize.

E dezyenmman ki nou'n ganny sa *right timing* pou nou fre li. So i pa sipoze en proze brit me organize e ganny sa *timing* byen. Mersi.

### **MR SPEAKER**

Mersi *PS*. Avek s nou a pran vot lo Bidze *National Sports Council* ki lo paz 238 ziska 243 pou en total 69milyon R61mil.

Manm ki aprouve lev lanmen silvouple? Mersi. Okenn Manm ki kont? Wi Madam Clerk.

Bidze *National Sports Council* ki lo paz 238 ziska 243 pou en total 69milyon R61mil in ganny 29 vot pour, 0 kont e (0 abstansyon), e 1 abstansyon *sorry*, 1 abstansyon. Alor mon deklare ki sa Bidze in ganny aprouve.

Mon ava remersye bann Zofisye ki'n avek nou ozordi e mon vremen apresye ki zot in pasyante pou en long sesyon. Avek sa, avan mon ferm Lasanble mon ava zis repas dan Staz Lasanble. Serzan.

Mersi bokou bann Manm e nou a rezwenn demen bomaten 9er, e zot a remarke ki i annan en *Revised Order Paper* pou zot konsilte pou demen. Mersi bokou. Nou a *adjourn*.

***(ADJOURNMENT)***